


# CHINJIKIZO CHA MUCHANO

## CHIZE VANAHUMBULA

 . . . kukunguluka chimene chino mu Lijina lya Mwata Yesu, kaha hanyima ya kulomba chikuma. Kaha chimene chino, Kangwayileko washi washi. Ngwapwile nge ngunakotokela, kuhinduka, kaha Ngunashinganyeka nge wosena natachikiza mwomwoika chili ngana, hano vene.

<sup>2</sup> Ngwejile kwimbo, chimene chikwavo, mokomoko ufuku ukwavo, kaha uze alihata nenyi apwile nemana muchipango, ikiye na mwanenyi wapwevo wamundende. Pwevo lyenyi napu nashi wamukapete kakupapisa mu chipatela. Shikaho ikiye apwile na—na chifwoyo mulivoko lyenyi, pamo chachisuku *nge* ngana, na—na natusona twatundende hachikiko, lungoji lumwe, kaha chuma chachindende kuhanjika, “Kaka Branham nge, Ngwafwelela, ha 3:43 mokomoko 4:43, Tundwe mundende ha 11.” Jino, kaha jisona jajinene kwishi yacho, ambile ngwenyi, “Ove unapu kashinakaji kuhambakana omwo walishinganyeka.” Shikaho Ngukwechi vyuma vene jino hakunokela chindende kushimbula na chimene. Echi chakwoloka, Ndumbu walunga Wright, omwo enu—omwo enu namwiza nakupwa kaka walunga?

<sup>3</sup> Kaha shikaho Ngwashinganyeka muyachi wa kuwahilila kana, jino, Ndumbu wapwevo Kidd, chimene chino, mwomwo keshi kupwa kuze omwo enu namwiza kufuma ku Ohio. Nguli vene nakwivwa pamo myaka likumi wakukota, Ngwashinganyeka, chipwe, hanyima ya chize. Oloze, nge omu enu vosena munatachikiza nge Nguli na muzukulu waundende, pamo seveni mokomoko eyiti paundi, chumachimwe nge ngachize, kanyike wamundende wamupi chikuma Ngwamonaho lyehi. Ngwenyi, “Ikiye nasoloka nge kakuluka yenyi.” Shikaho. . . Kaha Ngwapwile kaha nakumona okwo ikiye ayile, kuze Billy ayile.

<sup>4</sup> Shikaho, ufuku unahichi, kwiza nakushikumuka muzuvo, hanyima yakusanyika chami, Ngwaliwananga na lizavu lya masepa kufuma ku Georgia na kujinguluka, kaha etu twapwile kuze nakutala hali vaze vakweze. Kaha vakiko vanapu vakuvatuka. Jino, vakiko vanapu kaha. . . Ngweji kwivwanga lwola lwoyana chuma chimwe nge, “Billy, ove uli nawoma nge nauya nakuvahokola, munatachikiza. Vakiko vali vavandende.” Kaha Ngwafwelela apwile Ndumbu wapwevo Beeler ngwenyi. . . Ngwapwilenga nakushinganyeka. . . Ikiye apwilenga nakushinganyeka nge nawa, oloze, hanyima,

ikiye awanyine nge vakiko kavahokola chikumako. Shikaho, Ngwashinganyeka nge chili chakwoloka.

<sup>5</sup> Zau na musana Ngwapwanga na lisesa lya kupwa nakushikumuka kumazuvo amwe ava ndumbwami vamapevo hano ha liuka, zuvo ya mwenenyi wapwevo; kaha Ngwashinganyekaknga ikiye nawa ali hano ha liuka, kuze vakiko vapwile na musana waundende kulya chaufuku na Ndumbu walunga Neville. Kaha ikiye apwile nakuvilika muzau. Kaha shikaho etu tuli nakuhanjika kuli Ndumbu walunga Neville, “Likumbi lyamwaza,” etu vosena, mwomwo ikiye napu ndumbu walunga wamwaza. Kaha, mukiko vene, ikiye ahichile twende faifi, chindende, shikaho jino nge yami. Kaha shikaho etu twahichile hali echi, lwola lwamuchivali. Chize. . . Jino kupwa kashinakaji, omu enu namuya nakuhita luze lusona lwa kapapa kavali, munatachikiza.

<sup>6</sup> Ngunanuka chimene chize Frank Etu twamer kwiza kuno. Kaha ikiye apwile chikolo chakushisaho kuli etu hano; mwanenyi wapwevo ayoya kuze jino. Ikiye ali mu Florida. Kaha Frankie kaha Ngwayile kushikola hamwe. Kaha Frankie kuhaka mu mulambu wenyi wa likumbi. Kaha Ngunapunga nakunangula jino pamo mumyaka yitatu mokomoko yiwana. Ngwamutwaminyine Frank kuli Mwata Yesu. Kaha ikiye ahakile muchihanda. Ngwashinganyeka Ngwapwile twende tu. Kaha ikiye kuhaka chimbwa. Ngwashinganyekanga, “Mamaah, yami, kumana ove unakungulweka nge Frankie Weber ali na myaka twende faifi yakusemuka? Hew! Yami, Ngwevwile woma wa lwola omu Nanguheta ha twende faifi.” Jino Nguli nakutonda kuhaka muli vakiko vatatu, shikaho jino, linwaha. Shikaho echi—echi kacheshi kuhasa kuchihitako.

<sup>7</sup> Omu Ngwatalile hano na kumona Ndumbu walunga na Ndumbu wapwevo Kidd muma eyite kaha hanga vali vangumengume, Ngwashinganyeka, “Mwata Yesu, ngukonekele yami kuyayavala, ha fifite tu.” Kaha vakiko. . . Ove uli eyite, kaha Ndumbu walunga Kidd ali eyite wani. Echi chakwoloka? Eyite wani. Kaha vakiko hanga vali mumulimo. Kaha Nangumilweka, nge tuhane etu kumika, keshi ngochoko? Punduvane mukiko chili. Ou Mwata ali wamwaza kuli etu.

<sup>8</sup> Jino, kuli kaha chuma chimwe chachipi chize Ngwevwunga, kupwa nakuliwana hano chimene chino, kaha chili. . . Echi chinapu chachikalu, kwivwakana nge chasonyi kuhanjika. Oloze Ngukwechi masepa vavavulu vali nakwiza, kwakusuku chikuma, na—na kutanga.

Kangweshi nakumona va Evans hano, oloze vakiko vali hano kumwe, Ngwashinganyeka. Vakiko kanda lyehi kujimbalisa chimwe. Kaha enu munatachikiza jimilosi jingahi vakiko veji kwendesanga hakala Chalumingo kwiza nakwivwa kunangula? Seteni handulendi mlosi. Vakiko kutambuka ou mushipili

kuvanga vapwenga na mandola sekesite seveni na mulungu, kuya kuliuka, echi chakwoloka, lwola vakiko vejile hano na chisaka chavo chosena, kuya kuze, nakufweta.

<sup>9</sup> Jino, keshi ngachize kahako, oloze hano hali ndumbu wamundende wakufuma ku Alabama, kwendesa pamo tunda yoyimwe hamulungu. Ndumbu walunga... Mamaah, yami! Ndumbu walunga “Welt”? [Ndumbu walunga umwe ngwenyi, “West.”—Muka.] West. Ngwa... Ikiye asoloka nge kanyike walunga, kuli yami. Ikiye—ikiye apwa tata, akwechi lizavu lya vana. Oloze ikiye lwola lwosena eji kungwanukisanga yami, ikiye ali kusoloka nge mukweze walunga, ikiye na pwevo lyenyi. Ndumbu walunga West.

<sup>10</sup> Ndumbu walunga na Ndumbu wapwevo Palmer kutwama kuze, kufuma kwishi ya Macon, Georgia.

Kaha—kaha Ndumbu wapwevo Ungren, vakiko kakavulu hano, kufuma muli Yami hamphis, Tennessee. Vakiko vali hano chimene chino? Ngwa—Ngwa... Vakiko kakavulu vapwa. Ndumbu wapwevo Ungreen na—na lizavu kufuma kuze ku Memphis, Tennessee, jila, yaa, kukinduluka kunyima.

Kaha kuli veka nawa. Nguli kaha... Vakiko vali kaha namavanda, kusanyika. Vamwe vavo, kwakusuku ku southern Kentucky. Vamwe, mujila yakuya ku Chicago. Kaha vamwe vakufuma ku Chicago, kaha helu lya Chicago, kujinguluka.

<sup>11</sup> Chalumingo, Ngwevwushishile kuze kwapwilenga lunga hano kufuma kwosena ku California, kaha ikiye apwile na kakandende kutwama; kutonda kungumona. Mukikovene, Ngwapwile wakushindakanya, hanyima ya kuliwana. Kaha uze lunga akindulukile, chakuzeneka yami kumona ikiye.

Mukwavo umwe ejile kufuma ku Illinois, kumwe. Kachi uze lunga ali hano chimene chino, vaze vapwile maapo amwaza ayema Ngwalyoho lyehi. Kaha ikiye angunehele chimbuta cha maapo.

Kaha umwe hali vandumbu vamaalunga kufuma ku Georgia, Ngwafwelela chapwilenga, mokomoko kumwe, kuneha kulongejeke chachinene cha vyelu, pamo *chize* chachinene, viyawu vya lipepa. Kaha, mamalelo, Kangweshi kuhasa kuvalyako!

<sup>12</sup> Hano vene, Ngunapu, mukiko vene, Kangweshi nakulya kuka chamwazako mumakumbi aze, kangweshi kufuma hakuya nakufuma kuli mama. Nguli nakutonda Mwata ha—ha chimweno chachihya. Kupwa nakulya vyuma vyavivwovu, kaha muyachi nge Nguli... wamundende nge omu Ngunahashile; kujimbalisa twende paundi. Echi chili... Jino, Kangweshi nakulitwamina kulyako. Kangweshi... nduma. Chize, kulinga chize, chize kacheshi kuhana kuli Mwata ko. Ove unatondo kuhana Mwata ove wamwaza ove ukwechi. Keshi...

<sup>13</sup> Ngwatalile mangana ngumone Ndumbu walunga Sumner na kuvakindulwisa kuze nawa. Kuli kaha vavavulu. Ngwa . . .

Nge, Chalumingo chamakumishilo, Ngwapwile kuvuluka vathu vaze—vaze vatwaminenga na mama, na vyuma vimwe. Kaha ndumbu wapwevo wakushishika apwile kuze. Ngwavulyama lijina lya pwevo. Jino, kachi ikiye ali hano chimene chino, Ngwalikonekelanga. Umwe wavo apwile Ndumbu wapwevo Beeler, kaha mukwavo apwile Ndumbu wapwevo na Ndumbu walunga Steffy. Kaha shikaho vavavulu! Ngwa . . .

<sup>14</sup> Enu vosena munangutachikiza kanawa kutachikiza Kangwatwalile nge, nge Ngunahumbula lijina mokomoko kuhumbula muthu. Omwo vakiko vapwile vakushishika! Kaha lwola lumwe kutwama hano, Nanguya nakuhanjika kuli muthumwe kwiza mvushinganyeka vyami. Oloze Ngwa . . . Mwomwo chize, Ngwatwale mu lizavu lyosena, kalamuthu, talenu, echi chili chamwaza chikuma. Kaha jino, muthu wosena, wakuzanga, wakufwana nge etu. Kaha etu twasakwila chize.

<sup>15</sup> Kaha jino, chimene chino, etu tuli nakuya nakweseka kupandama ku Lizu lya Kalunga cheka. Jino, Ngunatondo kuhanjika hanjikiso, shikaho nachiya nakupwa kanawa, chize Kangweshi—Kangweshi kwiza ku kala kuliwana mangana vangumone. Ngunahono kwiza nakuhanjika, “Chamwaza, Ngwatondo pamo kulomba kuli Mwata kuhana yami—ou Mujimbu nauya nakulingisa vathu kwivwa kanawa na kutambakana.” Etu twapwile na vavavulu vaze, oloze, kaha etu twasakwila chize. Echi chosena chakwoloka. Talenu? Echi chamwaza. Talenu? Oloze chuma Ngwatondo kutachikiza, chili, “Mwata, Ove muzuza vishinganyeka vyami chumachimwe chize nachiya nakupwa kukafwa vathu, chize nachiya nakuvawanyina hakamwihi na Kalunga, chize nachiya—chize nachiya—chize nachiya nakulinga chumachimwe hali vakiko, chize—chize, keshi chikuma nge kutunga vakiko mushipilituko, oloze kuvatunga mu chinyingi na mukumokomoka Kalunga, shikaho chize vakiko kuya nakutachikiza omu mwakwimanyina omu kala mukakale mweza.”

<sup>16</sup> Ngwapwile nakuhanjika kuli ndumbu wapwevo uze napunga hano kutambukila uno mulungu, Ndumbu wapwevo Palmer. Ikiye ngwenyi, atondele kutachikiza omu Ngwayoyela muno mulifuchi. Echi chili, mweji kwiza hano, kaha, yaa, kala lwola Ngweji kuveta muchana Ngweji kupwa wakuviza hazevene Nangwingilamo. Echi chili kaha chakuzeneka kulikangula muze muchana hano. Etu tunatachikiza chize. Oloze Kalunga akwechi vana vavavulu hano. Kaha shikaho likumbi limwe hali awa makumbi . . .

<sup>17</sup> Nguli nakutonda Mwata jino, kuwana Mujimbu hatoma kufuma kuli Kalunga. Talenu? Kaha Nguli, ha kukafwa

cha Kalunga, Nguli nakufwila kukwachilila palanga Ikiye kwiza, chize palanga Ikiye kulingisa hanjikiso yimwe kuli yami. Mwomwo Nguli nakwivwa nge kwatela kupwa... Kuli chumachimwe chize chili nakwiza nakusoloka hano, kaha Ngwatondo kutachikiza chuma muka echi. Ngwatondo kutachikiza vene kufuma kuli Kalunga, shikaho nge Nguhanjike echi chili MUKIKO MWANAMBE MWATA. Talenu? Kaha jino—kahajino enu munahase, enu, vathu, kahajino namuya nakutachikiza nge echi—kacheshi yamiko. Shikaho, Ngwatondo kweseka kuchilingisa echi, chize, mokomoko, kwivwa kufuma kuli Ikiye chatete.

18 Mwomwo, kachi Ikiye mwahaka Mazu Eyi mu—mu muthu, chamwaza, jino keshi muthu chekako; napu Ikiye. Jino kachi muthu mwahanjika echi, muli lyavene, jino kacheshi kumukafwako mukala chuma. Oloze kachi Ikiye ali, eli Lizu Iya Mwata, lili muli muthu, Naliya nakwiza nakulovoka, kaha jino nachiya nakupwa—nachiya nakupwa vene chakwoloka. Chize chikiko etu vatutumina mu Mbimbiliya, kuze pamo kapetulu 20 wa Lushimbi lwamuchivali, Ngwafwelela, Echi ambile ngwenyi, yaah, “Tala, kaha kachi umwe mwahanjika mu Lijina Iya Mwata, kaha echi kacheshi kwiza nakuhitako, kahajino kanda kuhaka mangana kuli uze muthu ko.” Talenu? “Oloze kachi vakiko navahanjika echi na kwiza nakuhita, kahajino enu mwatela kwivwa kanawa,” talenu, “mwomwo chili nakwiza kufuma kuli Kalunga.”

19 Omu mukiko Kalunga atwama. Ikiye akwechi kwala Chenyi chosena kupwa hano mu Mbimbiliya. Etu tunatachikiza omu mwakutangila. Oloze kuli vyuma vimwe, chize—chize ku Liuka na lwola na vyuma, nge Ikiye keshi kusoneka hano mu Mbimbiliya, shikaho Ikiye kuhaka Lizu Lyenyi muli muthu kaha vakiko kuhanjika Echi kulutwe, talenu, hanjika Echi kulutwe. Shikaho, jino, jila yakusopesa uze muthu shina kuwana nge echi chasolokele mujila vakiko vahanjikile. Kahajino, kachi echi nachilingika, kahajino twalilaho kusoloka mujila kana, chamwaza, kahajino etu tunatachikiza nge chize chakufuma kuli Mwata. Kahajino etu—kahajino etu tuli na lufwelelo, kahajino, kupwa wakulizanga ha vyuma vili nakwiza.

20 Ngwatondo kutanga vivali mokomoko vihela vitatu mu Visoneka chimene chino. Kaha Ngwatondo kutanga, chatete, kufuma mu Mukanda wa Kulovoka, kaha Ngwafwelela ha kapetulu 4 wa—wa Kulovoka, kukuputuka.

21 Kaha jino Ngunahase kuvilika shimbu enu muli nakupwa vakulizanga kutanga Visoneka, Ngunahase kuvilika chuma Ngwatondo kuhanjika kuli enu, chuma muka Mwata ahake ha muchima wami kuhanjika hali echi, chimene chino. Ngunahono kutachikiza chuma muka Ikiye mwaya nakulinga na echi, kuli vathu; pamo kupwa kuchitwala kuli muthu umwe hano, pamo

muthu umwe kulovoka muno mulifuchi nlya tepu, kumwe nawa. Oloze Ngwatondo kuvilika, chimene chino . . .

<sup>22</sup> Ngwashinganyeka, Chalumingo chinahichi nachimene, Ngwanangwile ha *Chinjiho wa Muchano*. Kaha Chalumingo chino chimene, nge Mwata netava, Ngwatondo kunangula ha *Chinjikizo cha Muchano Chize Vanahumbula*.

<sup>23</sup> Ngwa . . . Ndumbu walunga Palmer apwile nakungulweka, ufuku unahichi, nge Chalumingo chamakumishilo nachimene Ngwahanjikile ha mutwe wachihande . . . mokomoko ngwahanjikile Nguli nakuya nakuhanjika, echi Chalumingo, ha “Makanyiko awana a Liuka.” Kaha omwo Ngwayile ufuku unahichi . . . Kakavulu kusoneka echi. Chumamuka . . . Ngunahono kutachikiza nge enu mwatela kulinga chize mokomoko nduma. Oloze Ngukwechi vyuma vyavivulu, kweseka kushinganyeka. Ngukwechi chumachimwe, Ngwatela kuhaka hachihanda cha lipapilo. Talenu? Kaha Ngwayile nakutala hali chize, kaha chuma muka Ngwapwile nakulumbununa hali chize nge chapwile makanyiko awana. Ngwambile ngwami echi mujila kana, mwamuchano. Oloze omwo Ngwatale, chapwile, “Jize jijila jiwana ja fulumende ja Liuka.” Kaha kulinga chize, Ngwatela kupwa na mujimbu waunene hamwe. Kaha pamo lwola lukwavo Nanguya nakupwa nachize. Oloze nachitondeka chindende lwola lwaluvulu kuhambakana omu Ngunahase, kutanga lwola, kupwa nacho, mwomwo enu kupwa nakukinduluka kunyima na kupwa na makumbi, na vyangocho.

Mwomwo, enu vosena, vosena munevushisa echi chili kwosena. Mwomwoika, etu twatondo kupwa wakukunyuka ha vyuma kana shimbu kanda etu tuhanjike vakiko. Vakiko vatela kupwa wakwoloka. Mwomwo, etu tunemana hano, kukwata ufwishi helu ya kaye: mukakuzata. Mukakuzata, kaha umwe wamuchano na kupwa wakwoloka, kupwa wakusungama, etu twatela kupwa mujila kana. Etu twatela kukundamina hali Kalunga kulinga echi.

Jino, mu Mukanda wa Kulovoka, kapetulu 4:

*Kaha Mose amukumbulwile ngwenyi, . . . tala, kaveshi kukangwitavako, chipwe kwivwulila mulizu lyami: mwomwo navakangwamba ngwavo, Uze YEHOVA kali solvele kuli oveko.*

*Kaha YEHOVA amwambile ngwenyi, Owo uli mulivoko lyove uka? Kaha amwambile ngwenyi, Mukombo.*

*Yehova amwambile ngwenyi, Umbile hamavu. Kaha aumbilile hamavu, kaha wejile na kwalumukile kupwa linoka; kaha Mose amuchinyine.*

*Kaha YEHOVA ambile kuli Mose, Olola livoko lyove, umukwate kumukila. Kaha alumukile kupwa mukombo, mulivoko yenyi, amukwachile mulivoko lyenyi:*

*Mangana vaketeve ngwavo YEHOVA nalisolola kuli ove Kalunga kava kakuluka javo, ou Kalunga ka Apalahama, uze Kalunga ka Isaka, na Kalunga ka Yakova, na lisolola kuli ove.*

*Kaha YEHOVA amwambile nawa ngwenyi, Ingisa jino livoko lyove hatulo yove. Kaha engishile livoko lyenyi hatulo yenyi: kaha omu alilowele, kumana, livoko lyenyi lyapwile na mbumba litoma nge vula yachishika.*

*Kaha ikiye amwambile ngwenyi, Ingisa cheka livoko lyenyi hatulo yenyi. Kaha ikiye engishile livoko lyenyi hatulo yenyi; kaha omu alifumishile hatulo yenyi, kaha, kumana, linalumuka cheka kupwa ngenyama yenyi yikwavo.*

*Kaha nachikasoloka, kachi nge kaveshi kukwitavako, chipwe kwivwulila mu lizu lya chinjikizo chakulivanga, kaha navaketava lizu lya chinjikizo chamakumishilo.*

Enu talisenu vinjikizo vivali, kaha...kala chinjikizo chapwilenga na lizu. Echa ngutange vasi 8 cheka:

*Kaha nachikasoloka, kachi kaveshi kwitavako chipwe kwivwulila mu lizu lya chinjikizo chakulivanga, kaha navaketava lizu lya chinjikizo chakukuminyina.*

*Kaha nachikasoloka, kachi nge kaveshi kwitavako chipwe vinjikizo evi vivaliko, chipwe kwivwulila mu lizu lyove, kaha ukaya nakukaswita meya mukalwiji, ukawahingunwina...hatunda: kaha meya aze naukaswita mukalwiji hinawalumuka kupwa manyinga hatunda.*

<sup>24</sup> Kaha jino muli Mukakujila Yowano, kapetulu 1 na vasi 6, etu natutanga eyi vasi, mokomoko eyi vasi. Mukakujila Yowano, kapetulu 1 na vasi 6. Kaha...

*Kwejile muthu wakatuma kuli Kalunga, lijina lyenyi apwile ikiye Yowano.*

*...kwejile mutyhu wakatuma kuli Kalunga, lijina apwile ikiye Yowano.*

<sup>25</sup> Kaha mu Ezekiel 24:24, Ngwatondo kuhaka echi Chisoneka mu, kweseka kufumisa mu Tesitamende Yamwaka, kuli va polofweto, kuli Tesitamende Yayihya; shikaho nge ove muya nakwivwushisa evi vyosena mujila nakuhita, kufuma mu Kulovoka, maputukilo nakusongo.

*Ngocho Ezekele mwapwa chinjikizo kuli enu: muosena omu nalingi mukiko munamukalinga: kaha omwo na chikeza, numba mukangutachikize nge Ami yami YEHOVA KALUNGA.*

Jino echa etu tunongame mitwe yetu chindende kaha nge omu tuli nakavumbi ka kupandama kuli Ikiye jino mujila ya kulomba.

<sup>26</sup> Tata Kalunga, etu tuneza mu Lijina lya Kalunga lya Apalahama, Yisaka, na lya Yakova: Yesu Kulishitu, uze wakwoloka. Etu tuneza, kutachikiza nge Ikiye mwaya nakwivwa etu, mwomwo etu tuneza nakupwa mthuumwe uze neza nakwingila muzuvo, oloze etu tuneza na kumika na lufwelelo, kufwelela nge chuma Ikiye nashiki, nge Ikiye mwaya nakulinga. Shikaho etu twalombo, lelo, Mwata, nge Ove uyenga nakumbata etu vosena vaze valiko, mujila yosena kufuma kukamenga kukinduluka kukutunga, kuhita mujingalila josena, kaha kusokolola kala muchima na kwalamisa kwivwulila chetu, nge Lizu lya Kalunga wakuyoya nalifuma Mwilu, chimene chino, na kuhingununa mumichima yetu, mangana etu tuhase kufwelela, shimbu etu tuli nakwivwa eli Lizu lya Mwata kaha omu vanatange kuli etu mumatwitwi etu chimene chino. Kaha etu twasakwilila Ove ha Lizu Lyove. Lizu Lyove linapu Muchano.

<sup>27</sup> Kaha jino, nge etu kumona jiola jashili kupandama, kundombo yosena ya Kalunga kutunga nakwingila muutangatanga. Kaha echi chili kala lwola kuze kupwa chumachimwe kusoloka kuli lino lifuchi lize vakukanyine Ove, nge kuze kupwa umwe wamunene kupwa na kutotoka wamunene chize nachimbata lifuchi mwosena kufuma mukufunda cha kaye, na kuvwisa woma kuyima, cha kuzeneka kumukomoka kalunga na lifuchi lize lyamwaza kulinga ngocho. Kaha kutachikiza nge, kachi kupandama hakamwihi na Kalunga, vakiko vanasoloka kuya kulutwe. Kutachikiza nge Mukanda wa Kusoloka na kwosena kuhita mu Visoneka apolofwetele lino likumbi, jino echa tumbate kuhuhumuna, Mwata, keshi kushipwokela na kusavala thulo, nge omu chapwile. Echa etu tukatuke na kulimeneka etu vavene.

<sup>28</sup> Echa etu tupwenga na kwivwushisa, lelo, nge etu kanda lyehi tupwenga nacho. Echa michima yetu yipwenga hakakahya, hanyima ya eli likumbi, lize kuze nakupwa nakuwika kakahya mu myono yetu chize nachiya nakuhita mulifuchi, Mwata, kaha kupwa unjiho wakuyoya kwosena etu tuli.

<sup>29</sup> Kisula vakakuviza na vali nakuyanjisa, vaze vali nakutondeka, vosena mukachi ketu na kulovoka mukachi ketu, vathu Jove, kwosena.

<sup>30</sup> Kisula Lizu Lyove, Mwata. Jilika ngamba Yove, na vangamba Jove vali nakwivwulila, chize, hamwe, etu kupwa nakuneha kupwa hakamwihi mukutachikiza kusoloka Chenyi, kuhambakana shimbu kanda kuyoya. Keshi kulinga omu Ngunalombo hali evi vaze vapwile, oloze hali vaze navaya nakwivwa tepu kujinguluka kaye, mangana vakiko vahase kuneha Liuka lya Kalunga wakuyoya. Mwomwo etu tunatachikiza kuli kaha jila yimwe ize etu tunahase kwiza nakupwa membala wa eli Liuka, echi chinapu ha kusemuka cha Shipilitu, kahajino etu vanatujimika mu Shipilitu yimwe mu Mujimba umwe. Ngwalombo, Kalunga, hali vosena muno



mukaye, nge Ove nauya nakupwa na upahu kuli Ovelyavene. Kaha echa etu kuwahisa myono yetu, nge umwe ali nakulila kukaye, etu tunahase kutambakana, “Numba ngocho, twaya, Mwata Yesu.” Etu twalombo echi mu Lijina Iya Yesu Kulishitu. Amena.

<sup>31</sup> *Chinjikizo cha Muchano Chize Vanahumbula.* Malunga vatondele vinjikizo, kufuma kwosena kuli Fwalo palanga lelo.

Kaha Yesu atulwekele etu ha—ha lwola kuze vanahase kutonda vinjikizo, kaha ambile ngwenyi, chize, “Chisemunuino chachipi, chaujila nachiya nakutonda vinjikizo. Oloze, oloze, vakiko navakaya nakutambula chinjikizo.” Kaha chize chisemunuino chatela kutambula chinjikizo cha kusanguka; vase navakazeya, vakakuhuka, kaha chisemunuino chaujila navakachihana chinjikizo cha kusanguka.

<sup>32</sup> Oloze nge echi Chisoneka chili kumeso etu, mu Ezekiel kapetulu 24 na vasi 24, ou kapolofweto apwile chinjikizo. Kaha chize chinjikizo chize Nguli nakufwila kuhanjikaho.

<sup>33</sup> Ou lunga vamutengele chinjikizo kuli va Isalele. Kaha kushikumuka nakuhita mu Visoneka, Kalunga napunga na tupolofweto Twenyi ha vinjikizo. Kaha vakiko lwolalwosena kupwa vakuhumbula. Vakiko kanda vamone kukwata chize chinjikizo. Vakiko lwolalwosena kutala ha chinjikizo chakwivwa.

Numba va Fwaliseu nava Yesu, ngwenyi, “Tulweke chinjikizo kufuma Mwilu.”

<sup>34</sup> Oloze Yesu avenyikilile kuli vakiko nge vakiko navaya nakupwa na chinjikizo. “Ove uli Iyehi na chinjikizo.” Ngwenyi, “Enu munahase kutumbununa muutangatanga. Enu munahase kutala hali chize chinjikizo. Ove muhanjika, ‘Kachi chinachilana, kushikumuka, hamene nakukaya nakupwa mbundu.’”

<sup>35</sup> Kachi vakiko navatala ha chinjikizo, vakiko kachi vatalile hali Ikiye, kaha kutachikiza nge Ikiye apwilenga chinjikizo cha Kalunga kuli vakiko; mwomwo maupolofweto avo kutwala kuli Ikiye apwile akuzalishiwa kumeso avo. Oloze vakiko hanga vatalile ha chinjikizo.

<sup>36</sup> Omu chinapu chaungeji kuli malunga kuya nakulinga ngachize, chize nachiya nakutala ha chinjikizo omwo chinjikizo chili chakwoloka na vakiko, hazevene mukachi kavo. Jino, Isalele engilile muli eyi seteko.

<sup>37</sup> Kaha lwola lumwe mukakuyanjiwisa chize chinjikizo chatela kuya nakuhita mukukomwesa; chize kupula chize Yesu ayile nakuhita, kwinjikiza chinjikizo cha Kalunga, nge Ikiye apwilenga Meshiya.

<sup>38</sup> Etu tunawane hano, ou kapolofweto wa lijina Iya Ezekiel lwola lwosena ejile nakupwa chinjikizo, lwola lwosena. Omu

ikiye aliyanjishile lyavene! Chihela chimwe hano etu kuwana ikiye kupwa kusali yenyi ha seli handulendi na makumbi nayite. Kalunga amulwekele ikiye kupwa vamwe makunde na vyumavimwe na senga, kuhaka hamwe vosena, kutela, kaha kuhaka kushikumwisa kusali yenyi, kaha yako nakusavala haliya, kaha savala kusali yenyi, ukawove, kanda kwalumukako, ha makumbi seli handulendi na nayite. Shinganyeka hali echi. Kaha jino ngwenyi, “Alumuka katalisa kusali ya chilyo na kutwama kuze makumbi fwote cheka.”

<sup>39</sup> Kaha Ikiye ambile ngwenyi hano, “Chuma muka ove mumona, Ezekiel,” ambile ngwenyi, “mwomwo ove unapu kusolola upapwoke kuli vathu, hakumbi hakumbi Nanguya nakulava mwaka hali vakiko.” Kupwa, ne, kala likumb ikiye kusavala kuze, nge kulumbununa ha mwaka vakiko kupwa muufunge, kaha uze upapwoke wavo naukapwa kwanukilaho kuli Kalunga, kaha Kalunga mwaya nakwivwa kulomba chavo chekako.

<sup>40</sup> Oloze kuzangamisaechi lunga atelele kuya kuhichila, mwomwoika ika echi chuma, kuhita, mwowoika echi chinapu chinatondeka? Vavavulu vanalikomokela, mwomwoika chumakana kupwa cha chilemu hali muthu kuchilinga. Echi chili mwomwo vathu kaveshi kuhasa kutanga Lizu ko, kaha vakiko kaveshi kukalombako. Shikaho, Kalunga apwa wakulimanyina, kaha Ikiye atumine kapolofweto Kenyi kupwa chinjikizo. Vathu kaveshi kuhasa kutangako. Vakiko kavalizakaminako kutanga. Kaha vakiko kaveshi kuhasa kulombako, mwomwo vakiko vali nawa...vakwechi vyuma vyeka na kulinga. Vakiko kaveshi kuhasa kumbata lwola lwakulombelelako. Kaha eyi Mbimbiliya yakuzeneka chiseke kuli vakiko. Kayeshi na vilinga vyakutamo ha makumbi akutona, mokomoko kala makumbi.

<sup>41</sup> Munatachikiza, Ngwafwelela apwile Paulu ngwenyi, “Enu munapu mikanda ya Kalunga, yakutanga kuli vathu vosena.” Kalunga eji kuzachisa vathu ha vinjikizo, kusolola vinjikizo Vyenyi. Kaha lwola lwaluvulu chize chinjikizo, kaha lwola lwosena, chikumanyi, kuvangila echi chili na vathu vakusakula, nge chinjikizo chili cha kuhumbula na kutoleka, kuchiseha, kuchitapula.

<sup>42</sup> Kaha kuchitavila, numba mu Tesitamende ya Mwaka, mu makumbi a tupolofweto, vakiko vapile vakuvuluka kupwa vathu vakuvayangila muwongo. Vakiko vashinganyekele nge vase tupolofweto vapwile vakakutoleka, nge vakiko vapwile chumachimwe chakuhenga na vishinganyeka vyavo. Kaha vakiko kuya nakuvamona vakiko kwiza kufuma mupambo na—na kuzata vinjikizo, kaha jino kwalumuka kunyima muze mupambo cheka. Kaha vakiko navaya nakuvasekeleka, mwomwo vakiko kavatachikijileko Chisoneka.

43 Yesu amulwekele va Fwaliseu, lwola lumwe, kuvuluka kusanguka. Vakiko vambile ngwavo, “Etu twapwilenga na... Luze lushimbi kuhanjika nge kachi ndumbu walunga mwafwa kaha mwakwata pwevo na nduma—kakweshi vana kuli ikiye, nge ndumbwenyi walunga atela kumbata uze pwevo na kukatuka vana venyi, vafu.” Kaha ambile ngwenyi, “Etu twapwile na vandumbu vamaunga vatanu navavali. Kaha umwe watete ambachile pwevo, kaha ikiye afwile, kuseza mbuto. Kaha jino ndumbwenyi walunga amumbachile, kaha jino ikiye afwile; kaha kuya kuli umwe wamuchi seveni. Kaha makumishilo uze pwevo afwile.” Ambile ngwenyi, “Jino, mu kusanguka,” ambile ngwenyi, “jino, uze pwevo mwakaya nakupwa, vaze vatanu navavali?”

44 Mamalelo, Ngwazanga eli Lizu! Yesu ambile ngwenyi, “Enu mweji kuseukanga lwola lwosena, kuhona kutachikiza Visoneka chipwe ngolo ja Kalunga.” Mamalelo, omu Ikiye mwahita na lelo kachi Ikiye emanyine hano! “Enu mweji kuseukanga lwola lwosena, kuhona kutachikiza Visoneka chipwe ngolo ja Kalunga.” Ngolo ja Kalunga jili nakulinunga mu Chisoneka. “Enu mweji kuseukanga chikuma.”

Kahajino Ikiye ayile nakuhanjika, “Mu kusanguka vakiko chipwe kumbata mokomoko kuhana mu kulimbata, oloze vakiko vanapu nge Vangelo.” Ikiye kahanjikile nge vakiko kupwa Vangelo, jino, oloze vakiko kupwa nge Vangelo, kufumisa vyausunda muli vakiko. Vakiko kavambatako mokomoko kusomboka.

45 Etu tuli nakuyoyela mulikumbi lya kalemesa, mokomoko, muuthu, makumbi a wangana. Oloze kuli nakwiza likumbi omwo kuli Wangana uli nakwiza, kaha ou Wangana wakuzeneka kupola uli kuze vakusokola vali nakuyoya. Vaze vanasokola, kaha vali... Chize chiyoyelo kuseza uno mujimba, kukinduluka kuli Kalunga uze achiyanyine, mwaya nakukinduluka cheka kufuma mu Mutondo wa Kuyoya, likumbi limwe, kunyula hayamyaka.

46 Omu uze mukweze walunga, kapolofweto wamukweze, alambwile na kuhana kuyoya chenyi chosena kupwa chinjikizo kuli vathu jenyi, kuzangamisa muze vakiko vapwile nakuya nakutambula, mwomwo vakiko vavulukile vapwile nge omu “kulihandununa.” Vakiko kavatondele chuma chimwe na Kalunga ko. Vakiko kavafwelelele vakiko tupolofwetoko, kaha vakiko vavasehele. Kaha, oloze, kusali, kaha chipwethuhu vakiko kavatondele kufwelela echiko, Kalunga amwene nge vakiko vakwechi echi, mwosena omwo.

47 Yezevele katondele kwitavila nge Ahave apwile kafunga kenyi, oloze ikiye apwile. Kalunga amwene nge ikiye akwechi chinjikizo, mwosena omwo.

Shikaho eli linapu lifuchi lelo. Uze kupwa kaha wakushishika na Kalunga, ha Lizu Lyenyi, kahashile kwecha kalachuma, chize etu tuli nakumona kusoloka, chakuzeneka kupwa na chinjikizo kumwe. Ikiye lwola lwosena apwilenga nacho. Jino, etu twatela kutala hali echi. Kaha Ngunakunyuka ngana nge vathu vali na kwivwushisa chamwaza cha Chisoneka kutachikiza omu mwakutala.

<sup>48</sup> Nowa apwilenga chinjikizo mulikumbi lyenyi, kuli vathu, cha kwiza cha kusopesa. Nowa mulikumbi lyenyi apwile wokusanyika nge chileya. Ikiye apwile kapolofweto. Ikiye apwile umwe uze kapwile na vishinganyeka vyamwaza. Kaha uze lunga vamuvetele, ha mwaka ha mwaka, kutunga chize chikasha, omu kwazenekele numba meya hamavu oloze chumamuka chapwile munonga. Kaha ikiye apolofwetele chumachimwe chize chapwile chauleya, kuvishinganyeka vya chisemwa. Ikiye ngwenyi, “Kuli nakwiza meya kufuma mwilu.”

<sup>49</sup> Kukakasana chauchi, vaze vavavulu vanahase kuhanjika kuli ikiye, “Ngulweke yami okwo chili.” Ize sayasi nayiya nakuhanjika, “Ngunahase kwinjikiza kakweshi meya kuzeko.”

Oloze, ohonyi, kachi Kalunga amulwekele nge echi chili nakwiza kufuma muutangatanga, Kalunga mwaya nakumona eli Lizu Lyenyi kuzalishiwa.

<sup>50</sup> Kaha shimbu kakwapwile meya mumeso, shimbu kanda kupwenga livwi muutangatanga, kavapwilenga na mamata avulako, kakwapwile chuma nge vulako, oloze, lwola lwosena, Nowa apwile wakuwahisa ku chikasha ha vula. Echi chapwile chinjikizo cha kuyoya nge uze kapolofweto afwelelele chuma muka ikiye apwile nakuhanjikaho, mwomwo ikiye apwile nakuwahisa hali chize.

<sup>51</sup> Kaha kala vathu vaze vene vafwelela ovyo uli nakuhanjikaho, ove muya nakupwa wakulizanga hali echi.

<sup>52</sup> Echa Ngwimane hano, mumunyutu kaha. “Ha likumbi lya Nowa,” nge omu ahanjikile Yesu, “shikaho mukiko nachikapwa na kwiza cha Mwana muthu.” Kachi mauka, lelo, kufwelela chuma muka vakiko vali nakuhanjika hali echi, vakiko navaya nakulongesa chuma muka vakiko navahanjika.

<sup>53</sup> Natuya ngachilihi nakutunga tuponya vavanene mujizuvo, kaha jizuvo ja mandola ya jimiliyoni, kaha kutanduuka cha vikungulwilo na vyuma nge ngachize, kaha kunangula nge Kulishitu ali nakwiza hakala lwola? Natuya ngachilihi etu kutwalilaho, kutala ha vikungulwilo vyetu kaha kuvamona kuhandunuka kufuma kungolo ja Kalunga kaha kuya nakwimngila mumusenge, kaha kuneha nakwingila muliuka na kulifutula hamwe, kaha etu kwitavila echi? Mwomwo ya puho, kaha mwomwo ya vishinganyeka ya puho na vihandwa vya vikungulwilo, kweseka kuhambakana chikungulwilo chinashishiho, natuya ngachilihi kulilongesa mwakunangwila?

Kaha kaye kumona chize, vakiko kutachikiza chize, palanga kulifukula kwiza na kupwa chuma kaha nge kupandama kaha kuchiyulo chimwe, mokomoko kupandama kuchihela chimwe. Kulifukula. . .

<sup>54</sup> Ulwilo wa Kulishitu kaweshi lizavuko. Echi kacheshi kulinunga chumachimwe. Echi chinapu kutachikiza.

<sup>55</sup> Jino, Nowa apwile nakuneha chumamuka ikiye apwile nakuhanjikaho. Ikiye ambile ngwenyi, “Kuli nakwiza livaji lya kusopesa hali chino chisemunuino chakuzeneka kwoloka. Kaha Kalunga mwaya nakuhingununa kufuma mwilu, vula, kaha Ikiye mwaya livaji hamavu.” Kaha keshi kaha ikiye apwilenga nakulinga chize, oloze ikiye apwilenga nakutunga jila yakuchinyina na kuli vathu kwiza kuli echi. Oloze vakiko kavahashile kumwivwulila ikiyeko.

<sup>56</sup> Oloze, Nowa, nge kapolofweto, chapwile chinjikizo kuli chize chisemunuino, chinjikizo chize vahanjikile mwamupi, lunga luze lwapwile nakushinganyeka kpwa lunga wakuzaluka; kuwahisa chumachimwe, chize kuze—kuze kwapwile chinjikizo kwosena, mokomoko kanda kupwenga, chize kanda kupwa kala kuzachisa hali echi.

Oloze chize chili mujila ya vathu kusoloka kushinganyeka lelo. Vakiko vanahase kushinganyeka ha chikuku chakuholoka. Kuwaha muka chakuholoka chikuku kuya nakulinga omu kakwqeshi numba kuya nakupwa mutondo mokomoko lilolwa lyasalile ha mavu?

<sup>57</sup> Etu tukwechi kuholoka cha Chikuku, mukiko napu Mukakulishitu. Nge omu Ngwahanjikanga, Chalumingo yayindende hanyima, mokomoko kushinganyeka kumwe mujila, “Echi chili Chikuku cha *kuholoka*, Echi chili *kuholoka* mu Chikuku, mukiko etu kuholoka hali Echi, kutwalilaho, na muchima wosena, na myono yetu yosena, na vishinganyeka vyetu vyosena, muli Kulishitu, Chikasha cha Kalunga chakukingiwa.”

<sup>58</sup> Oloze, Nowa, kafungunya, kuchishinganyeka hali lize likumbi, kuhichila muuleya wa kunangula, na kuzata chinjikizo kumeso avathu, kuhana vakiko kuhuhumuna, chakupaisa kaye. “Kupaisa kaye, ha kutunga chikasha,” omu kuze kwapwilenga numba meyako ha kufungikamo. “Ikiye apaishile kaye,” eyi Mbimbiliya ngwayo, Hepelewu, kapetulu 11. “Ikiye apaishile kaye na kulwila zuvo yenyi, wakuwahisa,” kaha kupwa chinjikizo cha Kalunga, cha kusopesa kwiza cha lize likumbi. Chuma kana chaupahu!

<sup>59</sup> Mwahichile myaka, kwejile chinjikizo chikwavo. Uze apwile Mose, kapolofweto. Chize chapwile chinjikizo cha Kalunga kuli Isalele. Vakiko vanapunga na myaka fwo handulendi muundungo. Kaha Kalunga awahishilile vakiko, shimbu kanda kusokoka. Kaha ikiye apwilenga chinjikizo cha kusokoka kuli Isalele, kaha chinjikizo cha kusopesa ku Ejipitu.

<sup>60</sup> Nowa apwilenga chinjikizo cha kusokoka kuli vathu jenyi, kaha chinjikizo cha kusopesa ku kaye chajimbala, mukakuzeneka kufwelela. Aze meya vene aze ajimikile kaye na kulondamisa kaye apwile kaha akulwila Nowa. Chuma chimwe kaha chize chinahase kulwila ikiye shina kusopesa.

Chuma kana chize nachiya nakulwila lize Liuka lelo kupwa kusopesa, Kalunga kupwa mukusopesa kushikumuka.

Oloze Nowa anangwile chochimwe. Ikiye ejile nakupwa chinjikizo.

<sup>61</sup> Kaha jino Isalele, hanyima ya myaka fwo handulendi, vakiko vaputukile kutambakana ha kusokoka. Kaha Kalunga kanda lyehi alisolola Lyavene na kulisolola Lyavene palanga vathu Jenyi vali vakulizanga kutambula chuma Ikiye eji kusololanga.

<sup>62</sup> Jino, mamalelo, chumamuka vanahase kuhanjika kuze, kachi chapwile, ngachilihi Kalunga kuseza lifuchi uselesele! Vakiko kutachikiza kanawa. Mapapilo amijimbu kuvilika, kujinguluka na kujinguluka na kujinguluka. Vinjikizo vya Kwiza Chenyi vanavifwatula. Kaha vakiko kutwalilaho kuya lika nge vakiko veji kuliula echi. Vakiko vali chakuzeneka lisesa. Etu tuli kumakumishilo.

<sup>63</sup> Kalunga eji kutuma tupolofweto Jenyi omwo vathu vanatondo kapolofweto. Kalunga eji kutuma chinjikizo Chenyi omwo vathu vali vakulizanga ha chinjikizo. Oloze, chuma chivene, vathu kuhona. . . Vakiko veji kuheta kuchihela chize vakiko vanatondo kwivwa, mokomoko vakiko navaya nakutonda vamwe, “Tulweke etu chinjikizo kufuma Mwilu.” Oloze omwo Kalunga atumine chinjikizo, kahajino vakiko kavatondele kumona chizeko. “Shikaho echi chili chakusweka kumeso avakamangana na vakakunangakana, kupwa wakusolola kuli vakemba vase navaya nakulinangula.” Vakiko kuhumbula, chize chinjikizo.

<sup>64</sup> Omu va Isalele vatelele kutachikiza, omwo uze mwana wakulumbunuka, omwo vakiko vatalile kuze na kumona ha—ha lwola lwa myaka vakiko vapwilenga nakuyoyelamo, “Vathu jove navakaya nakupwa ngeji ha myaka fwo handulendi, mulifuchi lyaungeji, oloze jino Nangukaya nakuvafumisamo.” Vakiko vatelele kutachikiza lwola lunahete, kaha omwo vakiko vamwene mwana wakulumbunuka. Chize, numba naye na ise, Amram na Jochebed, kapwile nawoma wa jishimbi ja mwanganako, kaha vakiko kumujimika muzevene mukalwiji muze muli vangandu; keshi numba umwe wavoko vahashile kumusuma ikiye. Vakiko vamwene nge kwapwile chinjikizo, oloze vakiko veji kuchiula. Vakiko kavapwile vakulizanga hali chizeko.

Kalunga amunehele ikiye hazevene nakumuhaka ikiye munganda ya Fwalo, kaha echa Fwalo amusangwile na kumuhana kutanga chenyi chosena chize ikiye ahashile, kusolola

(Kalunga) omu Ikiye eji kulinga vyuma, kaha jino kumumbata ikiye kusali ya pambo, echa ikiye kuvulyama vyosena hali echi.

<sup>65</sup> Fwalo apwilenga na kumulongesa ikiye jino. Kalunga apwile na kumulongesa ikiye. Fwalo apwilenga na myaka fwote kumulongesa ikiye, kahajino Kalunga ambachile myaka fwote kumulongesa ikiye, echa ikiye avulyame chize. Muthu ali nakulongesa; kaha Kalunga ali na kulongesa.

Fwalo apwilenga na kulongesa mwana walunga kupwa twamina, wamulemu, hali liswalale, mukakuzunga, ha kwiza mukwavo Fwalo uze mwaya nakukwata Ejipitu mu vihela vyahelu, kushikumwisa mafuchi osena na kuvalingisa kufweta kalesa kuli Fwalo. Oloze Kalunga amumbachile kusali ya pambo, kumbata vyosena kufuma muli ikiye. Kaha kumulwekesa ikiye, mu minyutu yitanu, na chiputa chakuwema, nge Ikiye apwilenga Kalunga wakuyoya. Kaha ambachile woma wosena muli ikiye; amuzangile. Ikiye apwile chinjikizo.

<sup>66</sup> Kalunga atonda vathu Jenyi kulomba. Kaha omu Isalele kupwa vakutambula mitelo, mu seteko kana, nge kavatela kuya lika kulutwe, lwola lwavo lwapwile wakutamo, kaha viteli vyavo lwapwile kutwalilaho kuhambakana chuma vakiko vashinganyekele, jino vakiko kuputuka kulomba. Kaha omwo vathu vaputukile kulomba, kahajino Kalunga aputukile kwivwa. Lwapwile lwola lwa Lizu lya Kalunga kuzalishiwa.

<sup>67</sup> Kaha shikaho, omwo Amram na Jochebed amwene luze lwapwile lwola lwa Lizu kuzalishiwa, vakiko vayile nakulomba, kuli Kalunga. Kaha echi chili kakavulu vaze veji kulombanga umwe uze akwechi chiteli, umwe uze eji kumbatanga chumachimwe. Vali vaze vakakulomba, vaze vakutongola kuli Kalunga kulinga ngocho.

<sup>68</sup> Etu twapwile nakuhanjika chimene chino ku mesa ya kulya chachimene shimbu etu tuli nakuzangula kuhichila vyuma vimwe na vyangocho, kuya kuliuka. Kuze kwapwilenga chumachimwe kuhanjika hali lunga umwe kupwa, kufuma hano, nge kuya nakukinduluka kunwa makanya hanyima ikiye kupwa vakuhindnuka ku kansa. Ngwambile ngwami, “Oyo keke kana.”

<sup>69</sup> Shikaho jino umwe ahanjikile kaha ambile ngwenyi, “Echi chinapu chuma chachikalu kuya nakufuma, kuze kuli, kunwa makanya.”

<sup>70</sup> Ngwambile ngwami, “Ngunatachikiza echi. Mwomwo, ali liyavolo.” Kaha Ngwambile ngwami, “Ali—ali liyavolo.” Kaha Ngwambile ngwami, “Kaha ove kaweshi kuhasa kwimanako kuvangila ngolo ja Kalunga jili hali ove.”

Ngunatachikiza vakweze vavali mu chiyoyelo chami, vosena vatondele kupwa malunga ja Kalunga.

Umwe wavo, haze vene Ngwamutwaminyine kuli Kulishitu, ikiye aputukile kumunyika helu lya likanya. Ikiye kunwa

vimbokishi vitanu mokomoko sikisi ha likumbi, kupwa kutwama na kumunyika umwe kufuma umwe, likumbi lyosena. Kaha ikiye esekele kumunyika chikwavo, kaha Chumachimwe kacheshi kuhasa kwecha ikiye kulinga echiko. Ikiye kutambuka nakuya kulijiko lya kakahya kakeji, keshi kutachikiza vize Visoneka kupaisa vyuma vakiko, kaha kusokolola lijiko lya kakahya kakeji na kufuma chimbokishi ha lijiko lya kakahya kakeji. Kaha chize chakumishile.

<sup>71</sup> Kulihi, mukwavo uze atondele kwiza nakupwa Mukakulishitu, kaha ikiye esekele mwosena. Ikiye alilile kuli Mwata. Ikiye echele vakiko, ha milungu yivali mokomoko yitatu. Kaha omwo ikiye ejile kuli lyavene, muli ize seteko, ikiye alovokele muvishinganyeka vyenyi. Kaha ikiye kwiza lyavene, kaha kuwana lyavene kulovoka kunyima ya chimbango, kuveta ha chihanda cha chifwoyo, kulovoka ha mutwe. Kulaha kwingila muzuvo, washiwashi, kaha kumbata likanya lyenyi, kaha kunwa chimbokishi kuseza zuvo chize chingoloshi, umwe wakwoloka hanyima ya mukwavo. Talenu?

<sup>72</sup> Umwe apwile wakusanyikiwa. “Naumwe muthu mweza kuli Yami kuvangila Tata Yami namukoko ikiye, kaha vosena Tata nanguhane Yami navaya nakwiza kuli Yami.” Chuma muka chahuhumuna kulumbununa? Chize chapwile Kuyoya, kuli umwe. Ikiye amwene Chize. Enu kamweshi kuhasa kumona Echi kuvangila Kalunga mwachisolola Echi. “Echi chili chakusweka kufuma kumeso, vaze vakamangana na vakakunangakana, na kusolola kuli vakemba vaze vanahase kulinangula.” Echi chakwoloka.

<sup>73</sup> Amram na Jochebed atachikijile nge luzu lwola. Luzu lwola lunapandama lyehi.

<sup>74</sup> Kaha Ngwatondo kuhanjika echi shimbu Nguli nakuhanjika hali echi. “Kacheshi chaou mwasaka, mokomoko ou mwalaha; napu Kalunga uze eji kusololanga keke.” Echi chakwoloka. Ali Kalunga.

<sup>75</sup> Shikaho, lelo. . . Mamalelo, echa echi chijiminyine! Kachi, lelo, Kalunga nakusanyika ove, kaha ove lihandunune kufuma kuvyuma vya mukaye, kaha ngolo ja upahu wa Kalunga kupwa wakujiilikiwa kufuma mu vyuma vyavo, ove watela kupwa muthu wakuwahilila kuze muno mukaye. Kuze kwapwilenga jimiliyoni ja kuhasa kulinga echi kachi vakiko vanahase, oloze vakiko kaveshi kuhasako. Echi kacheshi chavakiko kupwa nachoko. Eli likiko likumbi omwo Liuka vali vakusanyika, vakuhandunuka. Echi chinapu chakuhandunuka, omwo chapwilenga. Eyo.

<sup>76</sup> Omwo vathu vapatukile kulomba, omwo va Isalele vapatukile kulomba kapolofweto, Kalunga apwile na kapolofweto. Kalunga apwile na kapolofweto, lwola lwosena, mwomwo Kalunga lwola lwosena eji kutumbukanga kulutwe



Iwavo. Ikiye apwile na muthu awahishile, oloze Ikiye apwile nakuvandamina vathu kuya nakulomba, vathu kutonda echi.

<sup>77</sup> Omu muyachi Nguli nakuhanjika chize lelo! Chuma etu twatondo lelo keshi kuhizumukako, keshi lunga mukwavo chikungulwilo chachinene, uze ali kupwa na mazavu kulivwasana hamwe. Chuma etu tunatondo lelo shina kapolofweto wakutuma kufuma kuli Kalunga, na Mujimbu uze nauya nakupaisa kaye. Kalunga echa apwenga na muthu, kachi vathu vali vakulizanga hali echi. Munatachikiza chuma muka Nguli nakuhanjika. Ikiye ali, pamo, amumbachile kumwe muno mukaye, oloze vathu vatela kuchitonda. Kalunga keshi kushinjika vyuma kushikumwisa hamuliu. Ove watela kutonda echi. “Vakukisula vaze vali nakwivwa zala na pwila ya kwoloka, mwomwo vakiko navakazangula.” Echi chakwoloka.

<sup>78</sup> Hanyima ya Mose kutachikiza . . . Hanyima ya vathu, vene, kutachikiza nge vakiko vatondele twamina, vakiko vaputukile kulomba. Vakiko kuputuka kulomba hali Kalunga kutuma vakiko kupwa twamina, mokomoko muthuumwe kuneha vakiko kulovoka. Kaha Ikiye avatuminyine muthu, kapolofweto. Chize chapwile chinjikizo Chenyi. Jino, kachi ou lunga kapwile kapolofwetoko, kachi ikiye navakatuka, ahanjikile, “Ngunapu liswalale wamangana,” va Isalele kupwa wakwoloka kuzeneka kufwelela uze lunga. Mwomwo, Kalunga, mulwola lwosena, chakuzeneka kuhona, kutuma kapolofweto. Kuvuluka lwola lumwe mu Mbimbiliya luze lwapwilenga. Chapwa lwola lwosena kapolofweto uze Ikiye eji kutumanga na MUKIKO MWANAMBE MWATA.

<sup>79</sup> Numba Ndavichi, lyavene, umwe wamangana wamangana uze wa Isalele apwile nawo, kaha, oloze, Ndavichi apwile kapolofweto. Punduvene, ikiye apwilenga. Ikiye apwilenga kapolofweto, Ndavichi.

<sup>80</sup> Ikiye apwile nakuvandamina vathu kupwa na kufwila mumichima yavo kwivwa kapolofweto nge Ikiye mwaya nakutuma.

Mukiko, kuze kwapwilenga lizavu lize lyahanjikile nge vakiko valingile, nge mukiko valingile. Echi chenjikijile kulutwe nge vakiko kavapwile vakwoloka. Vakiko vapwile vosena nakuzata mukwivwa. Kaha eyi Mbim iliya yahanjika, “Lizavu lyakulifutula hamwe navkiko.” Chuma muka chalingikile? Kuneha ukalu muze mupambo. Kaha lwola lwosena, chuma chimweso chalingikile. Mamalelo, Ngunashinganyeka nge Ngunahase kwingisamo, chamwaza. Kalalwola luze Kalunga kutuma chumachimwe, kuze manya amwe, kulondezeza cha chisemwa kuya na echi. Kalalwola, lwolalwosena chumachimwe, kuzeneka kufwelela; chize kuhaka kuwaha na vaze vathu.

Oloze kapolofweto wamwenemwene wa Kalunga atwaminenga na MUKIKO MWANAMBE MWATA. Ikiye keshi

kuhasa kutambukako kufuma mu Chisoneka kachi ikiye wakutuma kuli Kalunga.

<sup>81</sup> Mose atwamine vene mu Chisoneka. Kalunga ngwenyi, “Nanguya nakuvafumisamo.” Ikiye ahanjikile kuli Mose, “Ngunakutumu ove kulinga mulimo kana.” Kaha Mose apwilenga na kuhitamo lyehi. Ikiye aliwanyine na Kalunga. Ikiye apwilenga na Lizu lya Mwata.

<sup>82</sup> Mulonga uze Kalunga atumine tupolofweto mwomwo vakiko vali na Lizu lya Mwata. Eli Lizu lya Mwata lyeji kwizanga kuli tupolofweto. Kaha kachi ikiye keshi na Lizu lya Mwata, kahajino ikiye keshi kapolofweto ko.

<sup>83</sup> Kuze kuli kulifwanyisa chachisemwa chachivulu kweseka kuhanjika nge vali tupolofweto, kushikumuka kuhita muvisemwa vyosena, oloze vakiko lwola lwosena veji kufuma ku Lizu lya Mwata. Oloze kapolofweto wamuchano atwama vene ha Lizu. Jino, kanda kuvulyama chizeko. Kapolofweto wamuchano atwama na MUKIKO MWANAMBE MWATA.

<sup>84</sup> Yesu atuhuhumwine etu mumakumbi akumakumishilo chuma muka nachisoloka. Oloze ngamba wamuchano, kapolofweto wamuchano, kaweshi kuhasa kutwama mwakwoloka na MUKIKO MWANAMBE MWATA.

<sup>85</sup> Mose atwamine na Mwata. Ikiye apwilenga chinjikizo. Ikiye apwilenga chinjikizo kuli Isalele lize likumbi lyavo lya kusokoka lyapwile livoko, kaha ikiye apwile na chinjikizo mu Ejipitu, nge likumbi lya makumishilo lyapwile livoko. Mwomwo, vakiko vashikumwishile muze mu Kalungalwiji wa Kufwa, kufuma haze, maswalale vosena va Fwalo. Vakiko vapwilenga kusongo ya ngolo ja maswalale, kaha kapolofweto apwilenga chinjikizo cha lifuchi.

<sup>86</sup> Shinganyeka hali echi, omwo Kalunga wamunene, kaha chuma muka kulikehesa Ikiye kuzatamo. Punduvine, kachi vakuzeneka kutanga kuhasa kwivwushisa, vakakutanga vatela. Amena. Kachi vandungo muze mumena amu Ejipitu kuhasa kwivwushisa uze kapolofweto kufuma kuli Kalunga, kaha lwola lunahete, chapwile ngachilihi na nganda ya Fwalo kutachikiza echi? Oloze chize chinapu muyachi wakuhona kutachikiza chize, uze ukiko muyachi unajimbalisa chize, lwolalwosena.

<sup>87</sup> Omwo uze Mose emanyine, kutala kuhichila mu jjanene, hali vaze vana va Isalele hakuhita, kuli Isalele. . . kuli Fwalo, vakiko vapwile vandungo na tuwa, kuli Mose, vakiko vapwile vakusakula kuli Kalunga. Eyi Mbimbiliya ngwayo, chize, “Mose asakwile,” alingishile kusakula chenye lyavene, “kuyanda kutoleka cha Kulishitu, kushinganyeka luheto kupwa lwalunene kuhambakana viseke vya shili, china fweto yayinene.” Mose atachikijile nge vakiko kavapwile vakakukwata ndamboko; vakiko vapwile vathu na lushiko.

<sup>88</sup> Lyavene, ikiye atachikijile hiya apwile. Ikiye kahashile kuvalweka vakiko. Vakiko vatela kutachikiza, vavene. Ikiye atachikijile, lyavene, mulimo wenyi wapwile uka, na—na kulingika. Ikiye atachikijile nge Kalunga namusangula ikiye ha pungu kana, oloze ikiye kahashile kuvalweka vakikoko. Kaha kachi kaha vakiko vapwile tupuputa kuli echi, ikiye kalisolwelele lyavene mukusokoloka, palanga vakiko kutachikiza echi. Kahajino, vakiko vamwene chize chinjikizo, kaha vakiko vatachikijile chize.

<sup>89</sup> Ikiye ambile ngwenyi, “Nanguya nakuhana chinjikizo cha Isalele. Mbata ou mukombo; kwalumuna muli linoka. Vakiko kaveshi kuhasa kwivwulila kuli chizeko, kahajino haka livoko lyove mutulo yove, lifumisemo, hindula ove lyavene na mbumba, kahajino vakiko navaya nakufwelela echi. Kaha jino, kachi vakiko kaveshi kwivwulila echiko, kambate meya kufumi mu Nile, kuhingununa hali lifuchi lyaumu, kaha meya osena kwiza nakupwa manyinga.” Chize chapwile chinjikizo cha lifuchi. Vathu navaya nakufwelela echi. Omwo, vaze vali vakulizanga kutambula echi nachiya nakufwelela omwo vakiko navamona chinjikizo cha Kalunga kutambuka, oloze lifuchi lyatela kupwa nachuma chimwe chakuhandunuka. Shikaho, Ikiye ahanyine chinjikizo chosena.

<sup>90</sup> Kalunga azachishile muthu, muthu wakulinyisa, kapolofweto, kupwa chinjikizo cha makumishilo a seteko ya lifuchi muze. Kalunga, kutuma umwe weka. Kusanguka umwe namukwavo. Kachi vathu ja Kalunga navaya nakulomba hachuma kana, Ikiye mwakumusangula. Echi chili, vathu vatela kupwa na chiteli. Vakiko vatela kuhonesa. Vakiko vatela kutachikiza. Vakiko vatela kutachikiza likumbi muka etu tuli nakuyoyelamo, kaha ukalu uli hali etu, shimbu vakiko navaya nakutonesa.

Ove yako lika nakuyoya nge omu ove lwola lwosena walingile. “Ngwatela kutunga limbo lyalihya mu mwaka. Ngwatela kuya na kupwa na motoka yamwaza kuhambakana Jones. Ngwatela kulinga *echi*.” Mamalelo, chikuma hali *echi*! Omwo enu namutachikiza, numbathuhu... Echi chosena chakwoloka. Oloze enu mwatela kutachikiza, ndumbu walunga, nge vyosena evi navikaya nakunonga.

Yesu ambile ngwenyi, “Kanda kwivwa womako hiya nahase kujiha mujimba,” Russia mbomu yayinene. Kanda kwivwa woma wa ikiye uze nahase kwalumuna ou mujimba kupwa lukungu, mujiminyutu jajindende, “oloze woma Ikiye uze nahase kwalumuna mujimba mujila na kutapula mwono muze muhetese.” Mukiko kaha.

<sup>91</sup> Nge omu Ngwapwanga nakuhanjika kuli ndotolo, muze muchipatela omwo mama yami apwile kuze, ikiye apwile nakuhanjika ha kutohwa cha sayasi, kuzata ha vyuma

vyakuhandunuka vya mujimba, kaha kuhakamo vitumbo, kaha kumona mwomwoika vinhase kujiha tutu vamwe, kaha kulwila kuyoya cha tututu. Ngwambile ngwami, “Echi chamwaza. Echi chinapu kaha chakuweluka.” Ngwevwulile hali ikiye chindende. Oloze Ngwambile ngwami, “Ndotolo, echi chamwaza. Ngwasakwilila chize. Echi chamwaza. Ngwa—Punduvane ngunasakwilila kuli Kalunga hali chize. Oloze, tala, ove uli na kutonda chiyoyelo chove ha kweseka kuwana chumachimwe ha tengeso. Oloze mwomwoika keshi lwola lwakushinganyeka hali Hiya atengele echi, Ikiye atengele echi, Hiya Aputukile echi? Kalunga ikiye Aputukile echi.”

Nachipwa chachinene na Tengi kuhambakana tengeso nge Ikiye kulinga! Mwomwoika etu kuhaka chikuma ha tengeso, omwo etu katwashingtonyeka hali Tengi Uze atungile melu na mavu, na kutunga mujimba na kuyoya? Ikiye nahase kwenyeka echi kalalwola Ikiye nafwila, mwomwo yinapu Vyenyi.

<sup>92</sup> Echi chineza nakupwa chuma chamwaza, kuzata mujimba wauthu. Etu twasakwilila chize. Vakiko vanahase kusema meso, kufuma kuli muthu umwe na mukwavo; mbata nakufumisa tumichinji twatundende, kaha fumisa liso kufuma mulyasokole na chihela hakwingila muliso lya muthu umwe, kaha uze lunga nahase kumona kufuma muli lize liso. Echi chinapu chuma chamwaza.

<sup>93</sup> Echi chapwilenga nakupwa, kachi naye, omwo ikiye apwilenga nakuya nakuhana kembera, kaha uze—uze kembera kahashile kusemukako, ikiye apwile—ikiye vamutengele ngachize, nge kembera keshi kuhasa kusemukako: uze naye na kembera, vosena vavali, afwile. Chize chapwile chakwoloka. Oloze ove chindende kwivwa echi, chapwile chakuhandunuka, pamo kanda lyehi. Oloze lelo vakiko vanahase kumbata uze naye hanyima ikiye ali lyehi museteko yakupwa na kembera, kaha kachi uze . . . omwo naye hanga ali hakamwihi na—mu lwola lwakusokola, ikiye . . . vakiko kumbata naye kutwala kukapete na kumuhana ndongo yatulo, kaha kufumisa uze mwana, kupwa na kusemuka, kumbata kembera. Etu twasakwila chize.

<sup>94</sup> Ngulweke zachiso yimwe. Ove imika valve hano kumwe, muzachiso ya meya muze mumbongi, kaha tala chumamuka nachisoloka kuze ku valve ivene. Ove muyituvu.

Oloze, nge, etu tunahase kuvatula lihinji, kulivatula livoko, na, chikomwesa cha Kalunga, Ikiye mwaya nakihichisa manyinga mujila yeka, mulwola lwamuchivali, kaha kushinjik mujila yeka kulwila chiyoyelo cha muthu. Hiya nahase kulinga ngachize? Ngulweke.

<sup>95</sup> Vatula mushisa wamanyinga, vatula uze waunene hano mumwe mumeya, omu uli nakushinjika kufuma mu valve. Chuma muka nachiya nakulingika? Kweseka kamwe na kuwana

omwo nachisoloka. Kakweshi jila yekako yakuhichila. Yili nakushinjika kunyima ya valve.

Kachi Kalunga katungile jila yakuhichila manyingako, hazevene, umwe kukafwa cha muchima kachi mufwa. Kala lwola ove mwingisa munwe, chapwilenga kufwa, hazevene. Kalalwola ove muvathula hamwe, nachisokolola mushisa mokomoko chumachimwe, Nachiya nakupwa kufwa, hazevene. Kuvatula munwe wove, ove muya nakupwa wakufwa. Mukiko kaha. Nachiya nakushinjika mukachi ka muchima wove cheka. Nachiya nakukujihia ove. Oloze Kalunga . . .

<sup>96</sup> Jino, etu twashinganyeka chili chamwaza. Etu twashinganyeka chili chamwaza. Kaha etu twasakwilila sayasi, vakiko vanahase kukasa mishisa na kuhonesa kuhita cha manyinga. Echi chosena chamwaza. Oloze Hiya uze Umwe Uze atungile chize? Talenu? Etu twasolokanga tengeso na kuvulyama Tengi ya echi. Talenu? Etu tuli nakutala ha vyuma vya kumujimba, kaha kuvulyama vyuma vyosena—vya kushipilitu. Omu mukiko etu tweji kulinganga.

<sup>97</sup> Jino, tupolofweto ja Kalunga, vakiko vali . . . vakiko vali na Lizu Lyenyi. Ou ukiko mulonga vathu veji kufwelelanga vakiko.

Ou ukiko mulonga Kalunga ahanjikile kuli Mose, Ikiye ambile ngwenyi kunyima kuze mu Kuputuka, vavavulu, mu Kulovoka, mujila yosena kuhichila, “Kachi kuli umwe mukachi kenu, uze ali mukashipilitu, mokomoko, kapolofweto . . .” “Jino natuya nakutachikiza vyuma kana?” Ikiye ngwenyi, “Omwo ikiye mwahanjika chumachimwe kaha chejile nakusoloka, kuhanjika chumachimwe cheka, chejile nakuhita, kahajino fwelela echi.” Talenu? Echi chinapu chinjikizo.

<sup>98</sup> Shikaho Ikiye eji kuhananga Lizu Lyenyi, keshi kuli vatwaminako, keshi vakakuzachisa ngoloko, oloze kuli tupolofweto. Khrushchev keshi chinjikizo cha kaye. Nduma, mwane. Hitler kapwilenga chinjikizo cha kaye ko. Oloze kumwe, chihela chimwe, Kalunga atwama na kapolofweto wakulikehesa kuvandamina ola. Ikiye napu chinjikizo. Ikiye napu chinjikizo chize nachiya nakupaisa kaye kaha nachiya nakulwila Liuka. Uze kapolofweto!

<sup>99</sup> Elija apwilenga chinjikizo mulikumbi lyenyi, uze kapolofweto Elija. Kuli chize . . .

Ikiye apwilenga mukaku- . . . ikiye apwilenga chinjikizo cha Lizu lya Kalunga, kusopesa ku Ejipitu na kusokoka kuli Isalele, kachi vakiko vatondele kufwelela ikiye.

<sup>100</sup> Lize likumbi lya shili lya Eliya, omwo va Isalele vosena vayile kunyima kuli Kalunga, vakiko vayile nakukinduluka mushili. Vakiko vanavulyama chiyulo. Vakiko vavulyamine hakupwa vakutwaminyina kuli Kalunga, kaha Yehova wamunene uze asokolwele Kalungalwiji Uchila, kaha kuvaneha mu Ejipitu,

kaha kapolofweto wamunene nge Mose mukachi kavo. Vakiko vavulyamine chize.

Etu kuvulyama echi. Enu va Mesondisiti vulyamenu John Wesley. Enu va Luteleni vulyamenu Martin Luther. Enu va Mbaputishiti vulyama John Smith. Etu vavavulu tweji kuvulyamanga Charles Finney, umwe wamunene hali vosena.

<sup>101</sup> Echi vachihanjika nge nayite seveni peseti ya vakakwalumuka vachi Finney vakwachilile. Sevete faifi peseti ya Moody valimbukile mu mwaka. Kaha vachi Wesley, lizavu lya holiness, vatwalileho nakulimbuka. Oloze vachi Finney nayite seveni peseti vatwalileho. Wamundende, chindende, wachikova, mukweze walyanja kutambuka nakuya kukamenga kaha kutala hali kungumbuwa, nge *ngachize*, kaha malunga kulezumuka, mwomwo ikiye atwamine muviputa likumbi limwe palanga Shipilitu Wajila kumumbata. Ikiye mukiko alingile. Ikiye apwilenga chinjikizo kumakumishilo, pamo mumyaka tu handulendi kunyima okwo, cha chize kuhizumuka chachinene chize Wesley na vakiko vapwile nacho, kaha kusopesa chili nakwiza.

<sup>102</sup> Ikiye apwilenga chinjikizo, chize chisemunuino cha kaye. Kaha omu Elija ahashile kwimana kuze, na kuhamuka, hali lyavene, naumwe pimbi na ikiye, oloze ikiye apwilenga chinjikizo cha Kalunga.

Vosena vaze vakakutangisa vayile na Ahab, mujila yakutona. Vakiko vapwile na kutona muli chize chisemunuino. Oloze omu uze kashinakaji Ahab, mokomoko, kashinakaji Ahab, kaha vosena vaze vangalanyine vavanene, kaha chanehele liuka nlyosena muchika Katoli-. . . , mokomoko, keshi Chikatolikako, oloze pamo chumachimwe, kwingila mu makombelo. Anehele vakiko nakwingila muchihela muze vakiko vapwile vakuzeza. Vamwe vanahase kulifukula muli *eyi* jila, kaha kukasunuka, “Ove unahase kulinga kalachuma ove unatondo.” Kaha kupwa mumuyachi kana.

<sup>103</sup> Kaha omu uze Elija emanyine haze, na kuhamuka, na MUKIKO MWANAMBE MWATA. Ove Kalunga, tuhane malunga nge ngachize. Ikiye kapwile nawomako wakulweka Yezevele hali ize seteko. Ikiye apwile nawoma wa Ahab. Ikiye kapwile nawomako nge ikiye apwile nakuluwisa. Ikiye emanyine na kumika, kaha atambukile kuli Ahave, kaha ngwenyi, “Chipwe lyume kalyeshi kuhasa kuholokako palanga nomu Nangukalisanyika.” Amena.

<sup>104</sup> Chuma muka ikiye? Chinjikizo cha chisemunuino cha shili. Kumana Isalele kumona echi? Nduma. Vakiko vamusehele, nakumuseha.

Ikiyeapolofwetele nge nakukaya nakupwa changa, nge nakukaya nakupwa—nakukaya nakupwa ukalu, zala, zala ya kalombolombo. Kaha ikiye apolofwetele kuhamuka, kwimana

hali lyavene, na MUKIKO MWANAMBE MWATA. Ambile ngwenyi, “Mwata, vakiko vajihile nakufumisa muchano. Vakiko vavajihile vosena. Yami umwe kaha naseze, uze nemana hamwe na Lizu Lyove.” Ukalu wapwile halihi? Eli Lizu lya Kalunga. Eliya atondele kutwama na Lizu. Ikiye apwilenga kapolofweto wamwenemwene.

<sup>105</sup> Tupolofweto vakwavo vambile ngwavo, “Mamalelo, chamwaza, kachanehele chihandwa chikumako. Yehova kazakamineko, munatachikiza.”

Yehova eji kuzakaminanga. Echi chatela kupwa Lizu Lyenyi. Kaha Elija emanyine na kumika ha Lizu, na MUKIKO MWANAMBE MWATA. Kalunga amuhanyine ikiye kupenge, likumbi limwe. Ikiye ambile ngwenyi, “Ngukwechi seveni sauzande, Elija, nge ove unapu chinjiho, kuze hano. Vakiko kavapwile na mishisa yakutamo kwiza nakulovoka na kuyivuluka. Vakiko valiswekele mumusenge. Oloze, ohonyi, mukachi ka muchima wavo, vakiko vanapu vangamba Jami. Vakiko kanda vafukame mambuli kuli Mba. Vakiko vali nawoma wakumbata echi. Oloze, Nguli nakumihana chinjikizo, kaha ove unapu chinjikizo. Imana haze, na kwimana ha Lizu Lyami. Nanguya nakumizakamina. Kuvahana chinjikizo.” Haleluya!

Kalunga, atume etu chumachimwe nge ngachize, hiya mwaya nakupwa chinjikizo cha Lizu lya Kalunga. Kaha kala lushiko lwa Kalunga vatela kulushinjika na muthu, mwomwo ikiye napu chinjikizo, chinjikizo vanavulyama.

<sup>106</sup> Mamalelo, vakiko vashinganyekele, mwomwo Ahave apwile mwangana wamunene kaha mafuchi osena amuvwile woma, uze wapwile wamwaza chikuma. Oloze Elija apwilenga chinjikizo cha Lizu. Uze ikiye kapolofweto wamuchano, chinjikizo cha Lizu. Shikaho shimbu ikiye apwile na kupwa chinjikizo cha Lizu, vakiko kavafwelele ikiyeko. Vakiko kavapwile na kumuzachisa ikiyeko.

<sup>107</sup> Ikiye apwile chinjikizo kuli uze tuliwe, omu Kalunga amutumine kufuma Kupili ya Ngamela, kufuma . . . mbwe naku mwana kalwiji Kelite. Amutumine kushikumuka kuze, hanyima ikiye kupwa wakulisa kuli makololo, kaha kalwiji kuma. Ikiye ayile nakushikumuka kuzuvo ya tuliwe. Chihela kana cha mukakunangula kuya! Oloze ikiye ayile kuze mwomwo Kalunga amulwekele ikiye kuya.

Oloze Ikiye ayile kuze, ambile ngwenyi, “Ngunalweke pwevo kukulisa ove.”

<sup>108</sup> Ikiye atela kupwa chinjikizo. Ikiye atela kupwa chinjikizo. Omu, ikiye apwile kuze, apwile naunga wakutamo wakuteleka mbolo, kaha ikiye na mwanenyi walunga kulya. Changu chakutamo. . . Kaha maji akutamo musaji, kupwa na kakandende, nakutwalilaho. Ikiye ngwenyi, “Yami nguli nakuya nakumbata tutete tuvali.”

109 Hali chize chakufwa, chizuma, kutemwina cha chimene omu uze mukweze waungona kusoloka, jkambu jawele kusukama munyima yenyi, kutambuka nakuya kuze, kaha mutwe walyaja, kukundamina ha chikolo, ngwenyi, “Ngunehela meya akunwa,” kaha ambile ngwenyi, “kusali yachize, neha nakachihanda kambolo mulivoko lyove, kambolo.”

110 Ikiye ambile ngwenyi, “Kangweshi na unga wakutamo. Nguli hano jino, nakumbata tutete tuvali, kutunga kambolo kakandende ka mwanami. Ngukwechi yakutamo kuli ikiye na Yami. Etu tuli nakuya nakulya na kufwa.”

111 Ikiye ambile ngwenyi, “Kanda kwivwa womako, mwomwo, MUKIKO MWANAMBE MWATA.” Uze ikiye muthu etu twatondo. Kachapwile ngochoko, “Jino, *chinahase* kusoloka, ndumbu wapwevo. Echi *chinahase* kwiza nakuhita. Ngunahono kutachikiza.” Nduma, nduma. Elija apwile wakukunyuka. “MUKIKO MWANAMBE MWATA. Muze mumbango kamweshi kahonako, numba tuhu musaji kuma, palanga na kulikumbi lize Kalunga mwakatuma vula hamavu.” Amena. Yenu haze vene. Echi chatela kupwa chinjikizo chakutamo kuli ikiye.

112 Ikiye emanyinako liuka lelo. Hanyima ya Elija atwamine na ikiye chindende...Ikiye apwile na kanyike walunga wamundende. Ikiye avijile. Misongo yenyi yapwile wamupi palanga kakwapwile kuhwima chamusele. Ikiye afwile. Kahajino chuma muka ikiye alingile? Eli liuka linamono lyehi vize vinjikizo. Oloze, chumamuka, hazevene ukalu waundende nawiza, washiwashi ikiye atondele kuhana mulonga muliuka hali echi. Ikiye atondele kuhana mulonga Elija. Ikiye ambile ngwenyi, “Ove muthu wa Kalunga, jino ove uneza hano nakusanyika jishili jami kwanuka na kumbata chiyoyelo cha mwanami.”

113 Elija ambachile mwana walunga, kuya nakwingila nauvwovwu kuze ikiye apwile nasavala kuze, kumusavalika hamuhela wenyi, alitule lyavene hali echi, ngwenyi, “Mwata Kalunga!” Haleluya! “Tuma mwono wa ou kanyike walunga.” Kaha uze kamba ahindikile.

114 Ikiye achimbachile cheka. Uze pwevo atalile hali uze kamba, kaha jino atalile hali ikiye, kahajino ikiye atachikijile chumachimwe chapwile kuze. Ikiye ambile ngwenyi, “Hali echi Ngunatachikiza eli Lizu lya Kalunga lili mukanwa kove.” Amena. Ikiye apwilenga chinjikizo kuli uze tuliwe. Omwo ikiye amwene ngolo ja Kalunga, Uze eji kulingisanga kupwa wamutonyi mokomoko nahase kujiha kamba kukuyoya, ikiye ngwenyi, “Hali echi Ngunatachikiza nge ove unapu muthu wa Kalunga.” Ikiye achitachikijile.

Awa mafuchi lelo mwaya nakusehawa, nge omu vakiko valingile. Vakiko kavahashile kufwelela chizeko. Oloze uze pwevo atachikijile mwakuhandunuka. Echi chapwile chinjikizo



jino, nge ikiye apwilenga chinjikizo, kusangula mwana wakufwa kukuyoya. Vaze tupolofweto lwola lwosena vinjikizo vya Kalunga.

<sup>115</sup> Omwo Elija ejile nakusanyika kusoloka, ngwenyi, “Kachi Kalunga apwa Kalunga, muzachilenu Ikiye. Kachi Mbale kalunga, muzachilenu.”

Chize kachapwile likumbi lyamwazako hali Elija lelo? Kachi milingu yinapu kalunga, kuzachila echi. Chumamuka echi tukwechi mumilingu? Chuma muka etu tunalingi? Etu katweshi nachuma chimweko shina lizavu lya kupola. Etu katweshi nachuma chimweko.

Oloze etu tunajimbalisa vyosena, nakala sepa etu tukwechi, kuhichila mafuchi. Hano, mulungu unahichi, nakujimbalisa mokomoko mafuchi atatu kutwala ku communism. Etu tuli nakutelesa vathu kaha kutambula mali avo, kaha kutuma kuze nakulisa vaze vathu vaze kwalumukila ku communism washi washi vakiko kupwa nakutunga. Echi chinapu makuli. Echi chakwoloka.

<sup>116</sup> Etu tweji kulivuluka kupwa Vakakulishitu. Echa etu tupwenga nge Vakakulishitu, kahajino, keshi nakulya vyuma kana nge ngachize. Chize chapwile chachindende nge—nge... Uze muthu wamuchima wamwaza mwaya nakuchilinga. Echi chinapu kulifukula. Echi kacheshi ulwilo ko.

Vathu vavavulu veji kupwanga nakulifukula na ulwilo wakufutula. Kulifukula chinapu kulya cha tuliwe na vakakuhutwa, na vyangocho. Echi chinapu kulifukula. Oloze ulwilo unapu Kusemuka chachihya, kupwa wakusemuka chachihya. Echi chinapu chakuhandunuka. Kulifukula, Mohammedan chinapu kulifukula. Kuli kulifukula chachivulu.

<sup>117</sup> Jino, kukanduka ha Pili ya Ngamela, lize likumbi omwo ikiye asanyikile kusoloka, kaha ikiye asanyikile Ahab na masauzande ava tupilishitu vaze vapwilenga ku tembele ya vikungulwilo vyavo, ikiye avasanyikile vakiko Hapili ya Kamele, ambile ngwenyi, “Twaya kuno. Nguwane na yami hano. Nanguya nakwimana lizavu lyosena.” Chuma muka ikiye alingile? Ikiye apwile MUKIKO MWANAMBE MWATA. Ikiye kapwile na womako. Ikiye ambile ngwenyi, “Hana kunji. Kusanyika Mbalamu. Echa Kalunga kukumbulula ha kakahya kupwa Kalunga.”

<sup>118</sup> Shikaho, likumbi lyosena, palanga...kufuma chimene palanga hanyima ya kulya chaufuku, vakiko kutumbuka nakuya kukamenga. Vakiko kulitetate vavene. Vakiko kutambakana. Vakiko kutetumuka. Elija akindulukile na vyangocho, ngwenyi, “Kutambakana chindende. Pamo ikiye ayile mumushipili wakuta ishi, mokomoko chumachimwe. Ikiye nafumu muchitanda, mokomoko chumachimwe.”

Mwomwo, ikiye apwilenga MUKIKO MWANAMBE MWATA. Ikiye apwile wakusuuluka. Ikiye apwilenga na Lizu lya Kalunga.

Ndumbu walunga, ndumbu wapwevo, chuma muka cheji kulinga kuhambakana lushiko lwa Kalunga? Kalunga ambile ngwenyi Ikiye mwaya nakuchilinga. Napu Apalahama. Ikiye alavile Kalunga nahase kuzata chuma muka Ikiye ahanjikile. Ikiye atachikijile nge Kalunga nahase kuchilinga, mwomwo Kalunga ahanjikile ngocho.

<sup>119</sup> Shikaho ikiye—shikaho ikiye avasanyikile vakiko kwiza kuze. Kaha shikaho vakiko kulitetateta vavene, kaha kutetumuka na kutambakana likumbi lyosena, palanga mulumbu wa chingoloshi. Jino, Elija, tala omu ikiye alingile. Chize chuma chatete ikiye alingile kujishinjika malolwa hamwe.

Kalunga kavamupangununa. Vikungulwilo kupangununa mauka, oloze keshi Kalunga ko.

Umwe ambile ngwenyi, “Ove uli Mukakulishitu?”

<sup>120</sup> “Yami ngumuka Mbaputishiti.” Shikaho chize chinahambakana kuhanjika nge ove wapwile ngulu.

<sup>121</sup> Kuhanjika, “Nguli—Nguli ka Mesondisiti.” Chamwaza, chize kacheshi kuhambakana ngulu, cheka, kuli Kalunga.

<sup>122</sup> Nanguhanjika, “Ove unapu Mukakulishitu?” Kupwa Mukakulishitu, ove watela kupwa Kulishitu nge, jimalaka na Ukalunga muli enu, na Shipilitu Wajila, nge kuholoka ha Likumbi lya Pendekosita. Keshi kwivwa chimwe kahako, oloze Ngwatwale mu Pendekosita wamwenemwene. Talenu? Chakwoloka.

<sup>123</sup> “Yami ngumuka Pendekosita. Yami ngumuka Waninesi. Yami—Yami ngwa tulunga vatatu. Yami. . .” Mamaah, yami! Chize kacheshi cheka kuhambakana kuhanjika kuli enu nge apwile chumachimwe nawa. Kanda kulumbununa chuma kuli Kalunga. Chize kuhandununa.

<sup>124</sup> Omu mukiko chasolokele mukachi kavaze vakakunangula. Oloze Elija ashingile awa malolwa twolufu hamwe, kusolola nge Kalunga apwa Kalunga umwe hali vakiko, kuwajinjika hamwe.

<sup>125</sup> Shikaho, omu ikiye avawanyine hamwe nge ngachize, ikiye ajihile kunji na kumuhaka helu lya kamenga, hajikunyi. Ikiye ambile ngwenyi, “Jino, kupwa wakukunyuka kakweshi kuhona echi, ngunehelenu mingomo ya meya.” Kaha ikiye tele jikunyi kuvombama mumeya. Mamalelo, Heleluya! Ikiye atondele kusolwesa nge Kalunga apwilenga Kalunga. Mwomwo, mwomwoika? Ikiye apwilenga MUKIKO MWANAMBE MWATA. Ikiye apwilenga kapolofweto. Ikiye apwilenga na Lizu lya Kalunga.

<sup>126</sup> Shikaho vakiko—vakiko valingile lize likumbi, kachi vakiko navahanjika ngwavo vakiko navaya nakukukana

muliuka, vakiko navaya nakulinga *echi*, na *chikwavo*, kachi ove vakujimikile mu Lijina Iya Yesu, kaha vyuma vyosena vyakuhandunuka handunuka nge ngachize: kuzeneka mangana. Echi chili MUKIKO MWANAMBE MWATA.

<sup>127</sup> Muthu wakuzanga, ufuku ukwavo, ahanjikile kuli yami, kwiza nakuhaka mavoko avo hali yami, kaha ngwenyi, “Ndumbu walunga Branham,” ngwenyi, “Ngwatondo kukuhula ove chuma chimwe.” Ambile ngwenyi, “Kachi ove muya nakulivwasana chindende, echi chuma ove uli nakuhanjikaho.”

Ngwambile ngwami, “Ika?”

Ngwenyi, “Lujimiko lwosena elu.” Ambile ngwenyi, “Aze mauka aku Chicago kaha kujinguluka kaha kutonda ove chikuma, oloze vakiko kwivwa woma ove muya nakuvuluka ngachize.”

<sup>128</sup> Ngwambile ngwami, “Punduvene, Nanguvuluka echi. Punduvene, Nanguvuluka echi.”

Ambile ngwenyi, “Chamwaza, chize chikiko kaha chuma vakiko veji kukufumbukila ove.”

<sup>129</sup> Ngwambile ngwami, “Kahajino vakiko kaveshi na kungufumbukila yamiko. Kangwapwile Umwe uze ahanjikile Echi. Kalunga ngwenyi Echi. Ngunahamwisa kala vakiko kwiza nakwinjikiza Echi kupwa chakuhenga.” Talenu?

<sup>130</sup> Ngwenyi, “Chamwaza, mwamono, ove—ove watela kwitavila na kupwa mukulikata.”

Echi chikiko chuma chochimwe vakiko vatondele ikiye kulinga. Amena. Kalunga kahashile kulivwasanako. Nduma, mwane. Ikiye kalivwasanako.

Ikiye ngwenyi—ikiye ngwenyi, “Jino, Ndumbu walunga Branham, Ngwatondo kukuhula ove chuma chimwe. Kumana Kangelo ka Mwata...” Ngwenyi, “Etu vosena twafwelela Kangelo ka Mwata. Kumana Kangelo ka Mwata akulwekele Echi?”

<sup>131</sup> Ngwambile ngwami, “Kangwalizakamina chuma muka Kangelo ka Mwata mwahanjika. Kachi Echi, uze Kangelo ka Mwata, Ikiye mwaya nakuhanjika *Chize*. Oloze kachi Ikiye ahanjikile chumachimwe chakulimbalaka, Ikiye kapwilenga Kangelo ka Mwata ko.” Ngwambile ngwami, “Chipwe ngachilihi Kangelo, mokomoko kalachuma nawa ahanjikile, Paulu ngwenyi, ‘Chipwe Kangelo wakufuma Mwilu kunangula mujimbu weka kuli enu, echa apwenga wakwangula.’”

<sup>132</sup> Vangelo navosena, vamwe vakulivwimba chumachimwe chakumijimba, kuhanjika hali Vangelo. Joseph Smith, Brigham Young, na kulifukula chimwe chakuhandunuka, cha vaka Adventists na vyumavimwe nawa, vakiko kumona vyuma vyosena nge ngachize, oloze echi chili lwola lwosena chakulimbalaka na Lizu.

<sup>133</sup> Oloze, Kalunga kwinjikiza Lizu Lyenyi. Eli linapu Lizu Lyenyi. Ngwambile ngwami, “Eli linapu Lizu lya Mwata. Punduvene. Vyosena Ngwatachikijile vangunangula kuli Ikiye. Kangwayile kwakulinangwila mokomoko kushikola. Vyafuma kuli Ikiye.” Oloze Ngwambile ngwami, “Chipwe chapwile chakulimbalaka... Kachi chapwile chakulimbalaka na Chize, Kangweshi kuhasa kufwelela Ikiyeko. Mwomwo, eli linapu Lizu lya Kalunga, lili lyatete. Vyuma vyosena vinahase kupwa makuli.” Lizu lya Kalunga, twamenu na Echi.

<sup>134</sup> Shikaho, Elija, omu ikiye ahichile, ikiye ajimikile ize mingowa, na mingomo yameya likumi nayivali. Kuwahingununa helu lya kuze. Ikiye alovokele, kupwa kaha kuunda nge omu ahashile. Mwomwoika? Kalunga keshi kuhasa kulyongako. Kalunga amulwekele ikiye. Ikiye ambile ngwenyi, “Mwata Kalunga ka Apalahama, Yisaka, na va Isalele, echa vachitachikize lino likumbi nge Ove u Kalunga, kaha Yami ngu ngamba Yove. Kaha Ngunalingi echi ha kutuma Chove, mwomwo MUKIKO MWANAMBE MWATA. Ngwalingile echi mwomwo Ove wangulwekele kulinga echi, mwomwo chili kutesekeza na Lizu Lyove. Echa vachitachikize jino nge Ove u Kalunga.”

Kaha Kakahya ka Mwata aholokele, kulya uze mulambu, mingowa ya kujimika mumeya, kulesa aze malolwa, na vyuma vyosena nawa, na kumbata vyuma vimwe. Kahajino Isalele alilile, sauzande ya seveni, “Echa Kalunga apwenga Kalunga.”

<sup>135</sup> Elija, omu chawaha kumona kaze kakandende, kashinakaji wakusoloka kuwaha, wamujimba wachikova chosena cha mikonya, nauze mutondo mulivoko lyenyi, mulondo wamaji kusukama kusali yenyi, kachihanda ka lilambu lya mukoko kulijingilika hali ikiye. Mwomwoika, vakiko vamuhakile mujele lelo kachi ikiye atambukile nakuya mujila; oloze vakiko echa mapwevo kuvwala jiputula; oloze vakiko punduvene kaveshi kuhasa kulinga ngachizeko, talenu, nge ngachize, kulovoka.

<sup>136</sup> Shikaho, kahajino, oloze hano vakiko vali-. . . hano ikiye ejile nakushikumuka, kuzauka pili, hali ou mutondo. Jino, Pili ya Kamele kayeshi chihela chayindendeko—chachindendek na lihahya mukachi ka pambo. Yapwa pili yayinene. Yaya, kupwa muyachi nambango nge *ngana*, kaha kuya nahelu, kaha kusoloka kuze kukalungalwiji. Kaha Elija na Gehazi alahile nakuya helu, helu. Kaha Elija aholokele chameso hamavu, kaha aputukile kulila kuli Kalunga, na kukinduluka ku Mulauko, kutwala ku musana. Myaka yitatu na tukweji sikisi, keshi numba lyume kuholoka. Ikiye ahanjikile kuli Gehazi, “Yako ukatale kaha nakumona kachi ove mukamona chuma chimwe, nge livwi kuze kukalungalwiji.”

Kwimana hali eyi pili, kutala muli ize jila, ngwenyi, “Kangwamona chuma kanako.”

137 Ikiye atwamine haze vene. “Kalunga, kachi ava vathu vanalumuka nakupihilila, kachi ava vathu vanakinduluka kuli Ove, kachi vakiko vali vakulizanga kufuma kuvyuma vyosena na kwiza nakukinduluka ku Lizu Lyove, kahajino Ove u Kalunga, kukumbulula Lizu Lyove.”

138 Echa nguhanjike chuma chochimwe na lelo. Mbata evi vikungulwilo na kuvihokola, kuvulyama chihandwa cha vikungulwilo, kaha echa vathu vakinduluke ku Lizu lya Kalunga, kumufunda wakufula. Nanguya nakwinjikiza kuli ove kuli Kalunga uze nahase kukumbulula na Kakahya.

139 Echa vathu kusanyika hali Kalunga. Echa . . .? . . . kusanyika muthu. Echa vathu vasanyika kupwa kapolofweto. Kalunga mwaya nakumuhaka ikiye haze vene. Ngunahamwisa mafuchi kulinga ngachize. Kuholoka chameso hamavu na kusanyika hali Kalunga, kutuma mukakusokola, kaha tala chuma muka nachisoloka. Linga kaha lwola lumwe, Kalunga mwaya nakukumbulula. Kalunga lwola lwosena eji kuzatanga.

140 Kuholoka hamavu kaha ambile ngwenyi, “Kalunga, echa chipwenga lelo. Ava vathu lwola lumwe vapwilenga vakufumbukila Ove. Ava vathu vanahono mumiyachi yosenaya vikungulwilo kaha nakuze. Oloze, lelo, Ove unenjikiza Ovelyavene. Ove wapwa Kalunga. Kaha vathu ngwavo, ‘Mbila Mbandu.’ Kaha Ngwavajihile vakiko masauzande avaze tupilishitu. Vakiko vanafumu mujila jino, Mwata. Vyosena vyakuhonesa vinanyi, vyakuhonesa vyavindende vize vinatuhandununa.”

Va Mesondisiti navazanga kwiza nakulifukula na Mbaputishiti; va Mbaputishiti navazanga kwiza hamwe nava Pendekosita; ukwechi muchima wamuchano kuze, vaze vakushishika seveni sauzande. Oloze vakiko kaveshi kuhasa kulinga echiko. Kachi vakiko navalinga, vakiko navahanga kumauka avo. Vamwe vavo kavazakamako. Vakiko vejile, mwosena omwo. Echi chakwoloka.

141 Oloze echa vakiko vosena vahokole jize jishimbi kaha nakupwa hamwe, kaha kuhanjika, “Etu natuya nakuvulyama jishimbi josena hano na katekizimu, kaha vyuma vyosena etu tili nakutanga kufuma. Echa etu tukinduluke ku Lizu lya Mwata.” Tala chuma muka nachiya nakusoloka. Kalunga mwaya nakuvasangula kapolofweto, Ikiye punduvene mwaya, chize nachiya nakuneha Echi hano vene kuli vakiko, kachi vakiko vali vakulizanga kutambula Echi. Chatete, vakiko vatela kulomba. Kalunga eji kuvandaminanga.

142 Echi kacheshi chaungejiko nge Kalunga natondo vathu kupwa chihanda muli echi? Omu Yesu atalile hakwaha, ikiye ambile ngwenyi, “Kwaha chinahi. Vakakuzata vanapu vavandende. Enu lombenu kuli Mwata ha kwaha,” chize chapwile kuli Ikiye. “Enu Ngulombenu, mangana

Nguyenga nakutuma vakakuzata vengile mukwaha Chami.” Chinapu chihanda chimwe ove watela kulinga. Kalunga ali nakuvandamina Liuka Lyenyi kusanyika hali Ikiye. Ikiye lwola lwosena alingile. Kalunga ali nakuvandamina lelo vathu kusanyika ngamba Yenyi mukuzata. Kaha uze ngamba keshi kuhasa kwingila mukuzata kuvangila vathu vanalombo.

<sup>143</sup> Isalele kahashile kuya nakuzata muze, na vinjikizo na vikomwesa, palanga vakiko kuholoka chameso hamavu na kulomba mukakusokola. Kalunga apwile na mukakusokola. Kalunga apwile na kapolofweto wakusukama muze mupambo, vumulamina haze ha myaka fwote, kuvandamina hali vakiko kupwa vakwoloka, nakulomba. Oloze omwo vakiko vahetele hazevene na kuputuka kulomba, kahajino Kalunga atumine mukakusokola.

Kalunga mwaya nakulinga chuma chochimwe na lelo, kachi vathu navaya nakupwa hamwe, nakupwa nakulombelela. Chosena chakwoloka.

<sup>144</sup> Ikiye apwilenga chinjikizo kuli vaze tupolofweto vakwonga na kuli Ahave, nge ikiye apwilenga ngamba ya Kalunga. Ikiye apwilenga kapolofweto wa Kalunga. Kahajino, ikiye nawa apwilenga chinjikizo kuli Isalele, nge ikiye nahase kusoka melu mokomoko kusokolola melu, omwo ikiye azangile. Ikiye punduvene apwile.

Ngulwekenu umwe nahase kusoka melu, ngulweke umwe nahase kusokolola melu, kusali ya Kalunga. Kaha eli Lizu lya Kalunga, mokomoko, eli Lizu lya Kalunga lili na tupolofweto.

<sup>145</sup> Mikaya, chinjikizo kuli Yehoshafwete. Mikaya apwile chinjikizo kuli Yehoshafwete, uze Kalunga alama kapolofweto wamuchano mulivoko.

<sup>146</sup> Jino talisenu. Ikiye apwilenga na tupolofweto fwo handulendi, Ahave alingile, kaha ikiye avulukile vaze tupolofweto fwo handulendi. Kaha na kujina chimwe vakiko vumulwekele ikiye. Kaha ohonyi, mukachi ka muchima wa Yehoshafwete, muthu wa Kalunga, ikiye atachikijile nge kuli chuma chimwe chakuhenga. Ikiye atachikijile nge kuli chuma chimwe chakuhenga. Ikiye ngwenyi, “Ove kaweshi nawekako?”

<sup>147</sup> “Hanyima ya fwo handulendi kwimana kuze?” Ikiye ngwenyi, “Ava vosena tupolofweto, tupolofweto va Jehovah.” Kuli va—va Mesondisiti, va Mbaputishiti, va Pulishiteliyani, va Unitarian, mamaah, yami, yami, Trinitarian, kaha vosena vakuhandunuka. “Etu tukwechi vosena hano, kaha na kujina chimwe vakiko kuhanjika echi kupwa lifuchi lyalinene lili. Etu katweshi nachumacha kwivwa womako.” Nge kanyike walunga embile muloji, munatachikiza, omwo ikiye ali nawoma. Kanda kulizakamina hali echiko.

Ambile ngwenyi, “Oloze ove kaweshi nawekako?”

Ngwenyi, “Mamalelo, eyo, kuli mukwavo umwe hano, oloze,” ngwenyi, “Ngwamujinda.” Talenu? Ngwenyi, “Ikiye lwola lwosena eji kulwekanga vyavipi hali lino lifuchi. Ikiye lwola lwosena kuhanjika chuma chimwe chachipi nachiya nakusoloka kuli etu.”

<sup>148</sup> Yehoshafwete ambile ngwenyi, “Nangu—Ngunatondo kumwivwa ikiye.” Mamalelo, eyo!

Chuma muka ikiye? Chinjikizo. Chipwethuhu vikungulwilo vingahi mokomoko vikungulwilo, Kalunga hanga atwama na kapolofweto uze atwama na Lizu.

<sup>149</sup> Yehoshafwete atachikijile nge Ahave apwile wakuhomba, mwomwo kapolofweto wamwemwene, Eliya, napunga chinjikizo kuli mafuchi, ngwenyi, “Va tuwa navakalesa manyinga ove, kwiza kuno.” Echi chakwoloka. Ikiye atachikijile nge Yezevele na ikiye apwile na kwiza kuli vakiko. Ikiye atachikijile chize kulingika. Talenu?

<sup>150</sup> Kaha Mikaya, Mikaya ngwenyi. . . Vakiko—vakiko vejile kuli ikiye na kuhanjika ngwavo, “Jino, Nanguya nakumilweka, kachi enu mwatondo kwingila mulizavu lyashishileho, Nanguya nakumilweka chuma muka enu namulinga. Enu muli kaha nakwitavila nge ava vakakunangula vali vakwoloka. Talenu? Enu namumulweka ikiye, ‘Yako kanduka.’” Kaha ngwenyi, “Ove uli kaha nakwitavila.” Ngwenyi, “Nanguya nakumilweka omwo etu natuya nakulinga. Etu natuya nakupwa. . . Etu natuya nakumona nge enu namuya mulizavu lyetu, kachi enu namuya nakulinga ngachize, talenu, kachi ove muya kaha nakulivwasana ha vyuma vimwe vyavindende hali enu nakuhanjika hali chize. Enu kusolwesa, kuya, kwitavila na vakiko, kutwalilaho navakiko.” Huu-hu! Munahase kushinganyeka kapolofweto wamuchano wa Kalunga kufumisa mu Lizu lya Kalunga? Munahase?

“Chamwaza,” ava vakweze ngwavo, “oloze, etu twamwene chimweno,” ava tupolofweto fwo handulendi. “Etu tunatachikiza. Etu twapwa tupolofweto. Etu tunatachikiza, mwomwo etu twapwa tupolofweto.”

<sup>151</sup> Mikaya ngwenyi, “Kangwa kakasanako oloze chuma ove wamwene chimweno. Kangwa kakasana chipwe chindendeko, chuma ove wamwene, chimweno, oloze kacheshi kutesa na Lizu ko.” Amena. Ambile ngwenyi, “Ngwamwene chimweno, nawa.” Amena. Mamalelo, keke! Ikiye apwilenga chinjikizo. Ikiye apwilenga chinjikizo. Ikiye ambile ngwenyi, “Ngwamwene chimweno, kaha Ngwamwene Isalele, nge mukoko, kulimwanga ha pili, kupwa na kafunga.”

Kaha uze kalama wamunene, mbishopu, atambukile na kumuveta mbanda kukanwa. Ambile ngwenyi, “Kulihi Shipilitu ya Kalunga yayanga omu Chize chafumine hali yami?”

<sup>152</sup> Ikiye ambile ngwenyi, “Ove muya nakumona omwo ove uli mukamenga. Ove muya nakumona.”

Ikiye, Ahave ambile ngwenyi, “Muhakenu ou mukweze mukamenga. Muhanenu mbolo yaushona, kaha muhane meya aushona, mangana anwenga.” Ngwenyi, “Omwo Nangukakinduluka mukuunda,” ngwenyi, “kahajino Nanguya nakumuzakamina ikiye.”

<sup>153</sup> Mikaya wakashinakaji emanyine na MUKIKO MWANAMBE MWATA. Ikiye ngwenyi, “Kachi ove naukinduluka voseni, Kalunga kahanjikile kuli yamiko.” Huu! Mukiko kaha. Chuma muka ikiye? Ikiye apwilenga chinjikizo, nge tupolofweto va Yehova, tupolofweto va Kalunga, vatwama na Lizu lya Kalunga.

<sup>154</sup> Ove ukwechi kapolofweto uze ahanjikile ove vatela kukujimika mu mitwe ya “Tata, Mwana, Shipilitu Wajila,” ali kapolofweto wakwonga. Kachi ove muhanjika kuli kapolofweto mukachi kenu, uze ngwenyi, “Kuli Tulunga vatatu,” ali kapolofweto wakwonga. Kakweshi numba Chisonekako hali echiko. Echi chakwoloka. Oloze kapolofweto wamuchano wa Kalunga mwaya nakutwama na eli Lizu. Kaha kachi chimweno chenye chakulimbalaka na Lizu, ikiye keshi kapolofweto wamuchano kufuma kuli Kalunga ko.

<sup>155</sup> Kakweshi kumwe, mu Mbimbiliya, kalamuthu apwile wakujiimika mumikanda ya “Tata, Mwana, Shipilitu Wajila.”

<sup>156</sup> Tala hali Pauulu, muze mukamenga, wamundende, muzulu wakulifumba ka Yuleya, mutwe walyanja, apwile kuze, kupwa na myaka twende, mukamenga kaValoma. Ikiye kusoneka mikanda. Jino, chuma muka ove mushinganyeka uze mukakunangula ashinganyekele hali Paulu, omwo ikiye ahanjikile, “Echa mapwevo vahole kulu mumauka. Kangweshi kwitavila vakiko kuhanjika”? Ngwashingtonyeka vakiko vanahase kuzata hali ikiye.

Chuma muka ove mushinganyeka vase va mbishopu vashinganyekele, vase va mbishopu, omwo ikiye ahanjikile vyuma vyosena vyakuhandunuka, “Echa *echi* hano vyuma, kaha *echi* hano, vyosena *evi, chize*,” Paulu kuvalweka vakiko? “Hiya ou mukweze, mwosena omwo, ou mukweze nasavala haze mukamenga?” Oloze ikiye aliwanyine na Yesu. Ikiye atachikijile chuma muka ikiye apwile nakuhanjikaho.

Kaha kulovoka muli lize lizavu lyolimwe, hanyima ya kufwa cha Paulu, vakiko makumishilo vatungile, kufuma muli lize lizavu lya mambishopu na helu, ku Kasulu ya Nicene, kaha uze atungile liuka lya Katolika, kufuma mu Lizu lya Kalunga. Kwejile mu “Tata, Mwana, Shipilitu Wajila.” Ngunahamwisa kalamuthu, kala lifuchi, kulikashila hali chize.

<sup>157</sup> MUKIKO MWANAMBE MWATA. Elu lujimiko lwakuzachisa mutwe wa “Tata, Mwana, Shipilitu Wajila”



makuli akwonga. MUKIKO MWANAMBE MWATA. Ngweji kuhanjikanga muthu himuthu, hano mokomoko ha tepu, chize kavachijimikile mu Lijina lya “Yesu Kulishitu,” vamijimike cheka mu Lijina lya Yesu Kulishitu.

<sup>158</sup> Paulu, mu Vilinga, 5:9, mokomoko, 19:5, ngwenyi, “Enu mwatambwile Shipilitu Wajila kufuma haze enu mwafwelele?”

Vakiko vambile ngwavo, “Etu katwatachikiza nge kwatwama kala Shipilitu Wajila.”

Ambile ngwenyi, “Kahajino kuli enu vamijimikile ngachilihi?”

<sup>159</sup> Vakiko vambile ngwavo, “Etu vanatujimika,” oloze keshi mulujimiko lwa Vakakulishitu ko.

“Tata, Mwana, na Shipilitu Wajila” keshi lujimiko lwa Vakakulishitu ko. Kakweshi Mukakulishitu apwile wakujimika nge ngachize, mu Mbimbiliya mokomoko ha myaka handulendi hanyima ya Mbimbiliya. Echi chinapu jishimbi ja Katolika, kaha keshi Kunangula cha Vakakulishitu ko. Ngulwekenu mu Mbimbiliya. Echi chili—echi chili mwiji. Echi chili kuzata cha maliyavolo.

Kangweshi nakutwala nge kuhanjika hali vathu vaze vakujimika nge mujila kana. Kalunga akwechi vathu vavavulu kuze lelo vaze vanahono kutachikiza kanawa.

<sup>160</sup> Oloze, ola yinahete, etu twatela kukinduluka ku Lizu kachi etu natushinganyeka Kalunga kuzata muli lino likumbi nge omu Ikiye alingile.

<sup>161</sup> Ngwambile ngwami kuli mama yami omwo ikiye apwile nakufwa, shimbu kanda ikiye afwenga. Ngwambile ngwami, “Mama, omwo Ngwejile nakupwa Mukakulishitu, nge kanyike walunga, Ngwaputukile kutonda na kuwana. Ngunatachikiza kuze kwapwilenga Kalunga, kufuma ku vimweno vize enu munahaono kutachikiza, na vyuma vize vyasolokele kushikumuka nakuhita muchiyoyelo.” Ngwambile ngwami, “Kahajino Ngwawanyine liuka lya Katolika ngwalyo, ‘Etu twapwa liuka. Kanda kupanga kala chihandwako omwo yahanjika Mbimbiliya. Etu twafwelela Echi kupwa chakwoloka, oloze, etu twapwa liuka. Chuma etu tweji kuhanjikanga, Kalunga eji kukasanga Mwilu.’ Kaha shikaho, jino, vakiko *veji* kuchilinga mujila kana. Ou ukiko mujimba umwe. Va Luteleni ngwavo, ‘Vakiko vali vakuhenga. Etu twafwelela echi muli *eyi* jila.’ Va Mbaputishiti ngwavo, ‘Vakiko vosena vali vakuhenga. Etu twafwelela echi muli *eyi* jila.’ Kaha kuli handulendi ya mijimba.”

Mwomwoika, ove mupwa nalufwelelo ngachilihi? Hiya umwe wavo wakwoloka? Kuli Chuma chimwe chakwoloka. Ngwahonene kutachikiza Echi jino.

<sup>162</sup> Ngwambile ngwami, “Mama, Ngwayile cheka ku Mbimbiliya na kuwana jila ya vapositolo, muyachi wa liuka muka vakiko vapwile, omwo vakiko vanangwile, kaha vyuma vakiko valingile. Ngwalingile muze vene mujila vakiko valingile, mujila ya Mbimbiliya ngwayo, kaha Ngukwechi vyuma vyovimwe.” Amena. Ngukonekelenu ha hanjikiso, oloze chize—chize chinjikizo chili mangana kulya. Ou ukiko muchano. Vakwechi vyuma vyovimwe vize vakiko vakwechi. Eyo.

<sup>163</sup> Shikaho, enu kamweshi kuhasa kutunga lufwelelo muchuma chimwe muze muli na naine handulendi jijila jakuhandunuka, ja kuya *eyi* jila na *ize* jila.

Kahajino Ngwawanyine, mu Mbimbiliya, nge Yesu ambile ngwenyi, Lyavene, “Kachi kala muthu mwaya nakumbata Lizu limwe, mokomoko kwalumuna Echi, mu Mukanda; kala muthu uze mwaya nakuhaka kala chuma kuli Echi, mokomoko kufumisa kalachuma muli Echi; chuma chochimwe navakafumisa, chihanda chenya cha Mukanda wa Kuyoya.” Kusolola ikiye apwilenga na lijina lyenyi kuze, chosena chakwoloka, oloze navakamufumisamo. Mamalelo!

<sup>164</sup> Etu twatela kwiza nakukinduluka ku Lizu. “Melu na mavu nawakahita, oloze Lizu Lyami kalyeshi kahonako.” Eyo, mwane. “Echa kala lizu lya muthu lipwenga lya makuli. Lyami kupwa muchano,” ngwenyi Yesu. Echa tutwame na Lizu. Yaah. Mamaah, yami! Yaah.

<sup>165</sup> Yehoshafwete atachikijile nge Kalunga alama wamwenemwene, kapolofweto wamuchano uze atwama na Lizu Lyenyi kaha kahashile kulivwasanako Echi. Nduma, mwane.

<sup>166</sup> Ikiye atwamine na Echi. Fwo handulendi hali ikiye, na maupolofweto avo, nawa. Oloze ikiye apwilenga Lizu lya Kalunga, na chinjikizo chochimwe na vyuma.

Kaha Nanguhanjika, lelo, chuma etu twatondo lelo shina muthu, kapolofweto, kukatuka mukachi ketu, hiya mwaya nakutwama na Lizu lya Kalunga chipwethuhu kala muthu mwahanjika ngachilihi, mokomoko kala chikungulwilo nachihanjika.

<sup>167</sup> Mikaya kapwile na kuzachila hamwe. Mose kapwile na kuzachila hamwe. Nowa kapwile na kuzachila hamwe. Kwauchi umwe, kuvangila, apwile nakuzachila hamwe. Echi chili chakuva fumbukila vakiko. Oloze vakiko vali vinjikizo mumakumbi amapi shimu kanda Kalunga atume kusopesa. Kaha Kalunga alama Lizu Lyenyi kaha natondo Lizu Lyenyi atwalileho kuli vathu Jenyi. Va mwalise Mwata.

Jino, kwiza nakushikumuka nakusoka, muminyutu yayindende jino. Jino ivwulilenu kanawa.

<sup>168</sup> “Kuze kwapwilenga lunga waktuma kufuma kuli Kalunga ukwechi lijina lyenyi apwile Yowano,” chinjikizo

cha kapolofweto. Shimbu kanda Yesu ezenga hano hamavu, nakulisolola Lyavene, Ikiye atumine kapolofweto kumeso a Ikiye. Kumana Ikiye alingile echi? Ikiye atumine kapolofweto, Elija wa Tesitamende Yamwaka, apolofwetele kwiza mungolo ja Elija ja Tesitamende Yamwaka. Ikiye apwilenga na chinjikizo cha kapolofweto nge Yesu apwilenga nakwiza, nge kuze kwapwilenga Meshiya kwiza.

<sup>169</sup> Kaha Yowano ejile nakulovoka mupambo, ikiye apwilenga chinjikizo nge Meshiya apwilenga mujila Yenya. Omwo Yowano asolokele, Isalele atelele kutachikiza, hali tupolofweto javo.

Omu mukiko vathu veji kujimbalisanga echi. Vakiko kavafwelela tupolofweto javo ko. Vakiko kavafwelela ko. “Etu katwafwelela omwo Petulu ahanjikile nge chapwile chakwoloka, ha Likumbi lya Pendekosita.” Vakiko kavafwelela chize kupwa chakwoloka. Vakiko kavafwelela omwo ahanjikile Paulu, chuma chochimwe Petulu alingile. Ngwenyi, “Kachi Kangelo wakufuma Mwilu kunangula kala lizu, echa apwenga wakwangula.” Vakiko kavafwelela chizeko. Talenu? Vakiko kavafwelela echiko.

Kaha vakiko kavafwelele tupolofweto javo ko. Kachi vakiko navatachikiza, vakiko navatachikiza nge Isaya ambile ngwenyi, “Kuli nakuya nakupwa lizu lya umwe ali nakulila mupambo, chize nachikawahishila jila kumeso a Mwata.” Vakiko vatelele kutachikiza echi. Ikiye apwilenga kapolofweto, mwangana wa tupolofweto. Ikiye avalwekele, oloze vakiko kavafwelele echiko. Nduma, nduma. Ikiye ngwenyi, “Kuli Meshiya ali nakwiza.”

<sup>170</sup> Ou lunga apwile wakutuma kufuma kuli Kalunga. Mamalelo, vandumbwami! Ikiye kapwile na kukavangiza. Kalunga kumuhana ikiye kukavangiza, utanga waundende, chochimwe nge omu Ikiye alingile Elija. Kalunga kuvahana evi. Ikiye katambwile echi kufuma kulizavu lya milingu. Ikiye anangwile eli Lizu, kutwama ha Lizu lya Kalunga, kaha Kalunga amuhanyine mautanga amandende. Elija atwamine ha Lizu lya Kalunga. Kalunga amuhanyine mautanga amandende.

<sup>171</sup> Ou lunga kapwile na kuzachila hamwe. Ikiye kapwile neviko, kwauchi kuzachila hamwe, kupandama nakumwe pimbi na chikungulwilo, kahulila nachimweko kaha kevile woma na chimweko. Uze apwilenga Yowano. Mwomwoika? Ikiye apwilenga muthu wakutuma kufuma kuli Kalunga. Ou ukiko mulonga ikiye emanyine. Ikiye apwilenga Elija kwimana kuze, kwinjikiza kuli vathu nge Meshiya apwilenga nakwiza. Ikiye ambile ngwenyi, “Yami lizu lya ikiye lize lili nakutambakana mupambo, nge omu hanjika kapolofweto Isaya. Liwahise nakuliwana na Mwata.”

<sup>172</sup> Vaze va Fwaliseu nava Sanduke vemanine kuze na kulipula jipami na vyuma vimwe. Hazevene shimbu vakiko vapwile

nakulipula jipami na kulipika hali echi, hazevene mukachi kavo mwejile Meshiya, kutambuka.

<sup>173</sup> Yowano ngwenyi, “Tala, Ikiye ali.” Haleluya! Tala ikiye. Ikiye amujimbwile Ikiye. “Ikiye uze. Ikiye nemana mukachi kenu jino.”

Ha lwola luzu, melu ajimbanganyine. Yesu atambukile nakwingila mumeya. Kaha Yowano naunjiho, kumona Shipilitu ya Kalunga, nge katela, kwiza nakushikumuka. Eli Lizu kutambakana, “Ou ikiye Mwa Nami ngwazanga muli Ikiye Ngwevwila kuwaha kutwamamo.” Mamaah, yami, yami!

<sup>174</sup> Yowano ambile ngwenyi, “Jino Ngwatela kupwa wakuhona mangana. Ikiye mwakaya nakutohwesa.” Mamalelo, kapolofweto kana, chinjikizo cha Isalele! Eyo, mwane.

<sup>175</sup> Ikiye apwilenga muthu wakutuma kufuma kuli Kalunga, chipwe ise apwilenga kapilishitu. Mamalelo, eyo. Ise, Zakaliya, apwilenga kapilishitu. Oloze munamono? Kalunga keshi kuhasa kwecha uze kapolofweto kupwa wakulifutula na vikungulwilo vyavo. Ise kachi amumbachile nakumutwala kushikola ya kutanga chauthu, na chikungulwilo chachinene *Munganji mukananga*, kumulingisa mukakuzata wambwende, enu munatachikiza, kaha wakulongesa kanawa, kaha kumuhana vyuma vyosena ikiye atela kupwa. Oloze Kalunga keshi kuhasa kwecha mwono wenyi kupwa wakupihisa. Enu munevwushisa? Ikiye kahashile kwecha uze lunga kupwa wakulifutula na vikungulwilo. Ikiye kapandamine kukala hali vakiko, kwauchi chihanda, Fwaliseu, Sanduke, mokomoko Kahelote, mokomoko kala omu wapwa. Kalunga keshi kwitavila echiko.

<sup>176</sup> Ikiye apwilenga na kusemuka chakusehewa. Ikiye apwilenga mwana wakusehewa. Ikiye apwilenga kapolofweto. Ise apwilenga kapilishitu, oloze Ikiye kechele ikiye kupwa wakulifutula na vakakulyonga, kulifukula cha Vafwaliseu na vyuma. Chuma muka Ikiye alingile? Ikiye amutwalile muze mupambo na kumulongesa ikiye muze mupambo.

<sup>177</sup> Kululongesa kana! Amena. Ikiye amulongesele ikiye na kutachikiza. Echi chikiko chamwaza, kutachikiza Kalunga. Omwo ikiye ejile nakulovoka, ikiye atachikijile vene chize kutuma chenyi chapwile chika. Kalunga enjikijile chize kutuma.

Kulihi Ikiye achinjikijile echi? Kuze kukalwiji. Jino, kachi enu munahase kupwa vavali na vivali. Talenu? Kuze kukalwiji!

Ngwenyi, “Yami lizu lya umwe uze ali nakulila mupambo, “Wahisenu jila ya Mwata, mujila ya kwoloka Chenyi.”

<sup>178</sup> Yowano, muthu wakutuma kufuma kuli Kalunga. Kalunga keshi kuhasa kumwecha ikiye kupwa wakupihisa na echiko. Ikiye amulongesele ikiye muze mupambo, na Kalunga. Ikiye amulongesele ikiye keshi mumashikola avo ko, keshi mukutanga chauthu chavo. Kachi Ikiye nahase, ikiye mwapwa

wakuzala nakulinangula chimwe cha vyumavimwe vyakufuma kumashikola lelo, miyachi ya mashikola. Keshi kaha va Pulishiteliyani, va Mbaputishiti na va Mesondisiti, oloze mashikola a Pendekosita, kupwa kaha chachipi, kala mashikola a kutanga chauthu, kuvaneha vakiko muze. Mamalelo!

<sup>179</sup> Kwiza chenye, amulwekele Shipilitu, ya Isaya. Kwiza chenye, Yowano ali nakwiza, apolofwetele mu Chisoneka. Isaya 40:3 ngwenyi, “Nanguya nakutuma muluwa Wami kumeso Ami, kuwahisa jila,” mokomoko, uze apwilenga Malaki 3. Ngwenyi . . . Malaki 3 ngwenyi Ikiye mwakatuma muluwa Wenyi kumeso Ikiye. Uze kapolofweto, kapolofweto wamakumishilo, ahanjikile kuli ikiye. Chuma chamakumishilo kuhanjika hali ikiye. Anuka, uze Mukanda wa Tesitamende Yamwaka ahanjikile nge Elija mwaya nakwiza kuli vana va Isalele shimbu kanda kusolola Meshiya.

<sup>180</sup> Ove uli wakulizanga? Uze Mukanda mu Mbimbiliya wamakumishilo, shina Kusoloka, kusolwesa kuli etu nge nakukaya nakukinduluka kuli ikiye mulikumbi lyamakumishilo, ku liuka lya Vakamafuchi eka na eka, chinjikizo. Omwo vakiko kujimbalisa echi! Ikiye apolofwetele kwiza cheka, shimbu kanda chize chachinene na Kwiza cha Mwata. Mu Mala- . . . Mu Malaki kapetulu 4, mu Kusoloka nawa, kapetulu 3, atulweka nge ikiye mwaya nakupwa hano mumakumbi akumakumishilo. Uze youmwe, uze mwaya nakwimana muli vathu, na mautanga amandende nge Kalunga mwaya nakumuhana ikiye, ikiye mwakaya nakwiza mumakumbi akumakumishilo. Kalunga ahanjikile ngocho. Ikiye mwaya nakupwa chinjikizo kuli lino lifuchi lya Vakamafuchi eka na eka, nge lwola lwenyi kalweshi kukapwako chekako.

<sup>181</sup> Kaha, anuka, omwo ikiye asolokele, lwola lunahete. Echa tulombe hali Kalunga kutuma ikiye. Lwola lunahete.

<sup>182</sup> Haze vene mulimo wenyi wakumine, Meshiya alisolwele Lyavene. Hazevene ou umwe wamunene mwaya nakwiza mumakumbi akumakumishilo, mwakaya nakukumisa mulimo wenyi, ou Meshiya mwakaya nakulisolola Lyavene. Nachiya nakupwa ngocho. Lwola lunahete lyehi, shikaho etu twatela kulomba. Ove watela kuputuka kulomba.

<sup>183</sup> Chinjikizo Chenyi cha Kalunga chakuhana kuli chino chisemunuino nachiya nakwinjikiza chuma muka ikiye ali. Muthu wosena mwaya nakutachikiza echi. Kalunga mwaya nakwinjikiza echi. Ikiye mwaya nakusolola vinjikizo na vikomwesa nge kanda lyehi vizachiwe hano hamavu, hali echi. Kangweshi nakutwala kunyikika, kulinyikisa, na kuhanjika mumalimi. Ikiye mwaya nakumushinjikiza na Lizu lya Kalunga, nge ou lunga apwile. Mwomwoika? Ikiye apwilenga apolofwetele kwiza, mu Malaki 4 na Kusoloka 3, shikaho ikiye mwakaya nakwiza. Kakweshi chuma nachiya nakumwimika ikiye; ikiye

ali nakwiza. Amena. Ikiye mwaya nakupwa hano. Amena. Echa vathu vaholokele kumeso avo lelo na kuputuka kulila kuli Kalunga, kaha tala omwo nachisoloka. Ove muya nakumumona ikiye kusolola ngolo. Eyo, mwane.

<sup>184</sup> Kutesekeza na Chisoneka, Mujimbu wenyi nauya nakupwa “kwalumuka.” Chumamuka nachiya kuli ikiye. . . Chumamuka etu natuya kuli ikiye kupwa? Natuya ngachilihi nakutachikiza nge ou napu umwe wakwoloka?

<sup>185</sup> Munatachikiza, Isalele ahulile lwola lumwe, kuze mu Lushimbi lwamuchivali, kapetulu 20. . . vasi 20, Ngwafwelela mukiko chili. Ikiye ngwenyi, “Natuya ngachilihi nakutachikiza nge echi nachiya nakupwa chakwoloka?”

Natuya ngachilihi nakutachikiza? Kalunga atulweka etu natuya nakumutachikiza ikiye. Mwaya nakulinga ika? “Ikiye mwaya nakwalumuka michima ya vana kukinduluka ku Mujimbu wa chipendekosita kukuputuka.” Mamalelo, yami!

<sup>186</sup> Chinjikizo chize vanahumbula, chikiko chinjikizo chivene, kaha chavahichile. Mukiko lwolalwosena veji kulinganga.

<sup>187</sup> Kukinduluka ku Liuka lya muchano, ou Mujimbu wamuchano! Ikiye mwaya nakwimana ukawenyi wa chikungulwilo, wakuhamuka na woma, na MUKIKO MWANAMBE MWATA. Ikiye mwaya nakulivwasana na chikungulwilo. Ikiye keshi kuhasa kulinga chuma chimweko na kala; koka chauchi. Ikiye mwaya nakupwa wakwoloka mu Lizu, MUKIKO MWANAMBE MWATA. Kalunga mwaya nakwinjikiza mulimo na vinjikizo na vikomwesa, vyavinene kulisolola cha Lizu, kaha kuneha na vyangocho kuli vathu. Likumbi muka lili mulivoko! Nge. . . Ikiye mwaya nakwimana nge Petulu na Yowano alingile, hanyima, ha Likumbi lya Pendekosita.

Hanyima ya Pendekosita, nge vakiko vapwile vakuzala na Shipilitu Wajila, kujimika kuze, vakiko vemanyine muze mu Sunandeleni. Vakiko vemanyine kuze na kumika chosena nge omu vahashile kwimana. Omwo, vakiko vambile ngwavo, “Etu twakukanyisa ove kunangula mu Lijina lya Yesu, chekako.”

<sup>188</sup> Ikiye ambile ngwenyi, “Echi chili chakwoloka kuli etu kwivwulila kuli enu, mokomoko Kalunga? Yulenu mukachi kenu vavene.” Wakuhona kutachikiza, wakuhona kutanga. Amena. Vakiko vapwile tupolofweto. Vakiko vapwile tupolofweto vakuwavisa kuli Kalunga. Vakiko vapwile vinjikizo vya Shipilitu Wajila. Vakiko vapwile tupolofweto. Vakiko vatachikijile.

<sup>189</sup> Vakiko vapwile kaha nge Yowano. Vakiko vapwilenga kuze ku Pendekosita kaha vakiko vawanyine chumachimwe.

Vakiko kavapwile nge vakakunangula jetuko ava valelo, vakulihana majina vavene, kulivwimba ha lizavu lyalinene etu tuli nalyo, angahi etu tuli nawo mazavu amanene. “Etu tunemana nge lizavu lyalinene. Etu tweji kuzata milimo

yayinene ya mishonali.” Mamalelo, keke! “Mamalelo, etu tukwechi mazavu amanene kuhambakana osena.” Chumamuka echi? Echi chinapu kukoka cha milingu. Ngwatondo enu kwivwulila kanawa, muli yivali, minyutu yitatu. Kukoka cha milingu.

<sup>190</sup> Punduvene Ngunahanjika chumachimwe, minyutu yayindende hanyima, munatachikiza chuma muka Nguli nakuhanjikaho. Chinjikizo chize vapolofwetele. Ngwasele echi ukawenyi, kuchihaka hamahinji ove. Talenu? Chamwaza, keshi kaha ove hano, oloze vaze navaya nakwivwa. Echi chili hamahinji ove. Linga na echi kala chuma ove unatondo. Ove lomba, kaha tala Kalunga tambuka nakwiza. Tala Ikiye kuzalisa Lizu Lyenyi. Ikiye ali nakuvandamina.

<sup>191</sup> Omwo mitelembe yayinene, kaha vathu vali nawoma; kaha lizavu lya Petton, vakiko kavatachikijile mwakulingila; kaha vinjikizo vyakukomwesa muutangatanga, vatanganyika vakwenda, kaha vyumavimwe nge ahanjikile Kalunga: Lunapu lwola lwa Elija, (ikiye ali kumwe), kukatuka nakwiza nakusoloka.

<sup>192</sup> Echa vathu, echa vaze utanga waundende, vaze vanasaleho vaze Kalunga mwamuhana ikiye, echa vaze vavandende vayenga nakusanyika Kalunga, kaha tala omwo nachisoloka. Kuli nakuya nakupwa kusolwesa cha lifuchi. Kuze kuli nakuya nakupwa ngolo nge vakiko kanda lyehi vamone. Ukali uli, lwola luno, nachikaya nakupwa chakukotokela hali vakiko jino. Vize vikolo navikaya nakupwa vyakusoka. Shikaho, anuka, etu tuli kulwola lwamakumishilo. Lomba.

<sup>193</sup> Tala lelo evi tweji kuvulukanga kupwa mulimo. Chuma etu tukwechi? Jino, mukusoka, Ngwatondo kuhanjika echi. Chuma muka etu tukwechi? Etu katweshi nachuma chimweko. Vamwe ava vatwamina jetu vavanene, vakakwambulula mujimbu wamwaza; umwe wetu wamunene ambile ngwenyi, “Kachi Ngunahase kuwana teni peseti yami yalumwine, mwaka, Nanguya nakupwa wakusawilila.” Omu, chipwe kulutwe chikuma kuhambakana Finney, apwile na nayite seveni peseti yavakiko.

Paulu apwile na handulendi na jihandulendi, na jihandulendi na jihandulendi. Umwe vamulwilile, kaha, ikiye apwile wakuzala, ndumbu walunga, ikiye ayile na kumulweka muthuumwe weka; ikiye amulwekele muthu weka; kaha ikiye amulwekele muthu weka; ayile nakwingila mu jimiliyoni. Mwomwoika? Vakiko vapwile nachuma chimwe. Vakiko vapwile ha Lizu.

<sup>194</sup> Lelo, etu tuli kaha nakushinganyeka hali mazavu amanene. Chuma muka echi? Echi chinapu lizavu lya milingu. Kachi etu natwiza, mukakwambulula mujimbu wamwaza kwiza mumbongi, chuma muka chejile chatete? Lizavu lya malunga.

Kachi vosena va Mesondisiti, Mbaputishiti, Pulishiteliyani, vosena, vakiko vengishile chindende ngachize, vakiko, “Ava vanahase kunangula *echi*, kaha ikiye keshi kuhasa kunangula *ngachize*, kaha ikiye keshi kuhasa kunangula *echi*, oloze ikiye nahase kunangula *chize*,” chuma muka ove ukwechi?

<sup>195</sup> Kaha vakiko kutambuka nakuya kuze, mapwevo. Nguli nakuhanjika hali va Pendekosita. Mapwevo kuya kuze, kukamenga, vakiko kulambilila.

<sup>196</sup> Ngunapu lwolalwosena kupwa wakufumbukila kusanyika chakukamenga. Pamo nawa kuhanjika hali echi. Kangwafwelela muvizeko. Kakweshi chuma chimwe mu Mbimbiliya. Nachipwa ngachilihi kala muthu mweza kuvangila Kalunga namusanyika ikiye? Ove kaweshi kuhasa kumulama ikiyeko. Ove kawatela kusanyika kala chuma. Kalunga namusanyika ikiye. Kusanyika chakukamenga chinapu chishinganyeka cha Mesondisiti. Echi chakwoloka. Kusanyika chakukamenga, vakiko vakwachile, kuhanjika, “Yowano, munatachikiza, mama yove afwile lwola lwakunyima.”

<sup>197</sup> “Ohoo-ohoo-ohoo, eyo, ndumbu walunga, ohoo-ohoo!” Chize keshi kwalumukako.

<sup>198</sup> Hano, maufuku amandende kunyima okwo, etu twapwile na kusolola mu Louisville, kwapwile pwevo vanehele mu kofini, kumuhaka kukamenga muze mwakwimanyina. “Vathu mahandulendi,” kuhanjika, “kulahila kukamenga.” Ou Mujimbu wamwaza kaweshi wakwivwasa womako. Kaweshi wakwivwila keke. Unapu kwalumuka chakufuma kukunyuka.

<sup>199</sup> Tala hali echi kuliwana, vaze vakakwambulula mujimbu mwamwaza, namumulimo wami wakulikehesa, keshi kulifumisahako. Lwola lumwe Ngulinakwivwa nge sonyi, kuya nakulovoka. Echi chakwoloka. Chuma muka etu twatela kulinga? Kwimana na kusanyika chakukamenga nakuvakunyukisa. Vanyike vmapwevo kwiza kuze, kaha kunjakuta kunjakuta, kuhanjika, “Talenu? Talenu? Nguli nakuya. Huu-hu.” Ava mapwevo kwiza kuze, na jikambu jakuteula na kumeso akukwita ulombo, Chipendekosita, kaha kuya nakwingila, kaha kulovoka, nakuhanjika vakiko vahanjikile mumalimi. Kaha kavechele jikambu javo kusuwa, kaha hanga kulinga chuma chochimwe vakiko valingile. Enu namungulweka nge chize chikiko kwalumuka? Chize chinapu kumuhenda Kalunga. Mbimbiliya ngwayo, “Echi chinapu shili kaha cha sonyi hali vakiko kuteula jikambu javo.” Nachipwa ngachilihi pwevo wakuteula jikambu kupaisa uze pwevo wakulikwita ulombo kumeso? Pamo nahase na ikiye kwivwa echi. Lwola luli nakwiza, palanga ngimbu navakayihaka kumiji wa mutondo. Kaha mutondo wosena uze kaweshi kwima mihako ya mwazako.



200 Ukalu ulihali? Echi chapwile chakuhenga, mwomwo echi kutona chetu, vavuluka kupwa vakakunangula hano, lizavu lyalinene kaha vakulivwimba, aze mazavu akuhona kutachikiza Kalunga kuhambakana ka Hottentot atachikiza uze ufuku wamu Ejipitu, omu nawiza. Vakiko veji kuyanga kuze . . .

201 Ngacchilihi kachi vathu vachi Pendekosita vayile kuze kaha vambile ngwavo, “Jino, Yesu atulwekele nge etu twatela kuya kuze nakutwama palanga etu kutambula ngolo kufuma Kwilu. Jino, vandumbwami, etu tunapunga hano makumbi naine, lyehi. Echa etu tutambule echi, ha lufwelelo. Jino, etu tuli na Shipilitu Wajila. Etu twayile, mwomwo etu tunapunga hano. Etu twalingi chuma muka Yesu atulwekele kulinga?” Kuze kakwapwile numba kutachikiza chimweko.

202 Echa ngumilweke chumachimwe. Ngunatachikiza echi chili ha tepu, oloze hano nachiza, mwosena omwo. Ivwulilenu. Nguli nakuya nakumilweka chumachimwe. Echi chinapu chasonyi. Vathu kweseka ku. . .Kanda lyehi kufwelela nge Shipilitu Wajila apwile “nakuchikima.” Kanda lyehi ngufwelela nge Shipilitu Wajila apwile “chinjikizo cha kuhanjika mumalimi, mokomoko kulila, mokomoko kutambakana.” Vakiko vali nakwivwa kwivwa chamujimba. Ngwafwelela Shipilitu Wajila nahase kulinga chize. Oloze Shipilitu Wajila ali nakumbalaka na Ukalunga. Ngwafwelela lizavu lyalinene lya vathu lize valivuluka kupwa na Shipilitu Wajila, kavatachikijile chuma chimwe hali Ikiye. Ove kuliwana na Kalunga.

203 Omwo, lize Likumbi lya Pendekosita, vakiko vambile ngwavo. . .Jino, nge va Mbaputishiti lelo, va Pulishiteliyani na Mesondisiti, Ngwalombo, “Ove wafwelela nge ukwechi. . .?”

204 “Mamalelo, eyo, etu tweji kwitavila Echi, ha lufwelelo.” Ha lufwelelo, kakweshi chumako. Echi kacheshi Echiko.

205 Echi chinapu kaha kwivwa chamujimba, ove unatondo kulauka chalikumbi, ove imana kaha tala musana kuya nakushikumuka, kaha ktambakana, kaha masoji kupwelumuka, uze keshi Kalunga ko, chize chinapu kwivwa cha mujimba, kufuma mu chumachimwe chize chili mulin ove. Enu namwivwa muthuumwe kupwa wakuviza, mokomoko muthuumwe kufwa, ove kutambakana na kulila. Echi kacheshi Kalunga ko. Echi chinapu kwivwa chauthu. Omwo Kalunga. . .

206 Ngunamono vathu kuze kwakwashila konde, kupwa vakuwahilila chikuma vakiko kuheta nahaseteko yakukukuma, vyumavimwe nawa. Kanda kungulweka.

Etu tuli nakutonda kuhizumuka, ulwilo. Kaha va Pendekosita vejile nakujinguluka, kulingisa vathu kuzata, na kuvalweka vakiko, “Omwo vakiko navahanjika mumalimi, vakiko vakwechi Shipilitu Wajila.” Kaha vamwe vavo kuyoya kala muyachi wa kuyoya, hanyima yachize.

Ivwililenu, ndumbu walunga. Ha Likumbi lya Pendekosita, kachapwile ngochoko. Vakiko kavakundamina hakala malimi mokomoko kalachuma. Shimbu vakiko vapwile kuze, kwimana muchihela chimwe, mu kujina chimwe, Kalunga ejile nakushikumuka, mukachi kavo. Vakiko vamwene, hali umwe wavo, malekeleke a Kakahya, pamo nge *ngachize*, kusukama helu lya mitwe yavo. Kalunga apwile kuze. Echi kachapwile, “Kwitavila echi ha lufwelelo, mokomoko kwivwa chimwe.” Vakiko vapwile vakuzala na Shipilitu Wajila, kaha jino vayile nakuputuka kuhanjika na malimi. Oloze, chatete, vakiko aliwanyine na Kalunga.

Ou ukiko ukalu na lelo. Vathu veji kuzata na kuwahilila, kwivwa chakuwahilila, kaha keshi Shipilitu Wajila ko. Ou Shipilitu Wajila ali nakumbalaka na Ukalunga. Mazu enu anapu Mazu Eyi. Nangumilweka, chuma etu twatondo lelo, shina kusanyika.

<sup>207</sup> Vathu kuya nakwingila, mapwevo nge *ngachize*, kuya nakwingila, kuhanjika na malimi, kwiza nakukinduluka. Kaha ove yako kuvihela vyavo kuze vakiko vapwile na mauka avo . . .

<sup>208</sup> Kachi Billy apwanga hano. Ngukwechi mukanda kufuma kuze kumwe, likumbi likwavo, kuze pwevo ambile ngwenyi, “Ngwapandama ku chuma chimwe, chachinene . . .” lizavu lyalinene lya va Pendekosita, lizavu lyalinene lya vaka Tulunga vatatu. Vakiko vambile ngwavo, “Mapwevo vosena, Ndumbu watatu Branham, kuteula jikambu. Ngwapwile na jikambu jajisuku.” Ikiye ngwenyi, “Ngweji kuchizanganga, mwomwo Ngwafwelela chapwilenga cha Mwata.” Ambile ngwenyi, “Kanda lyehi nguvwale vya kulilenga. Liuka lyetu lyanangula nge chize chinapu chamwaka.” Ambile ngwenyi, “Vakiko kungulweka yami, omu Ngwapwile na kambu jami jakulijinga muze mwakuwema, kuze kunyima, ambile ngwenyi, ‘Tala, ove ukwechi liwilo lyakufuma peho kunyima,’ kaha nge *ngachize*. Ambile ngwenyi, ‘Ove uli nakwendesa yakuhona—yakuhiona peho kunyima ya mutwe wove.’” Kaha ambile ngwenyi, “Makumishilo, lunga lyami ambile ngwenyi, ‘Mwomwoika ove unahonena kuvatula jikambu na kupwa nge vosena?’”

Jino Ngukwechi mukanda kukinduluka kuli ikiye.

Ikiye ngwenyi, “Echi chili ngocho? Ngwevwile umwe ha jitepu, nge lujimiko lwa Vakakulishitu mu Lijina lya Yesu Kulishitu.” Jino, munatachikiza chuma muka ikiye mwaya nakupwa nacho. Keshi ngochoko? Ikiye ngwenyi, “Ngulweke yami, Ndumbu walunga Branham. Nguli nakwivwa zala. Ngwatondo kutachikiza chuma muka Ngunalingi.”

<sup>209</sup> Nguli nakuya nakuhanjika, “Sonyi hali uze lunga wakulimbuka nalihya lyove. Kaha lize lizavu lya Kalunga lize enu muli nakulifukula na, kulovoka muli vakiko.” Chakwoloka. Kalunga keshi kuhasa kwalumukako. Omwo Kalunga

mwahanjika kalachuma, Ikiye natwale. Kangwalizakamineko vangahi vakakakunangula vakulimbuka vase vanatondo kulivwasana, kupwa na chikungulwilo chachinene mokomoko lizavu. Etu twatondo ulwilo. Malunga vase navaya nakwimana na kwecha mapwevo javo kulinga ngachize, Ngukwechi lufwelelo lwalundende mukutachikiza cha kupwa Mukakulishitu. Chakwoloka. Alumuka chakupihilila, mokomoko kuno! Yami, kuwaha!

<sup>210</sup> Yako lika nge ngachize, linunge namauka, mauka a Chipendekosita, kinduluka kaha kanda kwalumukako chipwe chindende; twama chuma chochimwe, kanda kutambukako chindende. Mamalelo, keke! Chuma muka echi? Va Yezevele vakutona. Kulinkaha pwevo umwe mu Mbimbiliya uze akwichile ulombo kumeso eyi, kaha Kalunga amulishile kuli watuwa. Va Yezevele vakutona kukoka va Ahabs javo kuhichila mujikola, kala lunga wakuzeya uze mwaya nakwecha pwevo lyenyi kulinga ngachize, kuvwala jiputula na vyuma, kaha kulovoka nakuya mujila kaha kuvwala mujindeleji nge ngachize ikiye kuvwala uvwalo wakukwata hachikova nge kwingilamo muchikova nge ngachize. Kaha kuya...Kangweshi nakuhanjika nge useseko. Echi kacheshi chihela chauseseke. Eli linapu Lizu lya Kalunga. Ou unapu muchano. Chakwoloka. Tambuka nakuya nakushikumuka mujila, na kuvwala vyakulikwata, ha, palanga ikiye kuhona kutambuka. Kahajino, lunga umwe kuhanjika hali ikiye, kaha ove unatondo kumuzungisa ikiye. Ove watela kukuveta mbanda kumakili, echi chakwoloka, ha kwecha ikiye kulinga ngachize. Echi chasolwesa nge ove uli wakutungwa. Echi chili vene chakwoloka.

<sup>211</sup> Chuma etu tunatondo shina Mujimbu wamwaza. Kalunga, kukatula muthuumwe kwiza echi chakwoloka kunyima na eli Lizu. Kalunga kachihanjika echi chipwe mukalemesako hali pwevo chipwe kwiza nakuliuka na kulomba najikambu jakuteula. Kaha pwevo uze mwateta jikambu jenyi, ali... lunga ali na lisesa lya kupwa na kulukulula kufuma kuli ikiye. Ikiye pwevo wakuzeneka kalemesa. Eyi Mbimbiliya yahanjika ngocho. Ikiye wakuzeneka kalemesa kuli lunga lyenyi. Ikiye pamo katachikijileko. Kala pwevo uze navwale jiputula wakuzeneka kalemesa. Ikiye pamo keshi kuhasa kutachikiza echiko. Pwevo wakalemesa, Kangweshi nakweseka kumikolesako. Nguli nakweseka kumilwila kufuma mu chijiva cha kakahya, na hetese. Alumuka chakupihilila!

<sup>212</sup> “Chamwaza,” ove ngwove, “Ngukwechi Shipilitu Wajila.” Nakulinga nge ngachize, na Kalunga kupwa muli ikiye, ou vene Kalunga uze ahanjikile echi kulin ove nge kanda kuchilingako?

<sup>213</sup> “Chamwaza,” ove ngwove, “Ngwahanjikile mumalimi.” Ngunamono maliyavolo kuhanjika mumalimi. Ngunamono, mu Africa, kunwa manyinga kuzachisa chikola chamuthu, kaha kuhanjika mumalimi na kusanyika liyavolo. Ngunapunga

muvilombo vya valozi na vakakupanda, muze vakiko vahanjikilenga mumalimi kaha nakuwalumbununa. Ngwamwene sonekeso yamakala kuhaka mesa na kusoneka mumalimi akuhona kutachikiza, kaha muthu kwiza nakujinguluka, kulumbununa echi. Echi chapwile muchano. Kanda kungulweka yami malimi. Etu tukwechi chikuma jino.

Oloze, Ngwafwelela nge Kalunga atwama na lilimi lyakuzeneka kutachikiza. Ngwafwelela nge Kalunga mwahanjika mumalimi akuhona kutachikiza, oloze kanda kukundamina hali chizeko. Paulu ngwenyi, “Chipwe Nanguhanjika mulilimi lya vathu na Vangelo, kaha kangweshi na Shipilitu Wajila ko, Kangweshi chumako. Chipwe Ngunahase kutambuka jipili . . .”

<sup>214</sup> Vathu vavavulu vali nakweseka kuhanjika, “Mamalelo, ou napu lunga wamunene wa Kalunga. Ove watela kumona vikomwesa vyavinene.” Mwomwoika, maliyavolo va kuka . . .

Maliyavolo kulovoka na kuzata vyuma nge ngachize. Ngunatachikiza valozi veji kuyanga, kaha vyuma nge ngachize, kupwa na lihina hali vakiko nge *ngachize*. Vakiko kuhakamo mali. Ikiye kumbata kambu kufumisa kunyima ya mutwe, kujivinda mumanyinga nakuujimbilamo. Kaha vaze vathu vapwa vathu vakushishika, vali nakufwelela. Echi kacheshi nge muthu ko. Ava vathu vali nakufwelela vakiko vali nakupandama kuli Kalunga, kuhichila muli mulozi.

<sup>215</sup> Kumana Yesu kahanjikile ngwenyi, “Vavavulu navakeza kuli Yami muli lize likumbi, na kuhanjika, ‘Ngwapwile na kutangisa chachinene’”? Echi kacheshi chinjikizo ko. Echi chinapu chinjikizo etu tuli kumakumishilo. Kumana Yesu kahanjikile ngwenyi, mu Mateu kapetulu 24, ha vasi 24, nawa, 24:24? Kaha Ikiye ngwenyi, “Tupolofweto vakwonga navakaya nakusanguka mumakumbi akumakumishilo na kusolola vinjikizo vyavinene mangana vakiko vahase kuhungumwisa navaze vaku Sakula kachi chahashile.” Oloze va Kusakula vanemana ha Lizu. Vakiko vanatachikiza chinjikizo chamuchano chika.

<sup>216</sup> Nachipwa ngachilihi na muthu, uze eji kulinga vyuma kana, uze akana Lufwelelo lwa Kalunga, kuhanjika nge ikiye napu kapolofweto wakufuma kuli Kalunga? Ngachilihi muno mukaye nahase muthu?

Ikiye nahase kupwa kapolofweto, nge vaze vapwilenga kuze mulwola lwa Ahave na Yehoshafwete, omwo Mikaya emanyine. Oloze vakiko vapwile na umwe kuze emanyine ha Lizu, Elija. Eli Lizu lya Mwata lyapwile lya kusoneka, nge Ahave mwakeza kumakumishilo eyi, kaha chimweno cha Elija chapwilenga na chize.

<sup>217</sup> Kaha kala muthu, kala muthu uze alivuluka lyavene kupwa mukashipilitu mokomoko kapolofweto, asakwililile Lizu lyosena lya Ou unapu muchano. Ikiye mwapwa ngachilihi

Tulunga vatatu? Ikiye mwajimika ngachilihi mu lijina lya “Tata, Mwana, na Shipilitu Wajila,” kaha kuhanjika nge ikiye ali wakuwavisa na Shipilitu? Mwaya ngachilihi nakunangula vathu chize kuhenga, kaha hanga kupwa wakuwavisa na Shipilitu? Echi kacheshi kuhasahiwako. Eci chinapu chachikalu.

<sup>218</sup> Ngunatachikiza echi kacheshi chapuho. Oloze etu katwatondele kupwa na puho. Ove unatondo kupwa wakushishika.

Jino, Yezevele na Ahave. Eyo, mwane.

<sup>219</sup> Mwomwoika, mwomwoika vakiko veji kuchilinganga? Mwomwoika ava mapwevo kulinga, kulama jikambu javo jakuteula, kaha kuvwala vyakulifwanyisa, kaha kuya nakulovoka na kuvwala jiputula ohonyi namalunga vali nakwiza, kaha vyuma nge ngachize, malunga javo kulinga ngachize? Mwomwo vakiko kavapwile na kapolofweto wamuchano mukamenga, kuvalweka vakiko Muchano. Vakiko veji kuvalweka vakiko, “Chamwaza, chize kacheshi chakuhandunukako. Echi chosena chakwoloka. Ove kawatela kulinga *ngachizeko*.” Ove!

<sup>220</sup> Eli linapu Lizu lya Mwata. Eyi Mbimbiliya ngwayo, “Kala pwevo uze navwale uvwalo wakupandama kuli lunga chinapu chaunyengwe kumeso Kalunga.” Kalunga kalumukako. Kaha Ikiye mwalumuka ngachilihi na kupwa Kalunga? Ikiye apwa wakuzeneka maputukilo na makumishilo.

<sup>221</sup> Vakiko vanatondo kapolofweto wamuchano uze eji kuvalweka vakiko nge chize chinapu chinjikizo cha makumishilo. Eyi Mbimbiliya ngwayo vakiko navakaya nakuchilinga. Isaya, kapetulu 5, ambile ngwenyi mapwevo navakaya nakulinga ngachize mumakumbi akumakumishilo. Mukikovenene. Shikaho, vakiko vaze valiko.

<sup>222</sup> Oloze vakiko ngwavo vakiko vakwechi kapolofweto mukamenga, nawoma wa Lizu lya Kalunga. Keshi. . . Ikiye ali nawoma wa chikungulwilo.

Echa tulombe hali Kalunga atume etu Kumunyika chamakumishilo, vakiko Kumunyika cha chingoloshi, kutuma etu umwe uze Ikiye ashikile kulinga, kuli Liuka lya kusakula, nge mwaya nakuvalweka Muchano, kwimana ha Lizu lya Kalunga. Echa va Yezevele na Ahave, kahajino vakiko navakaya nakuvahandununa. Echi chili vene chakwoloka.

<sup>223</sup> Anuka omwo mapwevo vaputukile kulinga ngachize. Jino kinduluka kaha chihanda chachindende, omwo vakiko vaputukile kuvatula jikambu javo na kulinga ngachize. Nge mapwevo navaputuka kulinga nge ngachize, elu lunapu luze lwola kaha ikiko ize ngonde uze Elija mumakumbi akumakumishilo atela kusoloka hatoma na chinjikizo chamakumishilo, na chinjikizo cha lwola lwamakumishilo nge omu chapwilenga mumakumbi a Lote. Talenu? Chinjikizo cha

lwola lwamakumishilo; omwo mapwevo vaputukile kulinga ngachize. Vakiko vali nakulinga nge ngachize jino. Luze lunapu lwola luze Elija asolokele hatoma, kuhanjika nakutambakana, kutenuka na kupulapula, chakwoloka, na chinjikizo cha Kalunga kunyima yenyi, kutambuka nakuya. Ikiye keshi kuya nakusanyika lizavu lyalinene jino. Eyi Mbimbiliya ngwayo, “Kanda kwivwa womako, utanga waundende, chinapu chamwaza cha Tata yove kuwaha kumihana ove Wangana.” Echi chakwoloka. Echi chili vene chakwoloka.

224 Ikiye atela kupwa wakukana kuli vosena oloze utanga waundende, mwomwo ikiye ali nge Elija na seveni handulendi, kaha Yowano na mautanga eyi amandende. Eyo.

225 Enu mwamono oho etu tunemanyina lelo? Etu twatela kukinduluka ku Pendekosita yatete. Etu twatela kukinduluka ku vyuma vya Kalunga. Etu twatela kukinduluka. Ndumbu walunga, ndumbu wapwevo, kanda navakamihungumwisa mukutachikiza oveko. Etu tuli—etu tuli nakuvandamina ola kana.

226 Kanda ove umbate kaha, “Ngwa—Ngwafwelela ngocho. Ngwafwelela, ha lufwelelo Ngunetavila Echi.” Kanda kulinga ngachizeko. Ove kuliwana na Kalunga, meso na meso, kaha ove kupwa wakuzala na Shipilitu, kaha jino ove tala omwo nachisoloka. Kaha kachi ize shipilitu muli enu kulimbalaka na eli Lizu, kahajino ove museza eyi shipilitu ukawenyi. Yako kambate. . . Ngulombeleko Kalunga kkuhana Shipilitu Yenyi, kahajino.

227 Omwo ou Shipilitu kukatuka mulikumbi lyamakumishilo, Nachiya nakupwa chakuhuhumuna hali vakiko, vaze vali vakwonga. Talenu? Mwomwo, Yowano ambile ngwenyi, “Kanda kushinganyeka nge mukachi etu vavene nge etu . . . nge enu ‘muli na Apalahama kupwa setu.’” Etu tuli na . . . Etu twapwa . . .

“Etu, va kakuluka jetu vapwile va Mesondisiti, Mbaputishiti, Pulishitelyani, mokomoko Pendekosita.” Kanda kushinganyeka kuhanjika, ove, “Kalunga,” kaha ove vana kuli Apalahama, mwomwo Kalunga ali wakutela kufumisa kuli awa malolwa kutwala kuli Apalahama. Kanda kushinganyeka mwomwo ove unapu Chipendekosita, nge ove muya nakupwa wakuwahilila. Keshi ngochoko. Kalunga nahase kuli awa malolwa kukatula vana va Apalahama. Echi chili vene chakwoloka. Eyo, mwane.

228 Hanjika kaha Lizu lya Kalunga, mu muchano likumbi lya makumishilo. Upolofweto wenyi unapu . . .

229 Kachi ove muya, echa yami ngulumuke kunyima hano mumunyutu kaha, echa ngumilweke omwo etu tunahase kuwana. Ngukwechi Visoneka vyavivulu vyakusoneka hano. Ngunapunga kaha nakuhanjika kuli Vakiko. Ngwatondo kutanga umwe kuli enu. Kufuma, echa, chatete, echa tumbate. . . Echa tumbate Lushimbi lwamuchivali, kapetulu

18, kaha etu natuya nakuwana, mumunyutu kaha. Shikaho, shimbu kanda etu tusoke hano, shikaho Ngunahase kutanga echi Chisoneka kuli enu. Mu Lushimbi lwamuchivali, kapetulu 18, chosena chakwoloka, kaha echa tutalenu jino. Ha vasi 20 ya kapetulu 18, Lushimbi lwamuchivali, 20:

*Oloze kapolofweto, uze mwakalipambula nakuhanjika lizu mulijina lyami, lize Ngunazeneka kumulweza kuhanjika, chipwe wakuhanjika mumajina atulunga veka (kuvula), kapolofweto uze akafwe.*

Echi chakwoloka. Mushipilitu nayi chakuya. Chosena chakwoloka. “Uze mwono unavulumuna, naukaya nakufwa.” Etu tukwechi Kalunga umwe, keshi “Tulungako.”

*Jino kachi nge namulyamba mumichima yenu ngwenu, Halihi natukatachikijila lizu lize . . . nahanjika YEHOVA?*

“Natukaya ngachilihi nakutachikiza? Nakukaya nakupwa vavavulu muli vakiko, navaya nakutachikiza ngachilihi? Ou ikiye umwe mwahanjika *ngachize*, mukwavo kuhanjika *ngana*. Chamwaza, umwe ngwenyi *echi*, kaha mukwavo nge *ngachize*, kaha na vyangocho.” Jino tala. Etu tunatachikiza.

*Omwo mwakahanjika kapolofweto mu lijina lya YEHOVA, kachi nge chuma chize kacheshi kwizako, chipwe kusoloka, chikiko chuma chize nazeneka YEHOVA kuhanjika, kapolofweto uze nachihanjika nakulipambula: enu kanda mukamwivwa womako.*

<sup>230</sup> Kachi Kalunga kahanjikile echiko, kahajino kanda kwivwa womako. Echi—echi chili chosena chakwoloka, twalilaho kuya na kuvulyama echi. Talenu?

<sup>231</sup> Jino tala ha chuma etu tuli nakwivwa lelo. Jishimbi ja Vapositolo, jishimbi jauthu ja Mesondisiti, lushimbi lwa va Mbaputishiti, lushimbi lwa Chipendekosita, lushimbi lwa, lushimbi, lushimbi. Lushimbi chumamuka? Kulihi ove weji kujiwananga? Ngunahamwisa kalamuthu angulweke yami Jishimbi ja Vapositolo mu Mbimbiliya. Ngwafwelela kakweshi chuma changochoko.

Kachi vapositolo vapwile na jishimbi jauthu vakiko vasukikile ku, hano hakiko chili: “Alumuka chakupihilila muthu himuthu, kaha vamijimike mu Lijina lya Yesu Kulishitu chakuneha kujimbangana jishili jove, kaha enu namutambula wana wa Shipilitu Wajila. Mwomwo lushiko luli kuli enu.”

Kamweshi nakumona etu tuli halihi, masepa? Etu tuli museteko yayikalu. Chuma muka echi? Chinjikizo chamuchano chize chili chakufunda.

<sup>232</sup> Jino, enu munapu malunga na mapwevo, enu vavavulu, kaha enu munapu vana va Kalunga. Kanda lyehi muhite. Anuka nge etu twatela kupwa na vyuma kana. Vakiko vatelanga kusoloka

muli lino likumbi, muli ino ola etu tuli nakuyoyelamo. Elu lunapu lwola, shimbu kanda Kwiza cha Meshiya, kwatela kupwa kuvilika kwiza kufuma kuli Kalunga.

Echa ngutange hali echi. Echa tuyenu ku Malaki. Echi chinapu makumishilo a Tesitamende Yamwaka, kaha ivwulilenu omwo Ikiye ahanjikile hano mu Malaki. Kahajino etu tuli. . . Ivwulilenu kuli echi chindende kaha.

Jino, kachi enu namutalisa, Malaki 3, kuhanjika nge Yesu ambile ngwenyi kwiza cha Yowano:

*Talenu nangukatuma mulwa wami, kaha mwakalongesa jila yami kumeso ami: kaha kukasumuka, Mwata ou mweji kutondanga, mwakeza kutembele yenyi, muluwa walushiko, ou mweji kwivwilanga kuwaha: talenu, ikiye mwakeza, mukiko mwanambe YEHOVA wamanyongomena.*

<sup>233</sup> Uze apwilenga Yowano, kuvilika kwiza cha Yesu. Kaha Ikiye ejile ku tembele, muzevene Ikiye ahanjikile, uze Muluwa wa lushiko, uze Kangelo apwilenga na. . . muze mupambo na—na tumbaji, mokomoko na va Isalele. Ove wafwelela Ikiye apwilenga uze Muluwa? Chamwaza Ikiye ngwenyi, “Ngwafuma kuli Kalunga, kaha Nanguya kuli Kalunga.”

<sup>234</sup> Jino, mwomwoika Paulu ahanyine misongo? Kumukwata ikiye.

Hanyima ya Yesu nafu, kaha vamufunjile, kaha asangukile cheka; hanyima ya lwola lwalusuku, Paulu aliwanyine na Ikiye, meso na meso, mujila yakuya ku Ndamashiku. (Ikiye ngwenyi, “Ngwafuma kuli Kalunga, kaha ayile kuli Kalunga.”) Paulu atalile helu. Kwapwile Kumunyika chachinene kuze, ize Panda ya mulangi wa Kakahya yoyimwe. Munatachikiza chuma muka Nguli nakuhanjikaho? Ize Panda ya mulangi wa Kakahya yoyimwe. Kaha Paulu ahanjikile kuli Ikiye, kaha Ikiye ahanjikile kunyima kuli Paulu. Vathu kavamwivwile Ikiye ko. Vakiko kavevwile Ikiyeko. Oloze Paulu amwivwile Ikiye. Ikiye ngwenyi, “Saulu, Saulu, ika uli nakunguyanjisa Yami?”

Ikiye ambile ngwenyi, “Ove yove Hiya, Mwata?”

<sup>235</sup> Ikiye ambile ngwenyi, “Yami Yesu. Jino katuka na kuya mujila vavuluka ngwavo Hatoma. Nachiya nakukulweka ove kufuma haze. Ngukwechi kapolofweto ali nakwiza nakumilweka chuma chakulinga, mwamono. Kaha omu mwaku. . .”

<sup>236</sup> Paulu ayile, vamujiimikile, kaha kusanyika hali Mwata, kutambula Shipilitu Wajila.

Kaha Paulu ambile ngwenyi, “Ngwapwile na kukola munyama, vanguhanyineyo, uze liyavolo, uze muluwa wa liyavolo, mangana *angulukulenga*,” kupwa nge, “kulukula cheka na cheka.” Kachi ikiye mwapwa kanawa, kaha jino



kupwa na echi, kumulukula cheka. Ngwenyi, “Ngwamuhulile Mwata kapapa katatu, kufumisa echi muli yami, oloze Mwata ngwenyi, ‘Paulu, likoji Lyami linatemo.’” Jino ambile ngwenyi, “Kuchina nangulivwimba kuhambakana . . .mwomwo ya kuvula cha kusoloka.”

Ikiye apwile cheka, ha kusoloka, kuhambakana Petulu, Yakova, Yowano, mokomoko kala vakiko. Ikiye amumwene Ikiye hanyima Ikiye aya pamo mumyaka ivali, mokomoko kuhambakana, kwimana mu Panda ya mulangi wa Kakahya, kuhanjika kuli ikiye. Ngachilihi lelo, myaka tu sauzande, kaha Ikiye hanga ayoya! Amena.

<sup>237</sup> Ambile ngwenyi, “Vanguhanyine necho, mangana kuchina kulivwimba kuhambakana, kuhanjika, ‘Jino, ndumbu walunga, Yami nguli helu lya enu vosena. Talenu? Ngwa—Ngwamumwene Ikiye hanyima Ikiye vamusangwile kufuma kuvafu, kaha Ngwahanjikile na Ikiye. Yami. . .’ Kuvangila Nanguzundula helu haze, kuze kwapwile chuma chimwe changuhanyine, kungulingisa yami kupwa wakulinyisa.” Yaah.

<sup>238</sup> Ikiye apwile umwe uze avalwekele vakiko kuvajimika cheka, cheka, mu Lijina lya Yesu. Ambile ngwenyi, “Kachi Kangelo wakufuma Mwilu. . .”

<sup>239</sup> Ikiye ngwenyi, “Kangwayile kumashikola avo ko, kwosena vakiko vapwile.” Ngwenyi, “Kangwaya ku Yelusalema ko, kaha keshi mumyaka fwoteniko.” Ambile ngwenyi, “Ngwayile ku Ejipitu, kushikumuka kwingila mu Asia.” Kaha ikiye ahulile Mwata, apwile kuze pamo mumyaka yitatu, kutanga Tesitamende Yamwaka, talenu vyosena kupezalisa na. Omwo ikiye akindulukile, mu myaka fwoteni, aliwanyine na Petulu na vakwavo, kaha apwile na Mujimbu woumwe, kujimika mujila yoyimwe, na kulinga chuma chochimwe. Amena. Ikiye atachikijile nge chakwoloka. Eyo, mwane.

<sup>240</sup> Ivwulilenu ha Malaki jino, hano, Malaki 3. Jino, kachi enu munahase, echa yami ngulumbunune hatoma kuli enu. Ngwafwelela . . .echa tufukununu jino mu Mateu kapetulu 11, kaha kumona kachi Nguli. . .Ngunahase kupwa na echi chakuhenga, Ngwashingtonyeka Ngukwechi echi, Ngunahase kutala chatete kumona echi. Matewu 11. Echa tatalenu. Kuputuka:

*Kaha nachikasoloka, omu alingile Yesu hanakumisa lyehi kuvashika tumbaji twenyei likumi navavali, afumine kuze, ayile akanangule vathu nakwambulula mazu mumembo avo.*

*Kaha. . .Jino omwo Yowano. . .evwile nge ikiye apwile. . .omu apwile muzuvo yaufunge hakwivwa vinga vya Kulishitu, apwile. . .omu apwilenga muzuvo yaufunge hakwivwa vilinga vya Kulishitu, ikiye atumine tumbaji twenyei vamwe,*

*Kaha nakumwihula ngwenyi, Ove yove vene uze mweza tahi, nyi ou tuli nakutalilila weka?*

Yowano na liso lya ngonga kutalisa kanawa, kufuma muufunge. Talenu?

*Yesu avakumbulwile ikiye ngwenyi, Yenu... umukamwambulwile Yowano evi kaha enu muli... nakwivwa kaha nakumona:*

“Yowano apwa kapolofweto. Kaha kachi ikiye mwaya—ikiye mwaya nakwivwa echi, chuma muka chili nakuya, ikiye mwaya nakutachikiza Hiya Ngwapwa.” Talenu? Ikiye ngwenyi:

*Ngwenu tupuputa vali nakutona, . . . vaka kumbilikita vali nakutambuka, vaka mbumba vali nakutoma, . . . tujika matwitwi vali nakujikuka, kaha vafu vali nakusanguka, . . .*

“Kaha vikungulwilo vyosena vili hamwe”? Kayahanjika nge ngachizeko, mukiko? Nduma. Kayahanjika ngachizeko. Yahanjika:

*. . . vaka kumbilika kutambuka, vaka mbumba vali nakutoma, . . . tujika matwitwi vali nakujikuka, kaha vafu vali nakusanguka, kaha vakakuhutwa vali nakuvambulila nawa mujimbu wamwaza.*

Chikiko chinjikizo. Tala:

*Kahomu vapwile ava nakuya . . .*

*Kaha atokwa weshowo, uze mwakana . . . kumona chuma chakumufutwisa muli ami.*

Jino tala: “Wakukisula ou mwakana kumona chuma chakumufutwisa muli Yami,” mujila ikwavo, mokomoko, “mwahona kwivwa sonyi ya Yami. Atokwa ou mwahona kunguwila sonyi Yami.” Talenu?

*. . . vapile ava nakuya, Yesu aputukile kuhanjika ku mayongomena aze nakumuvuluka Yowano ngwenyi, Mwalovokele nakuya mupambo ngwenu mukatale ika?*

Talenu ou kapolofweto jino:

*. . . Mwalovokele nakuya mu pambo ngwenu mukatale ika? Lihongo lya kunyikisa kupeho tahi?*

Keshi Yowano ko. Mamalelo, nduma. “Enu chisemunuino cha manoka vamu mwila,” ikiye ahanjikile kuli vize vikungulwilo, “hiya amihuhumunanga enu muchine kufuma kunddombo yili nakwiza? Kanda kuputuka kuhanjika, ‘Etu twapandama kuli echi na chize, mwomwo Kalunga ali wakutela kufumisa vana kuli awa malolwa.’” Mamalelo, ndumbu walunga, echi kachapwile kuyema cha peho, na ikiye.

*. . . Lihongo lyakunyikisa kupeho tahi?*

Mokomoko *nyize mwalovokele ngwenu mukamone ika? Muthu wakuwala mahina amavwovu tahi?* (Atela kuzula uvwalo wenyi kavali mokomoko kapapa katatu shimbu shimbu ikiye ali nakunangula?) *iwenu, ava vavwala vya vivwovu vali mumazwo ava myangana.*

Vakiko vanapu vakakuzata vase vayile na kusweswenya uze kamba, munatachikiza, kaha—kaha kumbata uze mukweze, kaha—kaha kuya kushikola na kulingisa kuhanjika cha kuhanjika, kaha, munatachikiza, vyuma vyosena kupwa vya kuzeya. Talenu? Talenu? Ikiye keshi kujingulwisa poko yauvela kuvali kulovoka hano nakupwa kulutwe. “Nauya ngachilihi nakumona, mukweze umwe nge ngachize?” Ikiye apwile... Ikiye ali nakuvahula vakiko.

*Oloze mwalovokele enu ika ngwenu... mukamone? Kapolofweto? (Ivwulilenu.) yaa, kaha Nangumilweza ngwami, mwomwo vene, ou nahambakana kapolofweto chikuma.*

Eyo, mwane. Chuma muka ikiye? Kuhanjika, “Ikiye ali kuhambakana kapolofweto?” Ikiye apwilenga kapolofweto, *kuhakilako*. Ikiye apwilenga muluwa wa chize chisemunuino.

*... mwalovokele ika ngwenu... mukamone? Kapolofweto tahi? yaa, Nangumilweka ngwami, mwomwo vene ou nahambakana kapolofweto chikuma.*

*Ou you uze... vavuluka hakusoneka ngwavo, Tala, Ami nangukatuma muluwa wami kumeso ove, ... ikiye mwakalongesa ize jila yove kulutwe lwove.*

Tala hano mu Malaki 3. “Tala, Nangukatuma muluwa Wami kumeso Ami.”

<sup>241</sup> Tala. Jino, Malaki 4, echa ngutange echi. Ikiye mwaya nakwiza cheka.

*... talenu, likumbi lili nakwiza, lili nakukwata nge lilungu lya kakahya; vakakulipambula vosena, na, ...*

<sup>242</sup> Echi chili lelo. Ngweji kutambuka nakuya mujila na kumona ava vathu. Ove unahase kuhanjika kuli vakiko, kaha vakiko kuseha hali ove, kukusekeleka ove. Ngwashingtonyeka, “Chuma muka echi?”

Lize likumbi likwavo, Ngwapwile nakutambuka nakuya, kushikumuka, kusali ya square kuno. Ngwapwile nakuhanjika kuli vathu vamwe, kaha vakiko vahanjikile ngwavo, “Mamalelo,” atambukile nakuya.

Chumachimwe kuhanjika kuli yami, “Kuli atomic fodder, kalinwa vipwenga uto kulimwanga hamavu. Echa vakiko ukawavo. Ove wahanjikile kuunda chove. Pwako wakulizanga na kulovoka muno.” Haleluya! Ngwatela kuhanjika ngachize, Ngwashingtonyeka. “Litambwilenu ove lyavene. Fumisa muhya

wove. Nguli nakumisanyika.” Ou ukiko mulonga Nguli nakuvandamina.

*Mwomwo, talenu, likumbi lili nakwiza, lili nakukwata nge lilungu lya kakahya; yaa, vakakulipambula vosena, . . . navakakulinga mwakuhuka vosena, navakapwa nge vinjiji: . . .*

Muze mukiko vene chatela kupwa. Nachikasoloka ngachilihi omu wamunene . . . enu vamwe vanjimi; omu kakahya kakanene kuveta muwande watiliku, omu ikiye mwakapwa vinjiji? Ikiye kupwa haze kaha kuswanga, na uto kunyima yenyi. Muze mukiko twatela kulinga, nge chize, omu mwakamuveta.

*. . . lize likumbi lili nakwiza nalikavashitula, mukiko mwanambe YEHOVA wamayongomena, ngwenyi kalyeshi kavasela chipwe mwiji chitangoko.*

Kakweshi kukaya nakupwa vimwe vyakusalako muli vakiko.

*Oloze enu mweji kwivwanga lijina lyami woma likumbi lyakwoloka nalikamitutukila nakuneha kuhindula mumavava alyo; . . . enu namukalovoka, nakusamba nge mwavana va vangombe vakusoka. (Echi chikiko myaka Likombakaji.)*

*Kaha namukavalyatangila vakakuhuka; mwomwo navakaya kupwa uto mwishi yavilyachilyo vya hanji enu halikumbi lize nangukaya Nguli nakulinga, mukiko mwanambe YEHOVA wamayongomena.*

Kwiza nakulovoka, mu Likombakaji. “Uze uto wawakakuhuka.”

*Anukenu . . . jishimbi jangamba yami Mose jize ngwamulwezele mu Holove . . . hali va Isalele vosena, nge na vilika na mazu akuyula.*

Jino, ivwulilenu kanawa jino.

*Talenu, Nangukamitumina kapolofweto Elija shimbu kanda likumbi lya YEHOVA lizenga lize lya linene lyakwivwisa woma:*

<sup>243</sup> Jino, uze pamo katelele kupwa Yowanoko. Chinahase kupwa, mwomwo kaye kachi vakeyekele lyehi. Oloze hano Ikiye ngwenyi, mu Mateu 3, Ikiye atumine muluwa kumeso Ikiye. Kaha Yesu ambile ngwenyi, “Uze ikiye Elija ejile nakwiza, na kuwahisa jila kumeso a Yami.”

“Oloze shimbu kanda eyi mbomu yayinene yihete, Nanguya nakutuma kuli Elija uze kapolofweto.”

*Kaha mwakalumuna michima ya masevo yikatatale kuli vana vavo, kaha michima yavana yikatatale kuli masevo, kuchina Nangukeza na kuveta hamavu na kuyitengulwila kukunaonga.*

244 Kupolofweta, mulikumbi lino.

Oloze jino enu ngwenu, “Mamalelo, uze Elija, uze apwilenga Yowano.” Uze muluwa wa lushiko apwilenga Yowano, muchano vene. Echi chili vene chakwoloka. Yesu ahanjikile ngocho, kaha kuchitavila hano, “Uze ikiye Ngwahanjikile.” Oloze, mwamono, echi kacheshi kuhasa kupwa Elija uze apwilenga nakwiza. Talenu? Echi kacheshi kuhasako. Mwomwo, mwamono, kachi nachilingika, jino upolofweto wapwile wakuhenga; mavu kavawangoneseleko. Talenu? “Oloze shimbu kanda lize likumbi lyalinene lyakwivwisa woma lya Mwata nalikeza, Nangukatuma kuli enu Elija. Kaha ikiye mwakaya nakutungulula,” tala kwiza chenyi chatete, “michima ya masevo kuli vana.” Omu mukiko ikiye alingile, chatete, kunea mujimbu wachisemunuino chachihya, kwiza cha Kulishitu jino, kukoka kakakuluka jetu vamwaka kufuma ku lufwelelo lwamwaka, kwingila mulufwelelo lwaluha kupwa nakusemuka.

Kahajino omwo ikiye ejile mulwola lwamuchivali, “Kaha michima ya vana kukinduluka ku masevo va chipendekosita, Mujimbu watete.”

245 Jino yako hano mu Kusoloka 3, kaha enu namuya nakumona echi hano cheka. Shikaho, echi vachipolofwetele. Etu tuli kulwola lwamakumishilo, ndumbwami walunga. Echi chakwoloka.

246 Nge tupolofweto fwo handulendi na Mikaya, vakiko ngwavo etu tuli. . .Etu tuli mulikumbi lya makumishilo, etu tunatachikiza. Kapolofweto wakwonga, kusolola vinjikizo vya kwonga, kulinunga na vikungulwilo. Vakiko ngwavo, “Twaya na kulinunga. Echa tulinunge. Ove twaya na kulinunga na liuka lyetu. Neha mamembala. Etu twasokololanga na chimene hali enu kunungulula membeship yove kufuma muli *lize* liuka nakutwala *kulimwe* lyeka.” Mamalelo, chakuzeneka mangana. Kuwaha muka na umembala kuli enu? Kachi enu kamweshi na uswanako muze Mwilu, vulyamako hali echi. Tupolofweto vakwonga navakaya nakusolola vinjikizo vya kwonga.

247 Oloze, tala, tupolofweto vamuchano, vakiko navatwama na Lizu lya Kalunga. Chinjikizo chamuchano nachiya nakuneha Lizu lya Kalunga muchano ku Liuka lya muchano, kaha Liuka lya muchano naliya nakutambula Lizu na kuwahilila hali Echi. Omwo mautanga amandende, aze navakawahana mumakumbi akumakumishilo, vaze vanapu masalila kuli Vakamafuchi eka na eka, chize navachimbata nakuya.

248 Omu Yesu ejile, kakwapwile—kakwapwileko oloze kupwa vene vavandende vaze vafwelelele. Lizavu lya John lizavu lyalindende lyapwile limwe uze afwelelele. Yesu avambachile nakuvafumisa kuze, kuvalingisa kupwa tumbaji kufuma kuli vakiko na kuyalika. Omu Elija. . .

<sup>249</sup> Omwo chize kwenyeka chejile, omwo lwola lwa Nowa ejile, ikiye apwilenga chinjikizo, kaha ikiye ambachile vathu muze muwato. Omwo Elija ejile, ikiye akokele vathu kuvafumisa muchimbalanganyi vakiko vapwilemo. Omwo Yowano ejile. . . Tupolofweto vosena vapwile chinjikizo, chinjikizo, vinjikizo, chinjikizo.

Kaha Ikiye atushikile etu kupwa na chijikizo chamakumishilo. Mu makumbi amakumishilo nakukaya nakupwa chinjikizo. Chikiko chinapu vanachihumbula. Vathu kavamonako. Vakiko veji kuya helu lya echi, kaha echa chiyenga. Ndumbu walunga, ndumbu wapwevo, kanda kulinunga na liuka ko. Echa nguhanjike echi, mukusoka jino.

<sup>250</sup> Kachi ove wapwilenga nakutachikiza cha kwivwa chamujimba, kwivwakwivwa cha mujimbu, kanda unokako hali chize. Kanda ove kuchilingako. Mwomwo enu vathu. Enu muli. . . Nguli nakuhanjika kuli vathu. Ngwavevwile vakiko kuveta hatepu recorders kunyima kuze, hazevene. Nguli nakuhanjika jino ku Liuka. Talenu? Ivwililenu, kamweshiko. . .

<sup>251</sup> Nangwamba ngwami vyuma vyavivulu lwolalumwe, nge ngachize, shikaho vathu vali muno mulifuchi vali hano. . . Twama na Kalunga. Tala ha chinjikizo chove chamuchano. Ove muya nakuchimona. Nachiya nakupwa kuli ove, oloze jimiliyoni kuya nakutambuka hakamwihi kaha kaweshi nakuchimonako.

Omwo Yesu ejile, vakiko kavamwijivile Ikiye ko.

Vakiko vahanone kutachikiza Elija. Munatachikiza omwo vakiko vahanjikile omwo Elija ayile? Vakiko kavafwelele chize chakuzeneka manganako. Vakiko vambile ngwavo, “Echi chinapu chakuzeneka mangana.” Vaze vana muze vene mumbongi, muze ikiye ayoyele. . . ikiye ayoyele, kunangula, kulinga vijinkizo na vihayamisa muze vene mulifuchi, omwo kwejile wakuvanguluka kanawa, “Etu katweshi kuhasa kuwana Elija; uze Mwata amumbachile nakumutwala ku kakundukundu,” vakiko vamusehele chuma kana.

<sup>252</sup> Hano kwejile Elija. . . Elisha, na vinjikizo vyovimwe hali ikiye, chifwanyisa cha Kulishitu na Liuka Lyenyi. Hano kwejile Elija, sa- . . . Elisha, vinjikizo vyovimwe Elija apwilenga navyo, kwiza nakushikumuka, kulinga chize, numba vana vavo vavandende vakavangijile ikiye kaha vambile ngwavo, “Mutwe walyaja, mwomwoika unahonene kuya nge Elija?” Talenu chuma muka chasolokele kuli vakiko kupwa vakuzeneka kalemesa?

Lelo vakiko navaseha na kuseha. Kanda kulizakamina, ndumbu walunga, kusopesa chinasukama muutangatanga jino. Echi vachisonoka kumeso a America. Echi chakwoloka. Kusopesa chinasukama muutangatanga, utenu wa Kalunga wa Undume.

253 [Hatepu hapimbi—Muka.] “Kusaula vaze vali kanawa; kupwa na kufwana kumukomoka kalunga, oloze kukana ngolo jacho: kuli vangachize vatalisenga nyima yove.”

254 anda kumbata kwivwa chamujimbako. Kanda kumbata kwivwa chamujimba. Kanda kumbata kala chuma palanga ove kuliwana na Kalunga, meso na meso, kaha echa Shipilitu ya Kalunga kwiza muli ove. Ikiye mwaya na kuzalisa muchima wove na mwono, na zangi, na kuwema.

255 Kalunga, ngukafwe yami kuwana chihela chami kuze, kumwe mumakumbi amandende, kuze kunasale palanga Ngunamono kuze kutambuka chami chakushisaho.

256 Etu tunavandamina hatando yayisuku. Ngwavandaminyine hatondo yayisuku. Ngunanuka kukwapa muchipango chami muze. Omwo Ngwatungile zuvo hano, Mwata angusanyikanga. Pwevo lyai alilile mwomwo ikiye katondele kuseza nayeko. Ngwenyi, “Pamo ikiye kahashile kuzakaminako.”

Kaha Ngwashinganyekele, “Ngukwechi mama wakashinakaji, nawa.”

257 Ngwapwile ngumatwame hamavu, likumbi limwe, kukwapa mwila. Ngwatwamine hamavu. Kupwa kaha zwalala, Lizu lyejile, ngwalyo, “Lihandunune ove lyavene, kahajino Nanguya nakukukisula ove.”

Ngwambile ngwami, “Mwata Kalunga, ngulingise kupwa wakuwahilila hano. Mwamono omwo Nguli nakole nakufumbukila.”

258 Vyuma vyosena vize vyakukuma jino. Mama Broy ali mu Upahu; Mama Branham, nawa.

“Kuli kutambuka chami, Mwata?”

259 Kusopesa chili nakuya nakuveta mulifuchi, likumbi limwe hali awa makumbi. Kuli mafuchi akwavo vaze vevwile Mujimbu wamwaza. Kuli vihela.

260 Kalachuma ove mulinga, kanda kuvulyama mazu ami. Kumana enu! Echa chikungo chakukwata, Kalunga kumbata chikungo cha fwelu kusoneka kuyitaka mumuchima wove, nge ove kaweshi kuvulyamako. Kanda kuvulyama echiko! MUKIKO MWANAMBE MWATA: Kindulukenu kuli Kalunga, na michima yenu yosena, kwiza nakukinduluka. Kanda kukundamina ha kwivwa cha mujimba, kwivwa chamujimba, mokomoko kalachuma. Tonda Kalunga na vyosena vili muli ove, palanga chuma chimwe nachisoloka kuli ove, nge ove unatondo kwolola, ove unatondo kupwa ukalunga, ove woma Kalunga, ove—ove unatondo kuyoya mwakwoloka, kulinga chize. Kanda kuvulyama echiko, mwomwo etu tuli kulwola lwamakumishilo. Jino, anuka, etu tuli kulwola lwamakumishilo.

261 Kaha anuka echi, shimbu Nguli nakusoka, kulomba, mu munyutu, kanda kuvulyamako, ngwivwenga, mbalaka!

Kaha kachi eyi tepu hanga ili nakuya, nakungwivwulila yami, kaye, mokomoko kulihi nachiya: Kuze nakukakatuka chinjikizo, chinjikizo chamuchano; pamo chili vene kusanguka kaha kuchihumbula, chinjikizo cha muchano chize Kalunga lwolalwosena ahana, chikiko vahumbula.

Echa tulombe.

<sup>262</sup> Yesu waku Nazaleta, nge Lizu lyalinene lyahanjikile kuze lize likumbi, milungu yayindende hanyima okwo, kwimana kusali, nge omu Ngwapwile nakuzauka hamungowa, hamutondo, kaha ize Shipilitu kwiza kuhita helu lya mitondo kusali, “Yesu wa Tesitamende Yayihya napu Yehova wa Mwaka.” Ove Kalunga, hali eli Lilolwa Ngunemana. Ha mavu eka osena uli usekulula wakushikumuka. Ha mavu eka osena uli usekulula wakujiminyina.

<sup>263</sup> Hamyaka seti, Mwata, Ngunatambakana, kuhita muchana hano, uze Mujimbu, Kangwatambuka numba mwamundendeko kufuma kuli Echi, kufuma kuze Ngwaputukile, kupwa kaha Mujimbu woumwe, chuma chochimwe; kusanyika vathu kukinduluka, keshi kwivwa chamumujimbako, oloze kupwa na kutachikiza cha Kalunga na kupwa wakusemuka mu Shipilitu Yenyi. Mamalelo, chuma muka nachiya nakupwa shina kusopesa? Vaze vanakane ou Mujimbu, Mwata, kakweshi chuma chasalileko.

<sup>264</sup> Ove unazalishiwa Lizu Lyove, kusolola vinjikizo vya makumishilo, kaha kwinjikiza kukupuka, nge Ove unapu Kalunga, kaha nge etu tuli hano. Numba omu etu kwivwa mukakwambulula wamunene mumafuchi lelo, vosena kutambakana. Kaha muchima wa lifuchi, kaha na mafuchi akwavo’ kwinyika, kaha—kaha kuholoka nawoma. Kaha omwo etu natwivwa ava malunga vavanene, mbwe na ku France, kushinganyeka nge mbomu yatete nayiya nakuholoka mu Louisville, Kentucky, ha jihandulendi ya jimilosi kuhita mulifchi. Ove Kalunga, vakiko vapwilenga na lihanya lya kwivwa, oloze vakiko kavahashileko.

<sup>265</sup> Mapapilo, vyuma vya liuka, chisanji chamivwimbimbi, chisanji, kulongejeke. Kakweshi hakulipekelako. Kahajino, Mwata, Ove ngwove, “Vosena vaze Tata nanguhane Yami navaya nakwiza, kaha naumwe muthu mweza kuvangila Tata namukoko ikiye chatete.”

<sup>266</sup> Jino, Tata, Ngwalombo echi kulomba hali yami lyavene. Hano Yami, kupwa kashinakaji jino, kaha Ngunahono kutachikiza makumbi angahi etu tunaseze, Mwata. Etu pamo katweshi na lelo ko. Oloze kala chosena chasalileho, Mwata, kaha chumamuka chasalileko mu chiyoyelo chami, Ove Kalunga, echi chinapu chachashi Ove unahase kumbata na kulinga chumachimwe na echi, ku upahu Wove?



267 Ngwalombo chatete hali yami lyavene, Mwata, nge Ove uyenga nakunguhana punga Yove. Echa punga Yove yilinge, Mwata, kala chuma chinahase kupwa. Ngwatondo echi kupwa kuhanjika hali lize likumbi omwo Ngwejile nakuliwana na Ove, “Echi chapwile chamwaza kulingika.” Kachi echi chinapu chachinene, mokomoko kachi echi chili chachindende, kalachuma chili mumuchima Wove waunene wa chiyoyelo chami, Mwata, hano Nguli.

268 Kutuma Kangelo na likala lya kakahya nakutomesa mivumbo na kutujilika, Mwata, mwomwo chumachamkumishilo chili nakutondeka kulingika hano hamavu. Echa etu tupwenga lizu kulila mupambo ya shili, “Awahishile kuliwana na Kalunga.”

269 Eli liuka lyalindende, ava vathu vaze vejile, likumbi ha likumbi, kaha kutambukisa jihandulendi ya jimilosi, Ove Hayamyaka na zangi, kaha kavulyama vilinga, vya Kalunga ka Apalahama, Yisaka, na lya Yakova, Hiya asangwile Yesu kufuma kuvafu, kaha jino Ikiye atwama kulivoko lya chilyo lya Wakulitulaho Helu, Kalunga kulivungila mumujimba, kisula ava vathu vaze Ngunakisula mu Lijina Lyove. Echa vakiko lwola lwosena anuka kaha kutachikiza nge kuli chinjikizo, chinjikizo cha makumishilo. Ngwalombo nge Ove muya nakuvahana vakiko, nakuvalingisa vakiko vakakuhasa veka: hamulimo wavo, kwosena vakiko vanahase kupwa, mujimbango jajijila, hakulanjila maji, mokomoko kalamwosena omu chatela kupwa, kwambulula muvitanda, kuli milkman. Kala chuma chinahase kupwa, Mwata, kachi jita yayinene ha michima yavo, echa vakiko vapwenga vinjiho. Pamo vakiko kuyoya mwakumukomoka kalunga kaha viyoyelo vyakujilikiwa palanga vakiko kupwa mikanda yakusoneka vanakutanga kuli vathu vosena.

270 Kalunga, kisula mapwevo jetu. Ove Kalunga, Ngwalombo nge Ove uveche vakiko kukosa kumeso avo, vaze kaveshiko, kumbata. . .chize chi Yezevele chakulyalumuna chifume. Echa vakiko vakwechi ngolo ja Vakakulishitu, kaha Shipilitu ya Kalunga hali vakiko, chikuma, kutachikiza nge vakiko kavatela kuvwala uvwala wamajilo uze vakiko veji kuvwala. Echa jikambu javo jikule, nge mapwevo vakalemesa. Mwomwo echi vachisoneka mu Mbimbiliya, “Chamwaza kumeso a Mwata nge mutango waundende mangana vachine vyuma kana vili nakwiza kumakumbi akumakumishilo. Nachiya nakupwa chaupahu kumeso a Kalunga,” nge kapolofweto nambulula. Kalunga, tuhanecho echi.

271 Kakweshi chuma chekako Ngunahase kulinga. Ngunatenukila lizu lyami, ha mwaka ha mwaka, Mwata. Kaha kuvangila Ove mutambuka jino, kakweshi chuma Ngunahase kulinga. Ngwalombo nge, nge Ove muya. Kaha Ngunatachikiza Ove muya, mwomwo Ove washikile echi mu Lizu Lyove.

Kaha haze hakiko Ngwemanyine. Ngunahase kaha kuhana chinjiho, Mwata. Kaha naumwe muthu mweza kuvangila Ove mukamukoka; kaha vyosena Tata nanguhane navaya nakwiza. Nguli na kukunyuka, nge Lizu Lyove naliya nakuzakamina. Tukisule, Mwata.

<sup>272</sup> Kaha kachi kuli vaze hano vali nakukundamina hamujimba, pamo vakiko vatambakanyine, vakiko, pamo vakiko vapwilenga na Shipilitu Wajila, mokomoko...Etukatweshi nakulava ngahize, Mwata, mwomwo etu twamono vathu kujinguja kwosena, kutambakana. Etu twamono vathu ha kaye, kutambakana. Etu twamono kuwahilila palanga vakiko kutambakana, kulovoka hamavu, kukina, na vyuma vyosena. Echi keshi Ove ko, Kalunga.

<sup>273</sup> Oloze kuliwana na Ove na kuhanjika na Ove, kaha Ove muhanjika kunyima, omu mukiko etu twatondo, Mwata. Mamalelo, Ngwalombo Ove, Kalunga, ha munyutu kana, nge Ove muya nakutuma uze Shipilitu Wajila kwingila mukapete, chino chihela chakulikehesa. Kakweshi chihela chakutamo hali Ikiye kwiza. Oloze Ngwalombo, Kalunga, nge, mujila Yove, nge Ove muya nakutuma Ikiye hano vene nakwingila mukapete. Kukukunyukisa myono.

<sup>274</sup> Nge omu Ngwahanjikanga hanyima chindende, Mwata, pamo Ove kupwa na chimbuji mujila yimwe, pamo hali ou kamenga kusanyika, kulambilila na kushinjila vathu kuya kuze. Kaha omu etu natukinduluka mwaka nawizaho, etu kuvawana vanavulu kapapa kavali kupwa mwana wa hetese kuhambakana omu vakiko vapwilenga hakuputuka. Naveza ngachilihi kuvangila Ove unavakunyukisa na kuvapaisa, ou Shipilitu Wajila wamunene?

<sup>275</sup> Kaha Ngwalombo Ove, Mwata Kalunga, kachi uze mukashili mokomoko pwevo, kanyike walunga mokomoko wapwevo, ali muno muzuvo chimene chino, ou Shipilitu Wajila kwiza na ngolo jakukunyukisa palanga masoji nawaya nakuhita kumakili avo na kwingila mu mwono wavo, Mwata, chize chakufuma kwishi ya muchima wavo vakiko navaya nakufwelela na kwitavila Kulishitu. Tuhanecho echi, Mwata. Vakiko kaveshi kuhasa kukakmengako. Mwono wavo nauya nakupwa kamenga kavo. Tuhanecho echi, Mwata. Jino vakiko kwiza namichima yakuzala kuli Ove, kaha kuhanjika, "Jino ngwatondo kupwa vakujimika mu Lijina lya Yesu Kulishitu chakuneha kujimbangana jishili jami jize Ngunapihilila nakwalumuka." Tuhanecho echi, Mwata. Vazalise na Shipilitu Wajila.

<sup>276</sup> Tuhane vakakwambulula mujimbu wamwaza muno mukaye lelo, keshi vaze veji kushinjlanga na kukoka, kaha kulingisa vana va chikungulwilo. Kalunga, imika Ove lyavene vana vamwe. Pwako na vathu, Mwata, kulomba. Nguli nakushinganyeka ha zuvo ya Corus. Echi kanda lyehi

chisoloke kuli va Kamafuchi eka na eka, oloze vakiko vapwile nakulitwamina kulya na kulomba. Kaha omwo uze lunga wa Kalunga, uze kapolofweto, emanyine haze, “Kaha shimbu ikiye ahanjikile mazu awa, Shipilitu Wajila aholokele hali vakiko vaze vevwile Lizu.” Kalunga, tuhane echi kuliwana. “Shimbu Petulu ahanjikile awa mazu.” Ove Kalunga, vakiko vapwile vakulizanga. Vakiko vapwile nakulitwamina kulya. Vakiko vapwile nakuvandamina. Vakiko vapwile vakushishika. Vakiko kavapwile kaha “vandamina,” vakiko vapwile “kuvandamina palanga.”

<sup>277</sup> Vaze vapositolo vavandaminyine palanga Kalunga kwiza mukachi kavo, kaha vakiko vamwene Ikiye na kuhanjika kuli Ikiye. Vakiko vayile na michima yize yakwocha kaye nakusongo. Vakiko vapwile vakumika, kaha kwimana mukachi ka vihela muze chinahase pamo kulumbununa kuli vakiko kupwa mutwe wavo vevene kupwa wakuvatula. Vakiko vambile ngwavo, “Echi chili chakwoloka kuli etu kwivwulila kuli enu, mokomoko mazavu enu, mokomoko enu malunga va chikungulwilo? Mokomoko, etu natwivulila kuli Kalunga? Talenu enu kuli echi.” Kaha hazevene, haze vene vakiko vapwile echa ayenga, ayile nakulovoka na kunangula Lijina Iya Yesu Kulishitu cheka. Ove Kalunga, tuhane etu—tuhane echi, Mwata.

<sup>278</sup> Katuka ou umwe Ove uli nakuhanjika mu Visoneka, kuli etu. Kuwavisa ikiye, Mwata. Ngwamusanyikile ikiye. Mumutumu, Mwata. Ove Kalunga, michima yetu ya zala ili nakulila. Amutumine ikiye, Mwata, chize nachiya nakukinduluka kuli vathu kukinduluka ku Lufwelelo lwa masevo cheka, chize nachivalingisa kufuman nakuya mukupwa vakawoma vakufuma muvikulungulwilo, kwingila mukutachikiza chivene na Kalunga, nge omu vakiko valingile ha Pendekosita, liuka livene cheka, kuwema, na Mujimbu woumwe, Lufwelelo lwolumwe, Kunangula chochimwe, Mbimbiliya yoyimwe, uze Kalunga youmwe na chinjikizo chochimwe. Katula etu kapolofweto, Mwata.

<sup>279</sup> Hindula vakakuviza mukachi ketu lelo, Mwata. Kuli vaze vali nakutondeka. Ngwavalombela vakiko, Tata. Chinashimbula chikuma, kuvandamina echi chimene, kaha kuli vaze vanatwame hano.

Ufuku umwe, shimbu kapositolo Paulu apwile nakunangula ufuku wosena, mukweze walunga kuholoka kufuma muzuvo na kumujiha lyavene. Ikiye ayile na kusavala. Ikiye katwalile muzeko, oloze ikiye—ikiye ayile na kusavala. Kaha ikiye aholokele, kaha chiyoyelo chenye chinayi. Kaha uze kapositolo alombe, kaha kuyoya kwiza cheka muli ikiye.

<sup>280</sup> Ove Mwata Kalunga, kuli vavavulu hano vanaholoka mumisongo. Kaha shimbu etu tulli nakuvandamina na kushimbula kuhambakana lwola lwa kulimwanga cha liuka,

kuli vaze vanavinji. Ove Kalunga, echa jize ngolo, jize—jize Shipilitu Wajila uze ejile hakapanji mu Panda ya mulangi wa Kakahya, Hiya eji kulijimbula Lyavene na kulilingisa Lyavene kumutachikiza kupwa Ikiye Hiya, kaha etu twafwelela Ikiye, echa Ikiye amwangale muthu wosena muno lelo. Hindula vakakuviza. Zalisa na Shipilitu. Hana kusokoka mujila yosena, Mwata, nge etu twatondo echi. Kuzalilila cha michima yetu na lufwelelo, Kalunga, na lufwelelo lwakuzeneka kufwa, na kuzeneka kulivwasana na lufwelelo nge etu tuli na MUKIKO MWANAMBE MWATA. Tuhanecho echi, Mwata.

<sup>281</sup> Echi chinapu vathu Jove, Mujimbu Wove, Lizu Lyove, vangamba Jove. Kaha liyavolo kakwachililako. Ikiye keshi numba kwenyeka etu nge yino mbalaka vanayenyekako. “Mwomwo kachi eyi mbalaka yamavu nayinyeka, etu tukwechi yimwe yinavandamina.” Ikiye keshi kutuvulumunako, mwomwo vyumavyosena vize vakakole jetu vana vakakole Jove, mwomwo etu twapwa Vove. Etu vatulanda na ndando, ya Manyinga amwaza a Yesu.

Shikangaho, enu va ndemoni vaze vanakase ava vathu na misongo, Ngunakulweke, mu Lijina Iya Yesu Kulishitu, kulovoka muli vosena. Nge ngamba ya Kalunga, kuvuluka eli Lizu kupwa Muchano, ove museza vakiko. Ove kaweshi nalisesako. Vyuma vimwe vize ove wavuluka kupwa navyo, wavijima ku Kavali. Kaha ove kaweshi kuvilama nakutwalilahoko.

<sup>282</sup> Jino, Kalunga, ahane lunga na pwevo, kanyike walunga mokomoko wapwevo muno, lufwelelo kufwelela chize. Eli Lizu vanalihanjika. “Kachi ove muhanjika kuli eyi pili, ‘Tutuluka,’ kaha nauhona kukakasana mumuchima wove.” “Kulomba cha lufwelelo nachilwila uze naviji.” “Ove ulina ocho ove mulomba.” Etu tunatachikiza chize. Etu tuli nalufwelelo muli Kalunga. Kachi etu natupwa na lufwelelo lwa vyosena, kachi Kalunga ali wakuyoya muli etu, etu twafwelela chize. Kaha Ngunatachikiza nge chili ngocho, Mwata. Shikaho, tuhane echi, lelo, ha misongo na ulwilo. Mokomoko, Ngwatela kuhanjika, mokomoko kachi ahanjikile ngwenyi, ulwilo watete kaha jino misongo. Tuhanecho echi, Mwata, mwomwo mwono unapu wakushisa kuhambakana mujimba.

<sup>283</sup> Oloze vaze, lwola lumwe, mwono wavo valwilile, kaha ou mujimba wamwaka watela kupwa Satana, kaha ikiye atachikiza nge ikiye mwaya nakumbata echi kusongo ya lwola. Ikiye mwaya nakulipika kaha kutuma kukinduluka palanga masafu vahamavu kukalava nakwingila kaha kulya echi. Oloze ikiye keshi kuhasa kukwata uze mwono, mwomwo napu mukakulama nyambaulu ya Kalunga. Kaha kuhichila muli chize kuyoya, nge kuweluka wa lifwo, kukinduluka kuli Kalunga Uze atuhanacho; kuya nakutwalilaho mu ngonde yikwavo, na mujimba wauhya uze Liyavolo keshi kuhasa kukwatako. Chipwe chisemunuino cha mwaka mokomoko kalachuma chinahase kukwata. Nachiya

nakupwa mujimba waupahu. Etu tuli nakutala hali chize, Mwata. Kisula vathu Jove jino. Vakiko vanapu Vove. Kaha Ngunavahane vakiko mulivoko Lyove. Ngwalombo echi mu Lijina Iya Yesu.

[Ndumbu walunga Neville mwahana kutukafwa—Muka.] Upahu! Kwalisa... [Mukwavo ndumbu walunga mwahana kutukafwa.]

<sup>284</sup> Eli keshi lizu Iyamiko. Eli linapu Lizu Lyenyi. Mamalelo, chuma etu twatondo, elu lwola—elu ola etu tuli nakuyoyelamo! Enu kamweshi nakwivushisako, masepa, nge Kalunga keshi kwiza nakuwahilila chachineneko? Ikiye kutwama mulikehesa, wamundende, vyuma vyakulikehesa. Ove kaweshi pamo kulitachikiza chumamuka kuya hazevene jino, chuma muka chili nakutambuka muli ino zuvo, chuma muka chili nakutambuka muli ava vathu jino.

<sup>285</sup> Mwomwoika Shipilitu ahanjikile, kumaputukilo, “Shimbu kanda Ngupwenga nakala chuma,” kuhichila muli Ndumbu walunga Higginbotham, “tala ou Mujimbu, mwomwo Ngunanehe Echi,” *chumachimwe chikwavo* nge ngachize, “kukuhumuna ove hali echi chuma chili nakwiza”? Tala chuma muka chasolokele.

<sup>286</sup> Vyuma vimwe, vize Visoneka Ngwasoneka hano, Kangwakwachileko, kaha kuya nakufuma muli Vakiko. Vangutwaminyinyine kufuma kuli Shipilitu Wajila. Talenu? Vamwe va Visoneka, Kangwakwatahoko. Ngwayile kaha na chuma chikwavo, hamwe. Kamwe mu chindende, kwivwa chumachimwe kwiza, kufukununa na kuwana kuze apwilenga. Shipilitu kuhanjika mukala jila jino.

<sup>287</sup> Mamalelo, vathu, kupwa wakushishika, kupwa wakushishika. Kanda kweseka kunoka hali... Talenu, ove uli—ove uli nakutala ha chuma chimwe chachinene na kuvwakuma.

Omwo, tupolofweto vosena, na Ndavichi ambile ngwenyi, “Ha Kwiza cha Mwata, nge, kala pili nayiya nakupwa mwishi, kaha na—na vihela vimwe vinahase kupwa helu.” Ambile ngwenyi, “Jipili najikata nge mukoko wamundende, kaha mafwo kusakwilila mavoko avo.” Chamwaza, chumamuka vathu vashinganyekele nge nachiya nakupwa, omwo... Yesu ejile?

Kaha yalumukile nakupwa ika? Mukakunangula wakulikesa wakashinakaji, kapwile nashikolako. Ha myaka naine yakusemuka, ayile mupambo, keshi kupwa wakulilongesa na muthuko, oloze kupwa—kupwa wakulilongesa kuli Kalunga. Ejile nakulovoka, kaha kwimana na chihanda cha chilambu cha mukoko hali ikiye, na ungoni kumeso kwosena, waungona hosena, kaha ungoni kusukama mbwe na musingo. Kuyoya kufuma mupambo, kufuma kuvambimba makumbi, vaze vambimba, vambimba vamuchipapa na uchi, omwo ikiye ayoyele muze mupambo. Kaha ejile, kwimana muze mundambo,

na kuvilika kwiza cha Meshiya. Kaha Meshiya atambukile nakushikumuka, nge Muthu mukachi ka vathu, kaha apwile wakujiimika. Kaha tupolofweto vosena vavulukile kupwa umwe wa vyuma vyavinene vize vya solokele, kaha chapwile. Talenu?

<sup>288</sup> Vakiko kutala ha chumachimwe wamunene, kutumwina chumachimwe, kusoloka. Talenu? Ou Shipilitu Wajila keshi kuhasa kumunyikako. Echi kumunyika chikuma. Echi kumunyika chili cha kaye. Kuvwakuma chinapu cha Kalunga.

Kuvwakuma chikuma hali yami, Mwata, chikiko kulomba chami. Ngukehese. Ngumbate, ngutunge yami na kungulingisa yami. Shipilitu ya Kalunga wakuyoya, tambuka nakwiza kuli yami. Ngutunge, ngulingise. Ngumbate Ngupwe Wove, Mwata. Ngumbate kaha.

<sup>289</sup> Nguli kaha nakutachikiza nge Shipilitu ya Kulishitu ili nakutambuka nakuhita muli ino zuvo hano chimene chino. Ou Kalunga uze mwaya nakusopesa kaye hano vene, kupwa kaha wakukunyuka nge omu Ngunema muli uno kamenga. Kunapunga umwe, vavali, vinjikizo vitatu, vya Lizu, muze vene yahanjika Mbimbiliya. Enu mwewwa lyehi kusoka ha lwola kana, hanyima ya chize? Umwe, vavali, vatatu, vyuma vyosena muchiyulo cha mushipilitu, vyuma vyosena muchiyulo cha Chisonaka. Mamalelo, sokolola michima yenu na kwivwushisa. Mamalelo, lwola kana, chuma muka nachisoloka halwola luno!

<sup>290</sup> Vakiko vapwile mukapete kahelu, vosena nakujina chimwe, kuvandamina. “Mwomwo vaze navakavandamina hali Mwata navakaya nakutungulula ngolo javo. Vakiko navakajindama na mavava nge a ngonga.”

<sup>291</sup> Kanda kuya kuzeko na kuhanjika, “Mwata, Ngukonekele jishili jami. Jino Ngunetavila ha lufwelelo nge Ngukwechi Shipilitu Wajila,” na kutambuka nakuya.

“Vakiko vaze veji kuvandaminanga hali Mwata,” milungu, makumbi, kala chuma, “navakaya nakutungulula ngolo javo. Vakiko navakakanduka na mavava nge a ngonga. Vakiko navakalaha kaha kaveshi kazeyako. Kachi vakiko navatambuka, vakiko kaveshi kazeyako. Kungunangula yami, Mwata, nangunangula yami, Mwata, kuvandamina.” Vandamina hali Mwata.

<sup>292</sup> Likumbi na ufuku, lwola lwosena, Mumwaka wapwilenga mu tembele, kutwalilaho kulomba, likumbi na ufuku. Omwo vakiko vanehele Yesu, ikiye ejile nakwingila, kapuputa, kuhichila muzuvo, kutambuka nakujinguluka. Pwevo wakapuputa kumuhaka mavoko hali Ikiye na Kalunga wakukisula. Mwomwo, muupuputa wenyi, mu shipilitu yenyi, ikiye atambukile na Shipilitu, kuze Ikiye emanyine.

<sup>293</sup> Kuze, Shimona, kuvandamina Ikiye, kukinduluka mukapete nakulomba kunyima kuze, atachikijile nge ikiye apwile na lushiko, kuli Shipilitu Wajila, nge ikiye keshi kuhasa

kufwako; lunga wamwaka, eyite, hakamwihi na myaka nayite yakusemuka. Kaha ikiye apwilenga...kulweka vathu vakusokoloka, “Kangweshi nakumona kufwa palanga Nangumona Meshiya.” Kaha ha munyutu yoyimwe, Kemba wamundende...

Chuma muka Ikiye? Keshi kuwahililako, vakakulama vosena kwimana nakutala omwo vakiko vanehele Meshiya, kulivunga mukuyema kaha mwamwaza, kaha mwamwaza kaha mwakuhaka umbonga, kaha livumba nge vakemba vavandende vaneza mangana vavakunjike. Oloze mama wamundende vanahanjika mwamupi hali, ambile ngwenyi, “Ikiye apwile na Kemba, kulovoka muze chisaka chajila.” Kulivunga mumahina avangombe, toka, vangombe toka kuvavunga mwamwaza kujingilika Ikiye, kutambuka nakuhita muzuvo, kaha kalamuthu kulama tunda kufuma kuli Ikiye.

Oloze hano kwejile lizavu lyalindende, lize lizavu lyalindende. Anna, hali umwe. Shimona, mukwavo, kutambuka nakuhita mumukana, kuhona kutachikiza omwo ikiye mwaya na kuveta meso eyi hali Echi. Kaha kuzundula mavoko eyi na kuhanjika, “Mwata, echa ngamba Yove ayenga mukuunda jino, kutesekesa na Lizu Lyove, mwomwo meso ami anatale ulwilo Wove.” Huu. Talenu? Kwauchi wamunene, washinyinyi. Kuvwakuma chikuma; kaha chipwe vamuhanjikile mwamupi, chapwile chinjikizo.

<sup>294</sup> Kaha, lelo, chinjikizo chili chachipi kuhanjika. Echi kacheshi na kuzachila hamwe. Echi—Echi...Echi chinapu chachipi kuhanjika, na kusanyika vyuma vyosena. Oloze echi chinapu chinjikizo chize vanahumbula, chinjikizo chize vahanjika mwamupi. Eyi Mbim biliya kuhanjika hali chize, “Chize chinjikizo, vanahanjika mwamupi.”

<sup>295</sup> Echa etu kwanuka ou ungeji wakumembwetu. Kanda kwecha ou Mujimbu kufwa kufuma mumichima yenuko. Kala chuma ove mulinga, kanda ove muchilingako. Ove uli nakulomba hali Echi, likumbi na ufuku. Kaha kulomba, likumbi na ufuku, mwomwo Kalunga kukatuka chinjiho Chenyi jino. Etu tuli vakulizanga, mwomwo Ngwafwelela, linwaha, lwola kalweshi kukapwako chekako. Etu tuli nakwiza...

<sup>296</sup> “Omwo, omwo nachiya nakupwa, Ndumbu walunga Branham?” Ngunahono kutachikiza. Pamo lelo. Echi chinahase kupwa hamene. Kachi echi kacheshi lelo ko, Nanguya nakutala hali echi hamene. Kaha echi chinahase kupwa ou mwaka, mwaka nawizaho, myaka likumi. Pamo myaka seti, Ngunahono kutachikiza omwo nachiya nakupwa. Oloze Nanguhanjika, kufuma jino, enu pwenu vakulizanga kala munyutu.

<sup>297</sup> Kaha kanda kumbata chuma chimwe. Kanda kulinga ngachizeko. Kanda enu kunoka, likumbi na ufuku, palanga enu namuhanjika kuli Kalunga. Lilame ove lyavene kufuma

kukutoleka. Kanda kupwa wakuzeyako mu kwivwa cha mujimba. Kanda kulinga ngachizeko. Chize chikiko cheji kunehanga vyuma vyavipi na kulingisa vathu kupwa na woma waechi, talenu, mwomwo ya kutoleka chachipi. Kanda kwitavila chizeko; keshi ngochoko. Enu twamenu kaha kuze palanga enu namuhanjika kuli Kalunga. Hanyima ya vyosena, uli mwono wove, kaha ove uli umwe kuya nakutwama mu Hayamyaka kuze. Kaha ove pwako wakukunyuka nge ove kaweshi kuhasa kulimeneka mumavoko na kuhanjika jishimbi jauthu, mokomoko—mokomoko kwitavila chumachimwe ha lufwelelo. Kanda kulinga ngachizeko. Ove hanjika kuli Kalunga. Echa Kalunga ahanjike kuli ove, kaha tala chuma muka nachisoloka kuli ove. Tala kufwila chove na chuma muka nachisoloka, kahajino ove muya nakutachikiza nge ove wahanjikile kuli Kalunga mokomoko chiku.

<sup>298</sup> Kuli enu munafwelela hali Ikiye chimene chino. Kuli enu, kaha Ngwa—Ngwambile ngwami kusanyika chakumenga. Munatachikiza omwo vakiko vachilingile mu Mbimbiliya? “Vavavulu vafwelele hali Mwata, vavavulu vafwelele hali Mwata vava jimikile mu Lijina Iya Yesu Kulishitu chakuneha kujimbangana jishili javo.” Kachi ove kanda...Etu kanda tupwenga na kusanyika cha kukamenga. Vakiko kavapwilenga navathu kwiza. Omu enu namulinga ngachize, ove mutambula vyumavimwe. Hano hali mukweze ejile kukamenga, na kutalatala, kaha fukama hamavu, mwomwo muthuumwe esekele kumuwana ikiye. Ove—ove—ove uli kapapa kavali chachikalu kupwa na ikiye cheka. Talenu? Kaha chumamuka ove weji kulinganga? Ove ukwechi vyumavimwe muli echi. Kaha Yesu ambile ngwenyi, “Vosena Tata nanguhane Yami navaya nakwiza kuli Yami.” Twama na eli Lizu. Kalunga mwaya nakulinga vyosena. Echi chakwoloka. Echi chakwoloka. Kalunga mwaya nakulinga vyosena.

<sup>299</sup> Kalunga akukisule. Ngunatalilila kumona ove cheka ufukuuno, lutalililo, umwe naumwe namukwavo nge unahase. Ngunatachikiza enu vavavulu mwatela kutwama, kweka. Nanguya nakushikumuka, ufukuuno, kwivwa ndumbwami walunga, kachi nachiya nakupwa kupwa ya Kalunga. Kangwazangile kumbata mijimbu yenyi yosenako.

<sup>300</sup> Kaha—kaha Ndumbu walunga Neville apwa muthu wamwaza wa Kalunga. Kaha Ngunatachikiza, Ngunatachikiza hiya... Omwo Ngwamwivwile ikiye kunangula, Ngunatachikiza chili nakwiza kufuma vene mukachi ka muchima wenyi. Ngunatachikiza chize. Kaha Ndumbu walunga Neville, nge omu ikiye ahanjikile ufuku ukwavo, uze kuhanjika, ngwenyi Ngwatanganga, “Likumbi limwe Nangukaya nakumujimika mu Lijina Iya Yesu.” Ngwalingile. Mwomwoika? Ngwamwene kushishika na kushishika muli ikiye. Ngwatachikijile kachi ikiye...nahase kumuhana ikiye, kaha amwene ikiye...kaha



ikiye—ikiye nahase vene kumona Chize, meso eyi mwaya nakwiza nakusokoloka, ikiye mwaya nakutambula Echi. Ngwavandaminyine, na kulweka liuka, “Kanda kulizakamina ko, nge mukakunangula wa Mesondisiti mwaya nakwiza kanawa.” Kaha hano ikiye ali lelo, kafunga ka mbalaka, kupwa kaha wakuzama mumilimo nge ikiye nahase kupwa, muli ou Mujimbu. Ikiye afwelela Kalunga. Kaha Ngunatachikiza, omwo Nangwivwa chumachimwe chafuma kuli Ndumbu walunga Neville, Ngunatachikiza echi chili chamwenemwene, kwiza kufuma kuli Kalunga, mwomwo ikiye napu muyachi wa muthu.

<sup>301</sup> Ngunahake mavoko ami hali malesu hano vanalombelela. Kufwelela, enu vosena munatambula kukisula kuli Kalunga. Fwelela nge Kalunga ali mumuchima wove.

<sup>302</sup> Etu katweshi—etu katwejile hano na—na kutambula kukisula kufuma kuli Kalunga, chikuma, nge omu twezenga hano. Likumbi lyosena etu kuhwimasana, etu tukwechi kukisula kufuma kuli Kalunga. Chumamuka etu tuneza hano nakulinga, shina kulyolola, kuvatuka, kwalamisa michima yetu, kaha kupwa kumeso a Kalunga, na kufwelela Kalunga na michima yetu yosena.

<sup>303</sup> Anuka eli Lizu Iya Mwata. Kaha kuvulyama, kaha kuhona, kutala ha chinjikizo chamuchano chakutuma kuli Kalunga.

Kaha jino Nguli nakuya na kwalumuna kutanga kuli Ndumbu walunga Neville, echa ikiye ahanjike kalachuma ikiye alinakufwila kuhanjika.

[Ndumbu walunga Neville ngwenyi, “Yami punduvene, yami, Nguli nakumilweka, Ngunatachikiza nge Kalunga kwinjikiza chumamuka etu tulinakutonda chatete cha kutanga. Nge omu Nangutala kusali yaou nambala ya meso, chimene chino, Ngunatachikiza nge echi chinapu chamwaza nge ove unapunga hano, kaha echi chinapu chamwaza nge Ngunapunga hano, kaha Ngwatelanga kupwa hano, kaha ove watelanga kupwa hano. Kutuma chove vanacholola kuzalishiwa kachi ove kufwila kupwa. Chuma muka ove uli na chimene chino, ove watela kupwa mwomwo ove watambula lyehi kuli Kalunga.]

[“Kaha hazevene etu tuli na lujimiko lwakuzata, kukavangiza echi. Kaha Ndumbu walunga Willard Collins mwaya nakuzata mulimo wakutangisa cha kujimika, kaha etu kupwa vavali mokomoko vanakutonda vavavulu. Kaha etu twatondo kumona fwo handulendi kupwa lujimiko mu Lijina Iya Yesu Kulishitu, chimene chino.”]

Amena!

[“Kufwila kusolola lufwelelo lwove kusolola vyavihya. Lufwelelo kalweshi kuzachiwako. Lufwelelo, lwanhanjika, kalweshi kanawako. Oloze lufwelelo, kusolola, chinapu chiyulo cha Mbimbiliya.”]

Amena! Echi chakwoloka.

[“Kuhichila mu kwononoka, lufwelelo lunahase kusoloka. Echa Kalunga ahane kuli kalawosena, chimene echi, chize chili hano, chize kwivwa kumbila nakulinga, echa ove kwiza. Kachi echi, kachi echi chachindende chiyulo chove kupwa chuma wajinyine, mokomoko pamo ove wapwile nakutonda hazevene kupwa, mokomoko chumachimwe, kachi ove unhase kuchelewa, kaha kuya kuhichila na kulinga cha kwononoka, Ngwafwelela nge ndumbu wakukikehesa muli Kulishitu, kaha mukakuzachila hamwe na kapolofweto ka Kalunga, Ngwafwelela echi nachiya—nachiya nakupwa kusakula chove chamwaza, kusakula jino.”]

Kalunga tuhanecho echi!

[“Kaha tuhane nge ove uyenga nakwiza, na kumbata chihela chove mukachi veka vaze vatela kupwa vakujimika, chize ove pamo kupwa eyi nambala, kulingisa kautanga waundende. Mamalelo, echi chinapu chamwaza, keshi ngochoko? kupwa umwe wa Ikiye, kaha kupwa kutesekesa na Lizu Lyenyi. Echa twimanenu hamwe, nge etu kupwa vakulizanga kulimwanga.]

[“Chalumingo Nachizaho, Ndumbu walunga Branham mwaya nakukinduluka na etu cheka. Echa twanuke echi kuvilika. Ikiye ambile ngwenyi ikiye mwaya nakupwa hano ufukuuno, oloze ikiye kahanjikile ngwenyi ikiye mwakaya nakuzatako. Chipwengochi, kufwila chami, lwolalwosena, nge ikiye mwaya. Kaha ikiye kutonda kupwa na woma pamo kuze Ngunemana hali chize. Kufwila chami chili vene, kutachikiza nge Mujimbu na—na kusanyika, ufwishi ize ikiye ali, chili kutondeka chachinene cha likumbi lyamakumishilo. Ngunahane chihela, kala lwola.]

[“Nanguhanjika echi kumeso avathu na ikiye: Nguli, wakuwahilila, kala lwola, mukala kutanga, mwomwo ou Mujimbu waunene ou Ngwafwelela, mwomwo Kalunga ahanjikile kuhichila muli etu vavali, chimene chino, chinjikizo kutunga echi. Kaha Nguli wakuwahilila kupwa na lisesa kupwa kaha umwe nge nahase kuhana chihela ikiye.]

[“Kaha Nanguhasa, ufukuuno, nge Nanguwahilila, kachi ndumbwetu walunga, na ngamba ya Kalunga na kapolofweto, apwile wakuwolola kulinga ngocho, Ngwapwile wakuwahilila kuya nakuhana chihela kuli ikiye. Kupwa kaha na eli lizu, kalachumakana ikiye evwile. Oloze, ikiye ahanjikile ngwenyi, kaha etu natuya nakupwa nakukunyuka cha vyuma vyosena mulivoko lya Kalunga wa Undume.”—Muka.]

<sup>304</sup> Ove kaweshi kuhasa kuhula chumachimwe kuyema, unahase, kufuma kuli ndumbu walunga? Mulonga uze Ngwa. . . Talenu, masepa, Ngwa—Ngunatachikiza ove wamuzanga. Ove wamuzanga Ndumbu walunga Neville. Ove wamuzanga vathu ja Kalunga. Etu twazanga umwe namukwavo. Kachi kuli lwola luze etu twatela kupwa na zangi umwe namukwavo,

lelo. Etu twatela kupwa hakamwihi, ndumbu walunga, nge etu natupwa...Etu natuya nakupwa kuhambakana manyinga ava vandumbu vamaunga na vamaawevo. Eyi ikiko zangi yatela kupwa mumichima yetu hali umwe namukwavo, kavumbi na kalemesa, wakulitulaho. Kaha Ngwazanga chize. Ngwazanga chize chuma chivene.

<sup>305</sup> Kaha hano, Ndumbu walunga Neville, kaha Ndumbu walunga Higginbotham, Ndumbu walunga...Ngwafwelela nge apwile Ndumbu walunga Funk, echi kachavumineko nge ikiye, nge kuhana uze mujimbu kunyima kuze. Chize kwiza... vakiko vejile nakufuma kuli Kalunga, eyi mijimbu, sepa, vakiko vene valingile. Kala muthu uze akwechi kutumbununa chamushipilitu atachikiza chize.

<sup>306</sup> Oloze hano hakiko chili. Mukwiza, Ngwa—Ngwazanga Ndumbu walunga Neville chikuma palanga Ngwashinganyeka echi, mwamono. Kangwa—Kangwazangile kuhanjika chuma chimwe kuvangila Nguli na chuma chimwe kufuma kuli Kalunga kukulweka ove. Talenu? Kaha Ngwapwanga na echi—echi kwiza mumuchima wami, pamo makumbi avali mokomoko atatu hanyima, kaha Ngwahonene kutala kanawa palanga ufuku unahichi, kulaha na Visoneka vimwe. Ou ukiko mulonga Ngwejile nakusokola echi. Echi chili kumavoko ami jino. Mwamono? Kala chosena ove weji kulinganga na echi, chize chili, kuli ove, wamono. Oloze chinafumu kulivoko lyami.


<sup>307</sup> Oloze, Ndumbu walunga Neville na Yami, etu tuli kaha mujila kana. Kachi Ngwejile kuno, na—na kuhanjika lwola lumwe, kaha chumachimwe nge ngachize, kaha Ndumbu walunga Neville apwile na mujimbu kufuma kuli Kalunga, Nanguya nakutwama hamavu. Eyo, mukiko vene. Nanguya nakuhana mujimbu wa Kalunga, lwola lwosena. Talenu? Omu mukiko mujila etu tweji kulinganga na umwe namukwavo. Kaha ou ukiko mulonga Nanguhanjika Nanguya...Kachi—kachi Kalunga keshi nanguhane yamiko kalachuma, jino, pamo, kuhanjika kaha, kaha kachi Kalunga mwahana Ndumbu walunga Neville kalachuma, kaha Nguli hano vene hakamenga, Chalumingo nachimene, Chalumingo naufuku, kalakwosena chili, Ndumbu walunga Neville kupwa kaha, ikiye kupwa chikuma cha ndumbu walunga, ikiye ejile kuli yami, ngwenyi, “Ndumbu walunga Branham, Ngwafwelela ove kupwa ngamba ya Kalunga, oloze Mwata nanguhane mujimbu.” Ove watela kulinga ngachize, keshi ngochoko? [Ndumbu walunga Neville ngwenyi, “Amena.”—Muka.] Eyo, mwane.

<sup>308</sup> Nanguya nakulinga mwomumwe kuli ikiye, kachi ikiye mwaya nakuhanjika. Nangwamba ngwami, “Ndumbu walunga Neville, nauya nakungukonekela? Kalunga nanguhane mujimbu. Ngwatela kuhanjika echi kuli vathu, hano vene.” Kaha ikiye, Ndumbu walunga Neville, mwaya nakulovoka kufuma mujila; chipwe umwe wetu, kuli umwe namukwavo. Talenu? Omu

mukiko mujila etu tweji kulinganga. Kaha jino kachi etu, kachi Kangweshi na chuma chimweko, kahajino Ngwa . . .

<sup>309</sup> Ngwazanga kaha kumwivwa ikiye kunangula. Ngwamwivwile ikiye. Vangahi vevwa lyehi ikiye, ufuku wa Sondo? Uze wapwile mujimbu wamwaza, Ngunamilweke. Chakashiwile vene, chumamuka vahanjikile mu chimene.

Kaha, vathu, Nguli nakumilweka, enu mukwechi Lizu lya mwaza lya Kalunga nge enu mwatela kuyoya mwakwoloka na kupwa wakwoloka.

Kalunga akukisule jino, Ndumbu walunga Neville. 

61-1112 Chinjikizo Cha Muchano Chize Vanahumbula  
Branham Tabernacle  
Jeffersonville, Indiana U.S.A.

LUVALE

©2024 VGR, ALL RIGHTS RESERVED

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Tachikizenu lisesa lyakufwatula

Kulama lisesa lya kufwatula. Ou mukanda vanahase kuufwatula kumakina akuvulisa a hembo kupwa wakuzachisa kuli muthu hakapanji kenyi mokomoko kuhana kweka, wa wana wakanyombo, kupwa chitwa chakutanjisa Mujimbu wamwaza wa Yesu Kulishitu. Ou mukanda kavatela kuulanjisako, chipwe kuyitunga yayivulu chikuma, chipwe kuyihaka ha peho ha website, kuyitulika muze vanahase kuyifumisa, kulumbununa mu malimi eka, mokomoko kuuzachisa kupwa jila yakutambwilamo mali chakuzeneka lisesa lya kusoneka kufuma kuli vaka Voice Of God Recordings®.

Mwatondo kutachikiza vyavivulu mokomoko vyuma vikwavo, kaha sonekelenu ku:

VOICE OF GOD RECORDINGS

P.O. BOX 950, JEFFERSONVILLE, INDIANA 47131 U.S.A.

[www.branham.org](http://www.branham.org)